

Kot bilong lida sanapim 5-pela memba

YAKAM KELO i raitim

FAIVPELA memba bilong dispela namba 7 nesene palamen bai sanap long kot bilong Lidasip Traibunel o kot bilong ol lida long dispela yia.

Ol dispela memba em Mao Zeming bilong Tewae Siassi, Peter Yama bilong Usino Bundi, Michael Nali bilong Mendi Open, Andrew Kumbakor bilong Nuku Open na Bernard Hagoria bilong Yangoru Sausia Open.

Long las wik Mista Kumbakor na Mista Hagoria i bin kamap long kot long harim ol toksave na kisim save long wanem ol toktok dispela Lidasip Traibunel Kot bai kamapim long kot bilong tupela. Tupela i bin kamap wantaim olupela Bod Siaman bilong Nesene Geming Kontrol Bod Alfred Daniel we dispela kot i sanapim em tu.

Sampela bilong ol dispela lida i kamap long dispela kot bilong ol lida bikos Ombudsman Komisni i painim ol i asua long mani bilong ol pipel we ol i no yusim stret o ol i no soim gut rekot bilong ol dispela pablik mani.

Lidasip Traibunel Kot em kot bilong ol lida we ol i brukim lo i banisim wok bilong ol. Ol i kolim Lidasip Kod.

Kot bilong Michael Nali i sut long kamapim straik na mekim ol asua long taim bilong bai ileksen long Sauten Hailans long 1999.

Ombudsman Komisni i kotim Mao Zeming long yusim mani mak olsem K504,000 kes mani bilong ilektoret long 1998 na long yia 2001 na tu i no bin yusim gut K1.1 milien bilong ilektoret developmen fan. Komisni i tok dispela mani i go long ol kampani bisnis bilong ol pren na lain bilong em long yia 1999.

Andrew Kumbakor i sanap long dispela kot long em i no bin bihainim rot stret long kisim alawens bilong ka long Nesene Palamen, kisim wanpela lain bilong em long

wok we em i save kisim potnait pe long Nesene Palamen na tu long Dipatarn bilong Treseri na tu i no bin yusim stret K63,000 pablik mani we i kam long Nesene Geming Kontrol Bod.

Bernard Hagoria i sanap long kot nau long i no bihainim stret rot na i yusim ilektoret mani mak olsem K1.21 milien. Dispela mani i stat long yia 1997, 1998 na 1999.

Peter Yama i sanap long dispela kot long i no givim ripot na rekot bilong mani bilong Wota Sapai draut rilif fan, i no soim rekot bilong mani bilong lo na oda, i no yusim stret ilektoret developmen fan, em i aplai long kisim mani na i no soim klia long rekot na em i skelim mani bilong Rurel Trenspot Developmen Fan yusim famili kampani bilong em long baim ol haus we i no bihainim stret luksave biong Nesene Hausing Kopresen, i no kisim toksave pastaim long pravit kampani bilong em i go insait long kisim ol gavman kontrak taim em i stap lida, traim long baim tupela sip bilong gavman aninit long maket prais na yusim opisel posisen bilong em long kisim benk lon (dinau) bilong em yet long baim sip.

Sampela bilong ol dispela ripot i go bek long yia 1997 taim Mista Yama i bin memba bilong Sumkar Open insait long Madang provins.

Olpela bod siaman bilong Nesene Geming Kontrol Bod Alfred Daniel i sanap long dispela Lidasip Traibunel kot tu bikos tam i bin lukautim dispela opis Ombudsman Komisni i painim em asua long kisim bek mani ol i bin yusim long Manus provins we provins i nogat poka masin, em i yusim sampela mani long kaikai na arapela bilong yusim long laik bilong em yet, i yusim nabaut mobail telepon, ka na fiul kat.

Komisni i kotim em tu long yusim posisen bilong em olsem siaman long kisim wanpela kampani we em i stap klostu insait na i abrus long i no soim rekot na ripot bilong kampani na akaun bilong em i go long

Stail bilong ol Manus yet



• Ol yangpela susa bilong Manus i amamas long kisim poto long taim bilong opim gren sten na ol arapela sevis long Pot Mosbi Ragbi Lig klab haus long las wik. Foto: NICKY BERNARD.

Ombudsman Komisni.

Ol dispela lida em bilong palamen bilong tude we Somare i go pas long gavman. Ol lain long gavman sait em Peter Yama husat em lida bilong Pipols Leba Pati na Michael Nali bilong Pipels Progres Pati. Ol ara-

pela em ol Oposisen memba.

Mao Zeming na Andrew Kumbakor i no bin vot long taim bilong kamapim gavman olsem na ol toktok i sanap olsem tupela i stap long namel bilong Oposisen na gavman.

Insait long WANTOK

Viles kot nogat pe - pes 2

Kendidet laikim ausait opisel long SHP ileksen - pes 3

Tisa wari long nogat rot - pes 4

Ritim Malolo Taim ripot pes 9-20

Wol nius Moa ripot long Amerika na Irak pes 14-15

Winim K250.00 Painim bal resis pes 27

UMW

EXPECT GREAT THINGS

Niugini Limited

Pawa long Ensin. Long-Life Pennzoil Motor Oil



Hevi Duti Lubriken long ensin.

PORT MORESBY BRANCH
Morea Toba Road
P.O. Box 5243 Ph: 325 5766
Boroko, NCD Fax: 325 0805

LAE BRANCH
Seagull Road, Voco Point
P.O. Box 1729 Ph: 472 2444
Lae, M.P. Fax: 472 3342

LIHIR BRANCH
C/- Lakaka
FMB Lihir Island Ph: 986 4194
New Ireland Province

VANIMO BRANCH
P.O. Box Vanimo,
Sandaun Province Ph/Fax: 857 1437

KOKOPO BRANCH
Cnr Tokua Galagela Rd,
Kokopo Ph: 982 9799
Fax: 982 8979

PLIS RIPOT

MOSBI: Ol plis long Mosbi i wok long mekim wok painimaut yet long 4-pela strongpela sotgan we i bin lus long banis bilong PNG Difens Fos hetkota long Mari Bareks tripela wik i go pinis.

Metropolitan Supritenden Emmanuel Hela i tokaut olsem ol plisman i wok long mekim wok bung wantaim ol sinia Difens Fos opisa long traim painimaut ol dispela strongpela sotgan i bin lus olsem wanem.

Mista Hela i tok i luk olsem ol bai inap long kamap wantaim sampela lain ol i ting i mekim dispela pasin.

Ol sotgan we i bin lus i gat ol nem olsem M16 A1 masin gan, grened lonsa, na tupela masin gan wankain olsem bilong ol plisman AR 15 asolt raifol.

I gat ripot olsem ol dispela sotgan na ol samting bilong pait i bin stap long Mari Bareks long banis we ol kain samting ol i save stap long en na ol i bin lus.

I nogat ripot yet sapos ol soldia i mekim dispela stil pasin na tu sapos ol wasman i bin was long dispela taim o nogat.

Tasol i gat luksave olsem ol bikman bilong PNG Difens Fos yet i wok long lukluk insait long ol yet long dispela hevi na ol arapela hevi long bipo tu.

4-pela yia i go pinis planti ol sotgan na ol samting bilong pait i bin lus long banis blong lukautim ol samting bilong pait. Ol wok painimaut i no painim na kisim bek olgeta dispela birua samting. Na i gat bilip olsem planti ol sotgan na ol samting bilong pait i bin go kamap na stap long han bilong ol paitman long hailans long yusim long pait na tu long arapela trabel lain tu wantaim.

KEROWAGI: Ol ples lain namba olsem 15 olgeta i bin kirap nogut tru taim ol plisman i bin kamap long ol long gaden mariwana (spak brus) bilong ol long Sarere moning. Olgeta i stap nau long plis rum gad. Ol plisman i bin pulim klostu 2000 diwai mariwana olgeta we inap kos planti tausen Kina stret long salim long rot.

Provinsal Plis Komanda Sief Supritenden Samson Mapi i tok dispela i bin wanpela bikpela samting tru ol i bin kisim na rausim insait long provins na kantri olgeta.

WANTOK

All departments, Phone: 325 2500 - Fax: 325 2579
P. O. Box 1982, Boroko, NCD, Papua New Guinea

Publishing Weekly, Thursday, for
Word Publishing Company Ltd.

Printed and published by Jeremy Burgess, at Allotment 2, Section 209, Spring Garden Road, Hohola, for Word Publishing Co. Ltd.

General Manager
Jeremy Burgess.

Editor of Wantok:
Yakam Kelo.

Papers distributed by air throughout PNG. Available by air mail subscription within Papua New Guinea and overseas.
Email address: word@global.net.pg

Advertising deadlines, Display bookings: Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd. and are set out in full on the reverse side of its official display Advertising Bookings form.

Gavana Smith makim developmen komiti

JAMES KILA i raitim

GAVANA bilong Isten Hailans provins Malcolm Smith-Kela i tokaut olsem provinsal gavman ananit long lukaut bilong em i kamapim pinis wanpela provinsal edvaisori komiti long givimaut sevis long ol pipel bilong provins.

Dispela edvaisori komiti long Isten Hailans em wanpela nupela kain tru insait long PNG em Mista Smith-Kela i kamapim.

Mista Smith-Kela i mekim dispela toktok taim em i givim nupela ol kompiyuta i go

long dispela komiti em ANZ benk i bin donetim.

Em i tokaut tu olsem dispela nupela komiti em bai stap ananit long lukaut bilong Mista Paul Frame olsem siaman. Mista Frame tu em presiden bilong Goroka Semba ov Komes na Indastri.

Mista Smith i tok olsem ananit long dispela edvaisori komiti bai i gat tu olsem narapela bikpela komiti tu husat bai lukautim wok bilong lo na oda, helt, edukesen, komes, turisim na woks. Em i tok bai i gat ol liklik ol sektoral komiti tu husat bai kisim edvais i kam long dispela bikpela edvaisori komiti em Mista Frame i lukautim.


Mista Smith-Kela i tok tu olsem ol dis-

pela lain i stap insait long dispela edvaisori komiti bai i no inap kisim pei o nogat alauens bilong ol. Wok ol i mekim em volentia wok tasol long givim sevis i go long komyniti developmen.

Em i tok tu olsem taim ol i bin putim ol edvatismenlong ol husat lain i laik kisim dispela wok, ol i bin kisim gutpela bekim tru long ol lain husat i soim gutpela tingting long mekim dispela wok.

Mista Smith-Kela i bekim bilong edvatismen em ol i bin kisim mak long 400 aplikesen na dispela i soim olsem ol pipel bilong Isten Hailans i gat bikpela laik tru long helpim long bringim developmen i kam insait long provins bilong ol.

Jimi viles kot mejistret wok hat maski nogat pe



• Provinsal gavman bilong Westen Hailans i gat moa wok long surukim gavman sevis i go long ol rurel eria long provins. Fail foto.

AARON GUNDI i raitim

MASKI ol viles kot mejistret long Jimi distrik bilong Westen Hailans provins i save kisim taim tru long mekim wok bilong ol tasol ol i save wok hat tru long lukim lo i mas kamapim stretpela pasin long komyniti.

Ol viles na distrik kot mejistret i save kisim K50 tasol long kain wok ol i save mekim na dispela mani em i hat tru long ol i ken go long het opis

bilong ol long Hagen bikos rot i bagarap tru na ol PMV bas i save kisim K40 long bas fi.

Long dispela as tasol ol mejistret i save wanbel na salim wanpela mejistret tasol i save go long Hagen long kisim olgeta pe bilong ol.

Planti samting we i mekim hat tru long ol i mekim gut wok bilong ol em kain pasin bilong ol pipel long noken harim toktok bilong ol lida man insait long komyniti. Nau long dispela taim i hat long ol lidas na ol mejistret long bungim ol lain

husat i stap insait long trabel bikos nogat plis long stap witnes long helpim ol wok bilong ol.

Wanpela viles kot klak long Mongum David Kopul i tokaut olsem ol liklik kot em i isi long ol mejistret i ken stretim hariap tasol ol bikpela kes em i save kamap hat liklik.

Mista Kopul i tok maski ol mejistret i save bungim distripela ol hevi bikpela as tingting long ol i save strong yet long mekim wok bilong ol em bikos ol i laikim gutpela sindaun na

lo na oda i mas stap insait long komyniti.

Em i tok taim ol bikpela kot kes i kamap ol i save painim hat long bringim i go long distrik level bikos nogat wanpela distrik opisa i stap long distrik level long witnesim na helpim ol long wok bilong ol.

Mista Kopul i tok bikpela tingting bilong ol em long kamapim gutpela na sef komyniti bilong ol pikinini na meri i mas i gat gutpela ples long stap na kisim gutpela laip.

Em i tok i gat sevenpela viles kot husat i save wokbung wantaim long strong gutpela lo na oda long distrik na ol i save wok hat long holimpas dispela gutpela sindaun long komyniti.

Taim wanpela viles kot i no inap long mekim wanpela disisen long sampela kot kes orait ol i save askim narapela kot long givim helpim na dispela wokbung i save stap namel long ol mejistret.

Mista Kopul i tok wanpela samting ol i save mekim disisen long kamapim gutpela sindaun em long ol lain husat i go long kot long mekim kompensesen long stapim bikpela kot kes.

Wanpela pawa bilong viles kot em ol i ken mekim ol disisen long salim ol lain husat i mekim ol bikpela trabel i go stret long kalabus tasol i hat long ol i mekim dispela strongpela disisen bikos nogat distrik opisa na plis long sapotim disisen bilong ol.

AR 100

TORO KAIKAI PLAN TI BUI STRET NA TIT BILONG EM I PEN NA MAUS I SOLAP KRANGI STRET...

BAGA KISIM TAIM STRET NA TOKIM KOLE LONG RAUSIM TIT I PEN LONG EN...

NAU KOLE KISIM PLATES NA GO RAUSIS TIT BILONG TORO.

TORO I TOK LONG RAUSIM TIT I PEN LONG BAKSAIT, TASOL KOLE RAUSIM TUPELA GUTPELA TIT LONG FRAN...

MAN, TORO I KROS NOGUT TRU NA BRUKIM OLGETA TIT BILONG KOLE...

Speech bubbles in the comic include: "AAH, KOLE, KAM RAUSIM TIT BILONG MI YAAH.. EM I PEN YAAH!!", "PILIM NAU! KAIKAI BIAI TUMAS!", "OPIM MAUS! LUUN! I LUK OISEM OLGETA I BAGARAP YA!", "AAH! RAUSIM LONG BAKSAIT!", "EM! MI RAUSIM TUPELA WANTAIM STING TRU YAH!", "AARR GG!! INO TUIS LONG FRAN!!", "AIYOO MANIA!", "YU BLARY G... BAGARAPIM STAIL BILONG MI!!"

Bakovi pipel givim petisen long Nakmai

BAKОВI pipel bilong Talasea eria bilong Wes Nu Briten provins i bin mekim wanpela petisen i go long gavana Clement Nakmai na ol i laikim em i mas bekim na tokaut long ol plen bilong developmen insait long Talasea.

Long stat bilong dispela mun Februari, ol Bakovi pipel i bin holim wanpela bikpela miting long Talasea LLG semba long Kimbe na ol i mekim moa toktok long pas bilong Talasea ples balus.

Ol Bakovi pipel tru long Nangina Tanga Komiti long Mosbi i tokaut strong olsem ol i laikim bai ples balus bilong ol long Talasea i mas stap op yet na ol i givim Mista Nakmai las wik long bekim sampela askim insait long dispela petisen.

Insait long dispela petisen i gat ol askim olsem: - opim gen Talasea ples balus na larim ol mani i go long apgredim ples balus i

go long mak bilong Air Niugini F28 i ken go insait na lend na Talasea Eapot Atoriti i ken lukautim ples balus ya,

- tokaut long wanem as provinsal edministreta i no bin bekim pas bilong opis bilong Sivel Aviesen long mun Disemba 19 las yia,

- Olgeta kontraktas husat i mekim wok long ples balus i mas kisim mani bilong ol na ol sekyuriti kampani husat i stap insait long lukautim bilong dispela ples balus tu i mas kisim mani bilong ol,

- ol i laikim bai nupela kar we i stap long han bilong edministreta em ol i mas salim na baim ol kontraktas na sekyuriti kampani,

- ol i laikim save bilong wanem na hetman bilong RAM Bisnis Konsalten, Rex Paki i stap insait long ol bung toktok bilong Wes Nu Briten pipel wantaim ol mausman bilong Aviesen Industri,

- provinsal gavman i mas larim kontrak bilong nau sekyuriti kampani long stap yet long Talasea ples balus na provinsal gavman i mas baim dispela kampani,

- ol i laikim save bilong wanem na ol Bakovi pipel i no bin kisim wanpela toksave i kam long provinsal gavman long pasim bilong Talasea ples balus na

- bilong wanem ol plis opis i stap insait na rausim ol masin samting bilong mekim wok long Talasea.

Moa yet dispela komiti i laikim bai gavman i kamapim wanpela agrimen wantaim ol papagraun bilong Talasea ples balus na baim kompensesen long ol Natoko papagraun,

- ol i laikim bai TLLG presiden i mas stap insait long provinsal eksekutiv kaunsil na givim tingting bilong ol Bakovi pipel long ol

wanem kain disisen,

- pemen bilong ples balus we Aviesen Industri bai mekim em ol i mas putim insait long wanpela tras akaun inap ol i kamapim Talasea Eapot Atoriti,

- ol i laikim save bilong wanem na gavman i yusim mani bilong emejensi sevis we ol mani i stap long mekim wok long Talasea ples balus na las tru

- ol i laikim Mista Nakmai long givim wanpela bekim long dispela petisen bilong ol long las wik na bai komiti i ken lukim bekim bilong petisen bilong provinsal atoriti na gavana Nakmai.

Wantok niuspepa i traim hat long kisim toktok bilong Mista Nakmai tasol em i hat bikos telepon i go long het opis bilong Mista Nakmai i no gutpela.

Salim mariwana long kisim gan

AARON GUNDI i raitim

BIKPELA rot we ol samting olsem gan na ol strongpela samting bilong pait i save kam insait long Papua Niugini em i stap wantaim ol lain husat i stap long pawa na maski i gat ol ripot olsem ol pipel i lusim gan tasol rot bilong kisim moa gan i op yet.

Tenpela yangpela yut bilong Hela Distrik long Sauten Hailans provins i tokaut olsem planti pipel i laikim gutpela sindaun na gutpela lo na oda tasol wanpela rot bilong kisim gan em i no stapim yet na dispela rot bai lukim moa gan i go yet insait long provins.

Mausman bilong dispela grup nem bilong em Paulang Koit i tok wanpela ol pipel bilong Sauten Hailans i save planim spak brus mariwana na salim i go long ol bikpela ovasis kampani na ol i save kisim ol strongpela gan, bom na dainamait.

Mista Koit i tok ol pipel i save planim mariwana na bungim olgeta insait long ol bikpela bek na karim i go long Kikori long Galf provins na long Kikori em sampela sabmarin bilong ol ovasis kampani i save wet i stap na tok olsem ol i stap redi long kisim pis tasol samting tru em ol i save holim ol strongpela gan i stap insait long sabmarin na senisim wantaim ol lain husat i save kisim mariwana i go givim ol.

Ol yut ya i tokaut olsem dispela kain pasin i save kamap longpela

taim tru tasol ol atoriti i no save luk-save long dispela hait pasin bikos ol sampela bikpela lida insait long provins i save mekim dispela hait pasin i stap.

Mista Koit i tok ol pait wantaim gan insait long Sauten Hailans provins i kamap bikos long wok bilong ol lida insait long provins na dispela em i no asua bilong ol yut.

Em i tok ol lida na sampela memba bilong palamen tu i stap insait long dispela wok na dispela as tasol bai i hat moa yet long mekim wanpela samting long stapim dispela hevi.

Ol yut i tok wanpela rot long stapim dispela em long plis, difens fos na gavman long stapim dispela pasin bilong planim mariwana na sekim gut wok bilong ol ovasis kampani insait long ol solwara bilong kantri.

Mista Koit i tok planti gutpela samting yumi lukim pinis olsem moa strongpela gan i stap insait long Sauten Hailans na Hailans yet bikos long kain pasin bilong mekim hait bisnis wantaim mariwana tasol.

Sampela lida long Simbu na Hagen tu i givim wankain stori olsem i hat tumas long ol i ken stapim hevi bilong gan i go insait long provins bikos plis i no save stapim na sekim wok bilong ol gut.

Mista Koit i tok ol narapela pipel bilong ol narapela Hailans provins i save karim mani i go long Sauten Hailans provins long kisim ol strongpela gan long han bilong ol Sauten Hailans pipel bikos ol i gat moa mani.

Kendidet tok makim ol ausait ileksen opisals

HILDA WAYNE i raitim

WANPELA bikpela wari i kamap olsem sapos nesenel gavman i no sekim gut ol ileksen opisals long saplimentri ileksen long Sauten Hailans provins bai ol hevi bilong bipo bai stap yet long ileksen.

Kendidet bilong Tari Pori ilektoret Simon Bole i tokaut olsem olgeta i save pinis olsem ileksen bilong Jun 2002 i bagarap olgeta long Sauten Hailans provins bikos ol ileksen opisals i kisim braiberi mani na hait na stil na mekim ol ileksen wok bilong ol kendidet.

Long stapim dispela kain trabel long kamap gen Mista Bole i tok gavman mas sekim gut ol asisten ritening opisals na ol pipel yet i mas wanbel long dispela.

Mista Bole i tok planti hevi i bin kamap pinis long Sauten Hailans ileksen bikos wanpela as em ol ileksen opisals i save kisim hait na stil mani long ol kendidet.

Em i tok dispela kain pasin i mas noken kamap gen sapos gavman i no laik lukim kain hevi bilong las yia i kamap gen.

Mista Bole i tok em yet i bin witanesim planti ol bikpela hevi na trabel bilong ileksen na planti laip i bin lus pinis na ol gavman sevis i bagarap tru long Hela distrik na ol pipel i no laik lukim dispela samting i kamap gen olsem na nesenel gavman i mas kisim moa taim na tingting gut pas-

taim long ol i statim saplimentri ileksen long mun Epril dispela yia.

Mista Bole i tok ol pipel i mas save long husat ol lain bai stap olsem ol asisten ilektrol opisals na moa yet em bikpela wanbel i mas stap namel long ol pipel long wanem ol opisals bai lukautim ileksen.

Em i tok wanpela samting em ol i mas makim ol pipel bilong ausait long Sauten Hailans long kam lukautim saplimentri ileksen bikos dispela bai stapim ol long kisim hait na stil mani bilong ol kendidet long taim bilong ileksen.

Mista Bole i tok inap trabel i bin kamap pinis na bagarapim Sauten Hailans long las yia ileksen na dispela saplimentri ileksen i mas kamap gutpela moa na larim ol pipel i mas i gat ol memba bilong ol long palamen.

Em i tok olsem em i kisim sampela tok win pinis olsem ol sampela lida i wok hat long traim putim ol lain bilong ol yet i ken stap olsem ileksen opisals na dispela i noken kamap.

Mista Bole i tok ol lidas mas soim sori na rispek long ol pipel bikos ol pipel i bin karim planti moa hevi na nau em i taim bilong ol i mas kisim gutpela sindaun na lukuk long ol memba bilong ol i ken bringim divelopmen i kam insait long provins.

Em i mekim ol dispela toktok bikos em yet i bin stap witanes long planti ol dispela paul na hait pasin bilong ileksen na em i no laikim dispela long kamap gen insait long ilektoret bilong em na Sauten Hailans provins.



Tok lukaut long ileksen • I gat toktok olsem sapos nesenel gavman i no tingting gut bai ol hevi bilong las yia ileksen i ken kamap gen long saplimentri ileksen.

Paska tok nogat long woa long Irak

BIKMAN bilong Papua Niugini Tred Yunion Kongres Mista John Paska i tokaut strong olsem em i sapotim toktok bilong Praisin Sir Michael Somare long noken sapotim woa bilong Amerika wantaim Irak.

Mista Paska i tok em i wanbel long toktok bilong Sir Michael husat i bin tok em i no laikim Australia long go sapotim Amerika na kamapim wanpela woa long Irak.

Em i tok planti kantri long wol i les pinis long harim toktok bilong Presiden bilong Amerika George W Bush bikos ol i laikim olsem Yunaitet Nesens i mas givim tok orait long pait na i no Amerika.

Tasol Mista Bush i tok maski UN i tok nogat bai ol pren kantri bilong Amerika bai bung yet long go woa wantaim Irak bikso Amerika i gat strongpela bilip olsem Irak i wok long bildim ol strongpela samting bilong kamapim woa na ol i laikim stapim dispela.

Presiden bilong Irak Saddam Hussein i tok kantri bilong em i no mekim wanpela samting rong na i nogat as long Amerika i statim woa wantaim ol.

Dispela toktok kros bilong kamapim woa em i wok long mekim planti samting tru long wol na Mista Paska i tokaut olsem long makim maus bilong

memba bilong PNGTUC long PNG.

Em i tok bikpela samting em yumi lukim pinis olsem Amerika i laik yusim ol liklik kantri long helpim em long sanap strong yet na em i no soim rispek long ol gavman bilong ol narapela kantri.

Mista Paska i tokaut strong olsem Australia tu i mas tingting gut pastaim bipo long em i salim ol ami bilong em i go long pait long Irak.

Em i tok long lukluk bilong em Amerika i wok long yusim ol kantri nating na Australia i noken larim Amerika long mekim olsem long em.

Gavman bai peim kampani long pinisim gut ol rot long Mosbi

PLANTI singaut bilong pablik na tu i gat pret long gavman bai peim moa win mani i go long tupela konstraksen kampani long wok tupela i mekim long ol rot insait long Mosbi siti. Olsem na Prait Minista Sir Michael Somare i askim Minista bilong mani (tresera) Bart Philemon long peim dispela tupela kampani.

Global Construction na Curtain Brothers kampani i bin kisim kontrak long Nesenel Kapitel Distrik Komisn (NCDC) long wokim rot long Koki Poin na stretim ol arapela rot insait long Mosbi siti.

Pas bilong Sir Michael i go long Mista Philemon long Jenuari 28, 2003 i tok, yu save pinisim gut ol rot wok we i no bin pinisim gut insait long Nesenel Kapitel Distrik.

Dispela rot i kamapim planti hevi nau long ron bilong ol ka bikos nau em taim bilong ren i pundaun.

Pas bilong Prait Minista i askim long mani i mas i go long tupela kampani ya i mas go het na pinisim wok long ol dispela rot.

Pas i tokaut long ol rot em long 5 Mail rot na 4 Mail rot we Global i bin wok long ol na Koki Poin we Curtain Bros i wok

long en.

Em i askim sapos mani i mas go hariap long tupela kampani ya long go het long mekim wok bilong tupela na pinisim.

Bos bilong Global Construction Francis Awesa i tok em i no kisim wanpela toksave yet long dispela toktok bilong Prait Minista tasol dispela em samting we i stap long pawa bilong Prait Minista yet long mekim.

Prait Minista yet i gat dispela pawa long mekim kain disisen olsem bihainim save na tingting bilong em yet, Mista Awesa i tok.

Tasol mipela i sanap yet long tingting olsem bai mipela i go het long mekim wok na pinisim taim mipela i kisim pe bilong mipela (i kam long gavman). Mipela i laikim tasol sampela hap peimen tasol na balens em bihainim bai NCDC i ken stretim gut wantaim mipela, Mista Awesa i tok.

Ol manmeri i bin tok tok long redio na autim bel hevi na komplem bilong ol olsem ol dispela rot nogut i kamapim planti das tru long ol haus i stap arere long dispela rot na tu ol ka i bungim hevi long ron bilong ol long ol dispela hap rot olgeta de.

Rot long Koki Poin i no pinisim gut yet na ol ka i wok long ron i go i kam tasol long wan wei rot.

Tisa painim hevi long rot

PAUL ZUVANI i raitim

WANPELA skul tisa na Wati komyuniti lida insait long Nuku, Sandaun provins i no amamas long ol rot long distrik.

Olsem na em i askim sapos Nesenel Palamen memba Andrew Kumbakor i gat tingting long painim we bilong stretim ol rot.

Em i tok stat long taim bipo memba Christopher Sambre i stap na nau Kumbakor i nogat wanpela senis i kamap long ol rot long ples bilong ol. Ol rot i go bagarap olgeta. Na ol manmeri i wokabout long rot bipo ol ka i save ron long en olsem bus gaden rot bilong ol.

Dispela i mekim laip bilong mipela ol pipel i hat tumas. Rot long Nuku stesin na go long ples bilong memba yet Seim na Kafle,

kam long Wati, Namblo, Mukili na Yimut i bagarap. Wanem taim tru bai gavman i stretim ol dispela rot?. Mista Asei i askim.

Em i tok dispela i mekim na wanpela we i isi long ol long go long Aitape, Vanimo o Wewak em long ron long balus. Tasol em i tok pei bilong balus nau i antap tumas na ol manmeri i nogat mani bilong baim balus tiket.

Man o meri husat inap long ron long balus em i gutpela. Tasol taim ol i pundaun long Nuku stesin we stap rot bilong ka long kisim kago i go long ples bilong ol?. Nogat rot, em i tok.

Ol i mas karim kago bilong ol na wokabout long longwe hap, em i tok.

Em i tok tu olsem ol pipel i gat planti gutpela samting i stap long salim na kisim mani tasol bikos i nogat gutpela rot ol dispela samting i bagarap. Na sindaun bilong ol pipel i no gutpela.

Mipela i gat planti gaden kaikai, i gat kakao, kofi, vanila na buai tasol we stap rot bai mipela i salim ol dispela samting bilong kisim mani na helpim sindaun bilong mipela, em i askim.

Mi wok tisa long Yimut Komyuniti Skul na em i longwe tru long Nuku stesin. Olgeta taim mi save wokabout wanpela de long go long Nuku stesin na kisim samting. Mi slip na narapela de mi wokabout gen i go long skul. Dispela em i hat laip tru long mi. I no mi tasol. Ol wan tisa bilong mi na ol tisa long narapela skul tu i painim hevi long dispela. Mipela i mas wokabout long longwe hap long kisim skul saplai na go bek long skul bilong mipela.

Dispela em i krai bilong mi na ol pipel hia long lukim ol rot i kamap gutpela. Na mipela i askim memba long em i mas painim we long kisim helpim na stretim ol rot, em i tok.



Amamas long pinisim skul... • Ol Divine Word Sumatin i greduet long kamap nius manmeri long las wik Sande. Foto: ESTHER HARO.

WANTOK

NIUSPEPA BILONG YUMI PAPUA NIUGINI STRET

P.O Box 1982, Boroko
Telepon namba: 325 2500
Feks namba: 325 2579
email: word@global.net.pg

PE BILONG WANPELA
YIA 52 NIUSPEPA

PLES	AIR
PNG	K140.00
OSTRELIA NA NU SILAN	US\$67.00
ESIA PASIFIK NA JAPAN	US\$80.00
AMERIKA NA YUROP	US\$150.00

BIABIA GO RAUN LONG SAPAN NA OL LAIN LONG SAPAN I LAINIM EM TOK PLES...

HAI, HAI! - YES! ARIGATO - THANKS DORMO - MUSI MUSI - HELLO OKE YU SAY!

HAI - HAI! ARI - ARI... GATO DORR MOU... MUSI MUSI... HA MI SAVE!

JAPAN.

NAU BAGA RAUN PINKS LONG SAPAN NA KAMBEK LONG PLES PARADAYS, PNG.

MUSI MUSI MOSBI! EMU NACI... MI SAVE PINKS!

NEKS DE BAGA I GO WOK...

BAGA I TRAI HAT TRU LONG LAINIM OL ARAPELA TOKTOK TASOL I NO INAP TRU... WANPELA TOKTOK TASOL EM I LAINIM GUT TRU EM... MUSI MUSI - HELLO...

"OL ARAPELA MASKI... MI LAINIM MUSI MUSI - HELLO TASOL... MUSI MUSI!!"

TELEPON I RING NA BIABIA I APIM NA TOK HELLO LONG TOKPLES SAPAN...

MUSI MUSI!

"HEY?! YU TU MUSI MUSI BLARYGK BINATANG!"

MAN LONG NARAPELA SAIT I TING BIABIA I TOK, MUSI MUSI LONG EM NA KROS.

Togel wari long mama lo

HILDA WAYNE i raitim

MEMBA bilong Not Bogenvil James Togel i wari liklik olsem wanpela mama lo bilong Bogenvil i nogat gutpela bung tingting i kam long ol pipel bilong em long mekim dispela mama lo o konstitusen bilong Bogenvil.

Mista Togel long dispela wik i tokaut olsem em i givim wari bilong em na ol pipel bilong em i go long Bogenvil Konstitusenel Developmen Komisn (BCDC) na em i tok BCDC i no givim inap taim long ol pipel bilong em long lukiuk na skelim gutpela dispela mama lo.

Ol ripot i kam long ilektoret bilong Mista Togel i soim olsem ol pipel bilong Not

Bogenvil i no amamas long wok bilong BCDC long hariap long kamapim dispela mama lo na ol yet i no givim wanpela tingting bilong ol we ol i ken putim insait long dispela mama lo na ol i laikim olsem dispela mama lo i mas gat laik bilong ol pipel bilong Not Bogenvil tu insait.

Mista Togel i tok nau long dispela taim ol i wok long raitim pes draf bilong mama lo na dispela em i no tru mama lo yet olsem na nau em i taim bilong ol pipel long bungim tingting na BCDC i mas salim dispela pes draf i go long olgeta pipel long provins na ol i mas save long mining bilong dispela mama lo pastaim na givim tingting bilong ol tu pastaim long ol i raitim kamap mama lo stret.

Mista Togel i tok sampela samting i stap insait long dispela mama lo bilong Bogenvil em i bin tokaut egensim bikos em i tok raits bilong ol pipel bai kisim taim na em i laikim ol dispela senis i mas kamap pastaim long ol narapela samting i ken kamap long mama lo.

Em i tok dispela mama lo em bai stap olsem wanpela bikpela samting tru long laip bilong olgeta pipel long Bogenvil na nogat wanpela senis bai kamap long en bihainim taim em i kamap mama lo stret olsem na nau em i taim bilong kisim na bungim tingting bilong ol pipel na larim ol yet i lukim wanem ol samting i stap insait long mama lo bilong ol pastaim long wanpela senis i kamap.

Morobe gavman tok strong long Angau kensa masin

GAVANA bilong Morobe Luther Wenge bai putim wanpela strongpela askim go long nesanel gavman long helpim long kirapim bek Kensa Yunit long Angau Haus sik long Lae.

Dispela em bihain long em i kism bikipela sapot long ol memba bilong provinsi asembli (Tutumang) taim ol bin bung long las wik taim em bin autim wanpela notis nogat toksave long dispela samting.

Mista Wenge bin askim ol memba blong Tutumang long sapotim em long mekim dispela strongpela askim bai gavman ken luksave na helpim long daunin sik kensa insait long PNG.

Em tok olsem em bai askim bai gavman lukluk long painim sampela mani kwiktai long baim wanpela kobalt masin we Angau i mas gat long stretim

dispela sik.

Em tok kensa em wanpela sik we ol dokta inap long stapim tasol ol i mas gat dispela masin long helpim ol na nau yet dispela masin we Angau i gat i stap bagarap klostu faivpela krismas olgeta.

Em tok olsem ol bin askim gavman long palamen tasol ino bin gat wanpela gutpela bekim long dispela.

"Gavman blong Morobe tasol wok long luksave long dispela sik na wok long givim helpim. Dispela gavman givim pinis mani mak olsem K160,000 long baim dispela masin na nogat narapela helpim i kam.

"Kensa yunit long Angau save helpim planti lain ino long Morobe tasol long ol arapela senta tu tasol i nogat wanpela helpim o luksave i kam na

planti manmeri wok long kism taim stap," Gavana i tok strong.

Long sapotim Mista Wenge memba bilong Kabwum, Bob Dadae, tok olsem gavman bilong PNG wok long putim planti mani long wok blong sik HIV AIDS na wok long abrusim ol arapela kain sik olsem kensa.

Mista Dadae tok sik kensa wok long kilim planti manmeri na gavman mas luksave long dispela na painim mani hariap long baim dispela masin bikos em i bikipela samting.

"Sik kensa wok long kilim dai planti manmeri isi isi na gavman mas hariap na stretim dispela hevi," em tok.

Man makim bisnis insait long Tutumang, Konnie Iguan i mekim wankain nek.

Em autim belhat blong em

na tok olsem em no wanbel olsem gavman bilong Morobe tasol wok long wok hat long sevim ol pipel.

"I luk olsem gavman blong Morobe tasol wok long givim helpim na ol arapela nogat na dispela ino gutpela.

"Sik kensa wok long kilim ol man long Morobe na long ol arapela senta na dispela mas kamap wanpela hevi bilong gavman we ol mas traim long stretim.

"Gavman bilong Morobe givim traipela mani pinis na inap em inap, gavman mas mekim wok blong em tu long lukautim ol pipel bilong em," Mista Iguan i tok.

Em tok bikos gavman blong Morobe wok long karim dispela hevi em yet, ol pipel long ol distrik i no wok long kism sevis bikos i nogat mani.

Disisen bilong Bulolo ileksen long Mas 10

2002 nesanel ileksen kot salens namel long ol tupela kendidet na nau memba John Muingnepe i pinis na wetim tasol Nesanel Kot long Lae long tokaut long disisen bilong em.

Dispela ileksen dispiut kot i bin stat long 10 mun long las yia i kam inap long mun Januari 2003 we i pinis long Lae kot haus.

Wantok i kism toksave olsem nau olgeta tripela lain bin kot ya bai wetim tasol long Mas 10, 2003 long harim dispela disisen bilong kot ol i bin kamapim.

Tripela lain b i bin kot em olpela memba Samson Napo, kendidet na lapun bilong Wau Tony Flynn na nau memba John Muingnepe.

Planti sapota bilong tripela kendidet wantaim i bin kamap long Lae kot haus long las mun long harim loya bilong ol tripela i toktok long kot bilong ol.

John Muingnepe i bin traim Bulolo sit tupela taim pinis na i lus na nau em i win long namba tri taim. Tony Flynn i traim namba wan taim na kamap namba tri. Samson Napo i bin holim sit 10-pela yia.

Iau na ai klinik long Lae i kism helpim

WANPELA klinik long Lae we i save helpim ol lain husat i iau pas bin kism helpim wantaim sampela samting long dispela wik.

Dispela helpim bin kam long ol pipel bilong ples Makay long Australia.

Ol lain long dispela ples bin salim sampela ol masin bilong helpim ol iau pas harim gut toktok, ol batri bilong dispela ol masin, sampela ol liklik masin we save mekim nais blong testim iau blong ol pikinini na tu tripela masin blong testim ol iau bilong ol man meri.

Meri husat bin makim maus blong ol pipel bilong Makay na bin givim aut ol dispela helpim em Pat Riddler husat i blong dispela hap.

Misis Riddler save go kam long Lae.

Em tok olsem em bin kamap long dispela klinik, we stap long Morobe Spesel Edukesen na Risos Senta long Eriku, long wanpela taim na bin harim olsem dispela klinik bin sot tru long sampela samting long helpim ol.

Em tok em bin go bek long ples bilong em na bin askim famili blong em yet na tu ol pipel long hap long helpim blong ol.

"Mi bin askim ol long helpim wantaim ol olpela masin blong harim we slip nambaut i stap na we ol no yusim moa. Na bekim blong ol bin gutpela tru," em tok.

Em tok olsem dispela singaut bin kamap long wanpela senta long ples Brisbane tu we save helpim ol iau pas na ol bin givim tupela masin blong testim ol iau pas.

Em tok wanpela Dokta long ples bilong em long Makay yet, Denise Comben bin

helpim wantaim namba tri masin blong testim ol iau pas.

Meri husat igo pas long ronim dispela iau klinik long Eriku, Jessica Barry, bin amamas tru long kism ol dispela donesen.

Misis Barry i tok driman long em long traim long helpim ol trantru lain long ples husat iau blong ol i pas tasol em tok prais blong baim ol masin na arapela samting blong helpim ol dispela sik lain i antap tumas.

Em tok long dispela as sas bilong ol dispela samting i save antap tru.

Em tok wantaim ol dispela samting em nau bai inap long daunin liklik sas blong helpim ol dispela sik lain.

Long wankain taim ai klinik, we stap long dispela hap tu, bin kism sampela helpim tu.

Dispela i no namba wan taim dispela klinik tu i kism helpim long hatwok bilong Misis Riddler.

Long dispela wik Misis Riddler bin givim mak olsem 200 kilogram bokis wantaim ol sampela moa olpela aiglas na arapela samting long helpim dispela klinik.

Man husat i go pas long ronim dispela ai klinik em, Abraham Kua.

Mista Kua tok olsem em bin kism pinis planti helpim long ol pipel bilong Makay na em amamas olsem helpim wok long kam yet long ol dispela gutpela lain.

Misis Riddler tok olsem bikipela tenkyu mas go long Air Niugini na Qantas Sunstate bikos ol i no save sasim em long karim ol dispela kago i kam long PNG na long Lae.


Gavman promis long stretim Finsafen rot

OL PIPEL bilong Finsafen i kism toksave olsem gavman bai helpim long stretim ol rot insait long distrik bilong ol.

Minista bilong Woks, Gabriel Kapris, husat bin bihainim Praim Minista, Sir Michael Somare long wokabut bilong em go long Finsafen long las wik bin tok olsem rot long dispela hap i bagarap na wok mas kamap long stretim ol.

Dispela tupela bikman bin raun long dispela taim long Gagidu stesen yet go inap long Siki long lukim ol rot.

Mista Kapris bin tokim ol manmeri long Gagidu olsem ol rot ol bin lukim bin wankain




• Gabriel Kapris... Works Minista.

olsem ol dispela long ol arapela hap long PNG.

"Ol kain samting olsem rot, bris na wof em ol sampela samting we dispela gavman blong Somare na Marat bai lukluk strong long stretim," Mista Kapris i tok.

Em tok olsem dis-



• Guao Zurenuoc... Finshafen memba.

pela em ol bikipela samting na gavman wok long putim moa mani long Woks Dipatmen long traim stretim ol dispela samting.

"Long mekim PNG groa yumi mas stretim ol rot na bildim ol nupela long mekim bai

ol pipel long ples i gat wei na rot long karim ol kain samting olsem vanilla, kakao na kopra bilong ol long salim," em tok.

Mista Kapris tok olsem PNG i laki tru long kism helpim long ol helpim kantri na ol arapela ejensi long stretim ol rot.

Em tok olsem ol givim pinis mani mak olsem K100 milien na gavman givim hap mani mak olsem K7 milien na bai givim moa.

Em tok olsem Wol Beng i givim mani mak olsem K40 milien na AusAID givim K60 milien long stretim ol rot long Morobe, Madang, Is na Wes

Sepik.

Em tok olsem dispela ol mani bai karamapim wok blong tripela yia long stretim ol rot na bris.

Em tok ol rot bilong Finsafen i stap pinis aninit long dispela program.

"Mi bai wok bung klostu wantaim memba bilong yupela, Guao Zurenuoc long fiksime ol rot long yupela," em tokim ol dispela lain pipel.

Long wankain taim bai gat wanpela wok-sop we bai kamap long Lae long dispela wik, long dispela taim Mista Kapris bai tok klia long ol plen we gavman gat long stretim ol rot insait long Mamose rijen.

Lae siti tok gutbai long bosman bilong Renfores Hebitet

LOD MEYA bilong Lae siti Boyamo Sali i no wanbel long bod bilong Yunivesiti Developmen Konsaltens (UDC) long pasin ol mekim long rausim man husat i go pas long kirapim Renfores Hebitet Peter Clark.

Mista Sali bin autim wari bilong em long las wik long wanpela bung we bin kamap long Melanesen Hotel.

Mista Clark em bilong Ostrelia na bin gat mak olsem 2 na hap yia moa long kontrak blong em olsem menesa blong Renfores Hebitet we UDC i bosim.

Mista Sali long dispela taim bin tok olsem pasin we UDC bin mekim long Mista Clark ino stret na gutpela.

Em tok olsem dispela man wantaim meri bilong em, Dianne i bin wok hat tru long kirapim dispela bikipela projek insait long Lae na tu mekim bikipela wok long developim wok turisim insait long Morobe provins.

Em tok olsem em sori tru olsem dispela ol lain i sotim stap bilong tupela long Lae na tu olsem em sori olsem

tupela bai go bek long ples blong ol.

Renfores Hebitet istap long Yunitik na em wanpela hap ples we save pulim planti turis blong wanem gat kainkain welabus long PNG i stap.

Mista Clark wantaim meri blong em bin statim dispela projek klostu 9-pela krismas go pinis.

UDC bod bin mekim wanpela disisen long rausim Mista Clark bikos ol tok ol nogat mani long baim em.

Lod meya bilong Lae bin tok olsem taim em bin harim olsem UDC bai rausim tupela em bin traim long stapim ol tasol i bin askim bilong em i go bihain tumas.

Long dispela bung Mista Sali bin givim luksave long hat wok tupela i mekim.

"Mista Clark wantaim gutpela meri blong em i mekim bikipela na gutpela wok insait long Morobe.

"Long hatwok blong tupela ol kamapim dispela bikipela turis proek. Mi sore tru olsem pinis blong stap bilong tupela i no gutpela tasol makim maus bilong ol pipel blong

Morobe na PNG, mi laik tok tenkyu long tupela," em tok.

Bisnisman na longtaim man blong Lae siti, Fred Cook, tok olsem disisen we UDC i mekim i no gutpela na bai bagarapim developmen bilong Renfores Hebitet.

Mista Cook tok olsem dispela bod i no laik skelim gut ol samting pastaim long em mekim dispela disisen.

Em tok olsem dispela projek em wanpela bikipela samting ino long sait bilong turisim tasol, long sait bilong stadi na edukesen tu insait long kantri.

Em tok em sore na long wankain taim belhat olsem sampela lain bin wok hat tru long rausim dispela tupela gutpela lain.

Em tok em ino laik lukim dispela projek i kamap wankain olsem Lae Botenikel Gaden we nau i bagarap bikos nogat mani na ol lain husat inap long lukautim.

Mista Clark long stap blong em long Lae bin holim wok olsem siaman bilong Morobe Turisim Opis insait long siti. Dispela bung we bin kamap

long Melanesen Hotel long las wik bin kamap long tok gutbai long Mista Clark na long welkamim nupela siaman Muttu Gware.

Mista Clark long dispela taim bin tokaut olsem i no laik bilong em long lusim PNG tasol em i mas go.

Em tok olsem dispela projek i dia long lewa bilong em na em i no laik bai bagarap.

Em tok moa olsem i bin gat plen stap long mekim moa wok long en long dispela yia, tasol em sore olsem em bai no inap stap long wokim dispela.

Em tok stap blong em na meri blong em bin gutpela na nau em taim blong ol long igo bek long ples blong tupela.

I gat plen stap olsem UDC bai kirapim wanpela NGO grup long lukautim dispela bikipela projek.

Mista Clark tok olsem em bai stap long helpim ol liklik taim na em bai go.

Em tok olsem taim em go bek i gat wok i stap wetim em long wanpela bikipela ju o banis bilong ol abus (enimol) long Saut Ostrelia.

Hait pasin marit kamapim dai long Ambum Veli

AARON GUNDI i raitim

WANPELA man husat i gat tupela meri i dai long han bilong narapela man husat i painimaut olsem man ya husat i gat tupela meri i wok long paul na mekim hait pasin wantaim meri bilong em tu.

Dispela hevi i kamap long Ambum Veli long Enga provins we i lukim moa trabel i wok long kamap bihain long man ya i dai las yia long mun Disemba.

Mathias Yapipan em i wanpela man husat i gat meri na pikinini bilong em yet na em i save harim olsem meri bilong em i save mekim stil pasin marit wantaim narapela marit man nem bilong em Kung Powan. Tupela wantaim bilong wanpela haus lain tasol ol i kolim Pukmai.

Wantok niuspepa i kisim ripot olsem Mista Yapipan i harim planti stori olsem meri bilong em i save raun wantaim Mista Powan tasol em i no save mekim wanpela samting bikos em i no save lukim wanpela pasin kain olsem we meri bilong em i save mekim na em i no toktok long dispela.

Wanpela taim Mista Yapipan i giamanim meri bilong em na em i tokim em olsem em bai go long wanpela longwe hap na em bai i no inap kam bek long

sampela de.

Tasol em i giaman hait long bus na lukluk na putim was tasol long lukim kain stil na hait pasin meri bilong em i save mekim.

I no long taim nau meri bilong em i go long gaden na em i hait na bihainim meri i go long gaden nau em i lukim meri wantaim Mista Powan i hait long gaden na mekim hait pasin marit i stap.

Mista Yapipan i kisim wanpela strongpela gan em i karim i go na em i sutim Mista Powan na kilim em i dai.

Wanpela studen brata bilong SVD i tokaut olsem dispela pasin i kamapim moa hevi long ples na moa dai i kamap bikos bihain long Mista Powan i dai nau ol wantok bilong em i laik bekim na kilim moa lain i dai.

SVD brata Anthony Ben Lokain i tok dispela kain pasin bilong kilim man i dai i save kamapim moa trabel long Enga provins.

Mista Lokain i tok i tru olsem Mista Powan na Misis Yapipan i mekim rong tasol dispela i no min olsem Mista Yapipan i gat rait long kilim narapela i dai olsem.

Em i tok dispela kain hevi inap long pinis sapos Mista Yapipan i larim lo yet i stret na mekim save long tupela manmeri husat i hait na marit raun.

Nogat han bilong gavman long Jimi distrik

AARON GUNDI i raitim

SAMPELA kaunsilas long ol lokol level gavman (LLG) i no save wanem kain wok ol i mas mekim bihain long provinsal gavman rifom we i lukim ol kaunsilas i gat moa hevi tru long opim rot long ol sevis i go long ol pipel.

Wanpela LLG we i no mekim wanpela wok na ol sevis i no go long ol pipel em Jimi-Kol LLG long Jimi long Westen Hailans provins.

Nupela kaunsila bilong Jimi-Kol LLG Mista Koril Morris bilong Ambulua i tok wanpela nupela bilding

bilong kaunsil semba i stap bilasim ples nating bikos ol kaunsila i save holim ol miting bilong ol long Tabibuga, Banz na Hagen na bilding i save stap nating na nogat wanpela wokbung i save kamap.

Mista Morris i tok ol pipel bilong Jimi i wok long painim hat tru long kisim ol sevis bikos ol kaunsilas i wok long mekim ol projek wok we i nogat gutpela mining long wanem developmen na gutpela sevis bai go bek long distrik na sampela i raitim ol askim pepa na kainkain askim we ol i laikim mani.

Em i tok ol kaunsila i wok long askim long mani

we i no bilong ol na tu ol i mekim ol giaman klem long kisim mani.

Mista Morris i tok i nogat gutpela kontrol sistem long distrik na provinsal level long lukim wanem ol samting i save kamap long ol LLG olsem na nogat wanpela gavman sevis i go long ol pipel.

Em i tok nogat wanpela atoriti i stap insait long provins long lukim wanem kain ol rot mani bilong ol pipel i go na wanem kain moa rot bai ol gutpela developmen i kamap olsem na dispela i kamapim moa hevi.

Mista Morris i tok distrik kodineta na distrik edministreta i lusim distrik pinis

foapela yia i go pinis na nogat wanpela atoriti i stap long helpim ol pipel.

Wanpela opisa long Kapal Haus long Hagen i tokaut olsem ol dispela lain pipel husat i mas go pas long helpim ol pipel i wok long kisim pe nating na nogat wok ol i save mekim.

Dispela kain pasin i mekim hat tru long ol pablik sevans olsem ol skul tisa na ol helt wokas na nogat gutpela marasin bilong ol helt wokas i ken mekim wok bilong ol na ol tisa tu i kisim taim tru.

Ol pipel i lusim bilip long atoriti na bikpela hevi tru i kamap namel long ol pipel bikos long hevi long pait na sampela skul i pas pinis.

Dispela pait i kamap bihain long wanpela yangpela meri i bin kilim em yet i dai na bekim long dispela pait i bruk namel long ol pipel we i lukim 6-pela lain i bin dai pinis.

Tupela lain Maipka-Bangkane na Nganimbkane i bin kamapim bikpela pait we i lukim ol dispela laip i lus pinis.

Planti propeti olsem haus samting i stap long bagarap tru na bikpela hevi i wok long kamap namel long ol pipel bikos ol i nogat bilip long gavman sistem nau long dispela taim.



Gavman i stap we... Ol pipel bilong Jimi i wok long karim bikpela hevi tru bikos nogat gutpela rot na gavman sevis.



PNG POWER Ltd

TOKSAVE IGO LONG OL MANMERI NA KAMPANI LONG OLGETA HAP BILONG KAUNTRI HUSAT I GAT DINAU WANTAIM PNG POWER LTD

PNG Power Ltd i toksave long ol pablik na kampani isave yusim pawa olsem ol wokman bilong PNG Power Ltd istat pinis long stopim na katim ol sevis stat long 17th Februari, 2003.

Sapos yu igat dinau abrusim pinis mak bilong 30 de na moa imas baim dinau hariap tasol nogut pawa sevis bilong yu bai stop.

Long kisim moa toksave na tok kli, yu mas ringim o igo lukim ol wokmanmeri bilong PNG Power Ltd opis klostu long hap yu stap.

**Toksava ikam long
PNG POWER PUBLIC RELATIONS**

Sir Peter laikim wokbung long developim SHP

HILDA WAYNE i raitim

SAUTEN Hailans provins i stap bihain tru long sait bilong developmen bikos long kain pasin bilong stil na hait we i lukim planti mani bilong gavman i wok long lus nating long han bilong ol sinia politisen long kantri.

Nau em i taim bilong gavman na moa yet ol pipel long bungim tingting na traim sapotim gutpela developmen insait long dispela provins.

Dispela ol toktok em ekting gavana Sir Peter Barter i tok long dispela wik na em i laikim moa wokbung long kamapim namel long ol pablik sevans na lidas insait long provins long kirapim bek gutpela sindaun.

Sir Peter i tok Sauten Hailans em i stap bihain tru long sait bilong developmen bikos long ol hevi bilong pait, trabel na lo na oda.

Em i tok provins i kisim taim tru bikos long kain pasin bilong hait na korapsen insait long ol gavman opis na dispela i kamapim moa hevi long provins na bikpela hevi i stap nau bikos planti gavman sevis i wok long isi tasol i go insait long dispela trabel provins.

Sir Peter i tok nau gavman i gat

moa wok long traim bringim gutpela ol sevis i go insait long provins tasol pawa i stap long han bilong ol pipel yet long larim gavman sevis na developmen i go insait.

Em i tok ol pipel i kisim taim tru longpela taim na nau em i taim bilong ol long larim developmen long kamap gen.

Sir Peter i tok wanpela bikpela samting we gavman bai lukluk long en em long holim gutpela ileksen long ol ilektoret we nogat mamba nau long dispela taim.

Em i tok planti hevi em provins i stap witness long en bikos pasin bilong baim vot na gan i wok long kamap na ol pipel i bin vot wantaim pret na hev long las yia nesenel ileksen na dispela bai i noken kamap gen na nupela ileksen i mas kamap gut tru long mun Epril long dispela yia.

Sir Peter i tok bikpela samting nau em ol pipel i stap redi long kamapim gutpela lo na oda na em i laikim moa wok i ken kamap na larim gutpela sindaun na developmen i ken kirap bek gen.

Em i tok ol pipel i karim inap hevi nau na em i taim bilong kamap gutpela developmen na em i singaut long olget pipel long wok bung wantaim.

Sir Peter tok amamas long komiti

HILDA WAYNE
i raitim

MINISTA bilong Inta Gavman Rilesens Sir Peter Barter i givim bikipela sapot toktok i go long memba bilong Not Bogenvil James Togel long lonsim bilong Not Bogenvil Developmen Komiti.

Sir Peter Barter husat i bin stap het spika long lonsim bilong dispela komiti long dispela wik i tok Bogenvil i gat sans long kamap wanpela bikipela turis ples inap long ol turis i ken go holidi na givim moa mani long strongim developmen insait long dispela provins.

Em i tok nau yumi lukim olsem ailan kantri Fiji, Solomon Aillans na Vanuatu i wok long pulim planti turis bikos long gutpela lo na oda na ol naispela pasin bilong ol pipel.

Sir Peter i tok Bogenvil tu inap long kamapim gutpela turis industri we i winim Madang provins tu sapos ol pipel i putim tingting na bilip bilong ol i go insait long kamapim gutpela wok.

Em i tok em yet i bin mekim planti wok Bogenvil pastaim taim em i bin stap long bipo gavman na em i laik tru long go bek long dispela provins na mekim moa wok long helpim developmen.

Sir Peter i tok nau long dispela taim i gat ol planti gavman na ovasis pis monitoring grup i stap insait long Bogenvil tasol em i tok gutpela sindaun na developmen em i stap long han bilong ol pipel bilong Bogenvil yet long kamapim.

Em i tokim planti ol bikipela save manmeri bilong Not Bogenvil husat i stap long lonsim bilong dispela developmen komiti

olsem Not Bogenvil em i ples bilong ol na ol pikinini bilong ol na ol i gat wok long go bek long ples bilong ol na helpim developmen long go het long dispela ilektoret.

Sir Peter i tok em i amamas tru long dispela plen bilong developmen we Mista Togel i kamapim na em i tok dispela kain rot em ol pipel i wet long en na ol i laikim ol lida i mas soim rot na helpim ol long dispela kain we.

Em i tok wantaim dispela kain plen bilong developmen bai gavman givim luksave long dispela plen bilong ol pipel bai go het na developmen bai kamap.

Sir Peter i tok em sapatim dispela plen bilong Not Bogenvil na em i tok amamas olsem ol bikipela save lain bilong Not Bogenvil i stap insait long dispela komiti long helpim ol pipel bilong ol yet.

Tenpela refuji stap yet long Lombrum senta

••• nogat tok sapos nupela lain bai kamap

VERONICA HATUTASI
i raitim

PROSESING senta long Lombrum Nevi Beis insait Lorengau, Manus Ailan i gat 10-pela asailum sika o refuji tasol i stap long en.

Senta ya em ol refuji bilong Midel Is na Afghanistan husat i ronawe long ples bilong ol bikos long hevi na pait i wet i stap long en taim ol atoriti long Australia na ol arapela kantri i stretim ol pepa bilong ol long painim narapela kantri long kisim ol.

Ol ripot i kam long Lorengau i tok long las Sande, tupela refuji i bin lusim Manus na go long Sweden, kantri we i bin tok orait long kisim ol. Narapela grup i bin lusim Manus long las mun na ol i bin go long Nu Silan na Australia.

Ripot i tok 10-pela i stap yet em ol man tasol na ol i kam long Irak, Afganistan na Palestain.

Ripot i tok i nogat toktok yet sapos insait long neks tupela mun i kam bai sampela nupela refuji bai i kam long Lombrum Nevi Beis, tasol ol i wok long stretim na mekim gut n i go bikipela dispela senta.

Stat yet long Oktoba 2001, moa long 300 refuji manmeri na pikinini i bin kam stap long Lombrum Nevi Beis prosesing senta.

Tasol ol woklain we i lukautim senta bilong Intenesenel Ogenaisesen bilong Maigresen (IOM), Protek Sekyuriti bilong Lae na Australia Protektiv sekuriti i stap yet.

Ripot i tok ol refuji i stap gut long senta na i no olsem ol kalabus lain olsem sampela i ting ol i stap long en. Ol i amamas bikos ol i gat bikipela eria insait long banis we ol i save pilai long en. Na ol i save waswas long solwara, lukim televisen na ol arapela samting bilong mekim ol i amamas.

Ripot i tok tu olsem asailum projek i kamapim sampela gut-

pela samting bikos em i putim PNG long wol map long wanem em i lukautim ol refuji bilong ol ovasis kantri.

Na tu em i givim wok long ol insait long senta, lain long klinim ol rum na eria raunim long senta, ol nes na ol arapela woklain long haus sik i save lukautim ol refuji long en.

Ol wok we dispela projek i givim em long wok sekuriti long ol yangpela man, kuk insait long senta, lain long klinim ol rum na eria raunim long senta, ol nes na ol arapela woklain long haus sik i save lukautim ol refuji long en.

Em i tok dispela projek em ol i ogenaisim gut na i no olsem dispela long 1960 na 1070 taim gavman i bin putim ol refuji bilong Wes Papua long Lombrum na lusim tingting long ol.

Tasol em i tok ol lain em ol wantok bilong mipela na nau ol i sindaun gut na miks insait long Manus komyuniti. Ol i lukim Manus olsem asples bilong ol nau, ripot i tok.

Bogenvil na nesanel gavman sainim MOU



• Lida bilong Bogenvil Joseph Kabui i toktok long ol bikman bilong gavman, ol ovasis mausman na ol pipel bilong Bogenvil long bikipela bung bilong traim kamapim Bogenvil Gavman.

VERONICA HATUTASI
i raitim

OL LIDA bilong Nesanel na Bogenvil Gavman i bin sainim wanpela Agrimen long kirapim wanpela bodi we bai go pas long otonomi o nupela gavman bilong Bogenvil long dispela wik Tunde. Saining i bin kamap long Buka.

Minista bilong Inta Gavman Rilesens na Bogenvil Afeas Sir Peter Barter i bin makim Nesanel Gavman taim Bogenvil Gavana John Momis na Bogenvil Pipels Kongres

Presiden Joseph Kabui i bin makim ol pipel bilong Bogenvil long dispela saining seremoni.

Samting olsem 18-pela bikman i gat long en gavman minista, ol dipatmen bos na ol niuslain i bin stap insait long dispela seremoni.

Grup ya i bin raun tu i go long Sentrel na Saut Bogenvil na tu long ol arapela ples long Buka Ailan bilong lukim long ai bilong ol yet sindaun bilong ol pipel na ol wok go het bilong stretim ples, pipel na ailan long en.


Bogenvil edministresen i bin stretim ol wokabaut bilong ol bikman wantaim helpim bilong ol

Pis Monitoring grup na Yunaitet Nesens Obseva Misin long Bogenvil.

Grup i bin raun long tupela helikopta i go long Loloho long Sentrel Bogenvil, Kieta Bris, kapenteri projek bilong ol eks paitman na tu lukluk raun long Arawa.

Saining bilong agrimen em i strongim ol wok bilong traim sanapim nupela Bogenvil gavman. Tasol bikipela samting em ol eks paitman i mas pinisim wok bilong lusim ol gan bikos sapos nogat, ol bai i no inap long kirapim nupela Bogenvil gavman.

Togel kisim helpim long save lain



• Mista Togel.

HILDA WAYNE
i raitim

LONG bringim gutpela developmen i go insait long Not Bogenvil, olgeta samting bilong ilektoret i mas wokbung wantaim long helpim developmen na moa yet em ol gutpela na bikipela save manmeri bilong Not Bogenvil.

Dispela toktok em memba bilong Not Bogenvil James Togel i bin mekim long lonsim Not Bogenvil Developmen Komiti dispela wik.

Mista Togel i tok wanpela bikipela tingting bilong em long bungim olgeta save lain husat i stap long ilektoret yet na planti moa husat i gat ol bikipela wok na i stap long Mosbi.

Em i tok em yet i bin givim tok-save na tokaut long tingting bilong em na planti moa i bin wanbel long tingting bilong em na ol i laik wokbung long kamapim gutpela developmen long ples bilong ol.

Mista Togel i tok wanpela pes samting em i lukim we developmen

bai kamap long Not Bogenvil em taim em i kisim sapot long sait bilong helpim i kam long ol bikipela save manmeri.

Em i tok em yet i bin tingim olsem wanpela gutpela we tru we bai em i ken mekim planti moa wok wantaim helpim i kam long olgeta bikipela save manmeri bilong Not Bogenvil em long kamapim dispela komiti we i gat olgeta bikipela save lain i stap insait long komiti.

Namba tu tingting bilong em long putim sampela gutpela developmen plen wantaim helpim bilong dispela komiti i go long nesanel gavman long kisim moa sapot long sait bilong fanding na tu putim ol bikipela plen bilong bihain taim we i gat nid long mekim moa wok.

Mista Togel i tok taim olgeta pipel bilong Not Bogenvil i bungim tingting bilong ol na sapatim ol plen bilong developmen long Not Bogenvil bai gutpela wok i kamap na ol pipel bai stap gut.

Em i tok wanpela bikipela hevi we i save kamap em long fanding bilong mekim ol dispela developmen wok na em i putim dispela i go long han bilong ol komiti na em yet tu bai painim moa gutpela rot long gavman long kisim mani bilong statim ol wok insait long ilektoret.

Mista Togel i tok em i amamas tru olsem planti ol bikipela save manmeri bilong Not Bogenvil husat i save stap long Mosbi i putim han i go antap na i tok orait long stap insait long dispela komiti bikos ol i tingim ol pipel bilong ol na em i wanbel tru.

Em i tok yet olsem long wanem kain plen ol i gat em tingting bilong ol bai pas long developmen tasol bilong ol pipel bilong Not Bogenvil na em i lonsim dispela komiti long dispela wik Mande long palamen haus.

Planti interes long pait egensim sik AIDS long Milen Be provins

GUDINAF Ailan AIDS komiti insait long Milen Be provins i gat nupela opis nau long helpim ol long karimaut wok bilong ol.

Nupela opis ya i bikpela moa long provinsel AIDS kaunsel insait long Alotau na eria menesa bilong Gudinaf, Thomas Pilai i givim dispela opis long ol.

Mista Pilaia i muv go long

Losua we em i kisim nupela wok olsem distrik administreta bilong Kiriwina Gudinaf.

Dispela nupela opis i kirapim bikpela interes long ol pablik na ol komyuniti beis ogenaiesen long ailan long wok egensim sik AIDS.

Francis Nikuya, husat i memba bilong provinsel AIDS kaunsel i tok dispela nupela opis i wok long kisim planti isin-

gaut na askim i kam long ol grup na ol viles long karimaut awenes wok long hap bilong ol.

"Mipela wok long tilim kondom na ol tok skul pepa na mekim awenes long AIDS na nau mipela gat nupela opis planti pipel wok long kam na lukim mipela long wan wan de long kisim ol tok skul na tok stia long ol AIDS kaunsel wok manmeri," em bin tok.

Mista Nikuya tok kaunsel i nau lukluk long gavman long givim ol moa sapot.

Provinsel AIDS kaunsel, Doreen Nadile, tok kaunsel i laikim tumas olsem i mas gat wanpela distrik AIDS kaunsel i mas kamap.

Misima em wanpela namba wan distrik husat i wok long ranim distrik komiti bilong ol yet.

Ol hai skul bai kisim PNG yia buk 2003

ESTHER HARO
i raitim

OL HAI skul na sekenderi skul insait long Papua Niugini bai kisim buk bilong PNG yia buk 2003 we Praim Minista Sir Michael Somare bin opim 3-pela wik i go pinis.

Long Tunde long dispela wik, Sir Michael bin givim 200 buk igo long han bilong Nesenel laibri o haus bilong buk long givim aut long olgeta skul. Dairekta Jenerel bilong opis bilong laibri na akaiv, Daniel Paraide tok ol infomesen insait long buk ya i gat olgeta infomesen we i gupela long ol sumatin insait long hai skul, sekendri na nesenel hai skul.

Olsem na ol bai skelim ol buk ya igo long olgeta skul. "Dispela yia buk i gat infomesen long politiks, foren afes, ikononiks, turisim na i sut long ol bisnis," Mista Paraide i tok.

"Dispela em namba tun edisen bilong dispela kain buk na i gat ol stori bilong ol samting we i wok long kamap insait long kantri olsem

na em i impoten tumas olsem olgeta skul laibri i mas gat kopi bilong dispela buk."

Mista Paraide bin stori olsem long taim ol bin lonsim o opim buk, em bin tokaut olsem dispela buk em i gupela long ol sumatin tasol planti ol skul ino gat K60 long baim buk.

Sir Michael bin tok em bai baim 200 buk long givim long ol skul laibri na long dispela wik promis bilong em bin karim kaikai.

Mista Paraide tok sampela ol ogenaiesen i soim intres long baim buk long givim igo long ol skul na taim ol i baim buk, nesenel laibri bai tilim igo long ol praimer skul.


Sir Michael taim em presentim ol buk bin tok dispela PNG yia buk 2003 igat planti gupela infomesen olsem ripot bilong sunami long Aitape na ol arapela infomesen.

Em tok long longpela taim nau i bin nogat gupela sapot na luk-save igo long ol buk. Sir Michael tok buk ya bai helpim ol sumatin husat i ritim dispela buk.

Strong bilong ren...

• Bikpela ren long Mosbi long Mande dispela wik i lukim ol wara i tait nabaut arere long ol haus na bikrot. Dispela ren i tromoi banis go daun long wanpela haus long Tokarara.

Poto: JOE IVAHARIA.



Wol benk tok sapot fanding mas stap long karimaut projek

WILLIAM NATERA
i raitim

WOL Benk lon (namba 7119 PNG) we i givim tok orait long Papua Niugini gavman long kisim mani tru long rot meintenens na rihebiliteisen projek insait long Sentrel provins bin kamap ples klia long Februari 8, 2003.

Projek dairekta (Wol Benk Projek), Gariga Gabi tok nesenel na Sentrel provinsel gavman i kamapim sapot mani pinis tasol ol i

mas go het long givim moa fanding long karimaut dispela projek insait long 2003.

"Sapos i nogat fanding sapot, ol projek we yumi laik statim bai no inap kamap," em tok.

Benk bin givim K2,857,363 na provinsel gavman bin givim K1,678,339 long fanding ol provinsel rot.

Long sait bilong ol nesenel rot, wol benk bin givim K6,767,442 na nesenel gavman i givim K4,136,974.

Insait long dispela projek, ol bai karimaut

meintenens wok long stretim ol provinsel na nesenel rot na ol bris.

Long wik i go pinis long las wik, Pablik Sevis Minista na memba bilong Abau, Dokta Puka Temu bin tokaut olsem ol rot bin bagarap bikos nesenel gavman na provinsel gavman bin abrus tru long givim sapot mani o fanding.

Dokta Temu bin tok i mas gat gupela na strongpela disisen long plenim olsem i mas gat sapot mani i stap oltaim insait long provinsel baset.

Wok konstraksen i stat long Jubili sekendari skul

ESTHER HARO
i raitim

KONSTRAKSEN wok bin stat long dispela wik long Jubili Katolik Sekendari skul insait long Pot Mosbi long wokim ol haus bilong ol tisa.

I bin gat wanpela naispela de long opim dispela wok long las yia long mun Mei insait long skul na Praim Minista long dispela taim Sir Mekere Morauta bin stap na witnessim dispela seremoni tasol nogat konstraksen wok bin kamap i kam inap nau long dispela yia.

Skul Prinsipol, Benardette Ove tok NCDC siii menesa bin tokim em olsem konstraksen wok bai stat long wan wik bihain long graun breking seremoni.

Tasol nogat samting bin kamap.

"Mipela weit igo wan wik i pinis na mipela weit yet na bihain mipela bin les long wet moa," Misis Ove i tok. Namba wan kampani bin winim kontrak long karimaut konstraksen wok las yia tasol ol i no mekim wanpela samting.

I gat mak olsem 18 tisa husat i tisa long skul ya na long dispela namba olsem 5-pela i nogat haus


na ol arapela i stap long haus bilong ol yet.

Misis Ove tok i gat 5-pela tisa husat i stap wantaim wantok bilong ol tasol hap ol i stap ino gupela tumas.

"Mipela laikim tru haus bilong ol tisa. Sapos ol tisa gat haus bilong ol yet long skul ol bai amamas na ol i ken mekim gut wok bilong ol," em tok.

Taim ol i pinisim wok, skul ya bai gat nupela 4-pela yunit blok we ol tisa bai stap long en long skul eria.

Long dispela wik namba wan kampani i stat long levolim graun na bihain ol bai putim faundesen.



• Ol plis man i mekim eksasais bilong ol long Poreporena free way long dispela wik. Poto: JOE IVAHARIA.

Fainens oraitim baset bilong Madang

FAINENS na Treseri long las wik i yesa long 2003 baset bilong Madang provins.

Gavana bilong Madang James Yali bin autim bikpela amamas bilong em long dispela na bin tok olsem nau provinsel gavman inap long go het wantaim ol plen bilong ol long developim provins.

Mista Yali bin tok olsem dispela baset o mani plen i kisim mak olsem K49 milien.

Em tok olsem dispela baset we ol bin kamapim i wanpela we i bihainim stret ol bikpela plen blong nesenel gavman long stretim bek ol wok bisnis na

strongim bek mani long kantri. Em tok olsem dispela em i wanpela mani plen we i sut stret long helpim ol lain long ol ples stret.

Long dispela baset blong Madang, provinsel gavman i givim bikpela hap mani go long stretim ol rot, bris, wof, ples balus na arapela bikpela projek na long wok agrikalsa.

Mista Yali tok olsem ol i givim K2 milien go long stretim ol rot na bris na K1.5 milien go long wok agrikalsa insait long provins.

"Lukluk bilong gavman blong mi em long stretim ol rot na ol bris insait long provins. Dispela em bikpela

samting bikos sapos ol dispela i bagarap bai ol pipel long ples bai no inap inap long karim ol gaden kaikai na tu ol arapela samting olsem kakao kam long taun long salim," Gavana i tok.

"Antap long dispela mipela laik tok strong long ol lain long ples long planim kaikai na ol arapela samting olsem kakao na kofi na salim ol," em tok suak.

Long surukim tok bilong em go moa em tok olsem plen tu i stap long strongim ol pipel long wokim ol arapela kain wok olsem pulim pis na wok forestri bai provins i ken kisim moa mani na tu helpim PNG.

WANTOK
MALOLO
TAIM

Februari 20, 2003



Nupela seketeri bilong Nunsio
pes 10

Ol lain i ronawe brukim bik solwara
pes 11

Pamuk pasin i go bikpela
pes 12

Wol Nius Woa long Irak
pes 14-15

Tok pilai wantaim rait man Kanage
pes 20



Bai PNG i salim buai na ol botol na tin yet?

stori pes 17

BNBM

Available from : **BNBM HARDWARE**






- Port Moresby: Ph: 325 1135 Fax: 325 7393
- Lae: Ph: 472 6966 Fax: 472 6968
- Kokopo: Ph: 982 9580 Fax: 982 9581

New Arrival Top Quality Ceramic Tiles 300x300mm (11PCS / Box)

Antique Cotto Series K25 / Box

Gloss or Matt Glazed 1-D Series: K23 / Box 1-D Series: K26 / Box

White Biscuit based, Real Ceramics Strong & Wear-resistant. Perfect Joints



TOKTOK NATING
wantaim
Fr Paul Liwun SVD



Mi bilip strong olsem manmeri bilong PNG i prea olgeta de bikos yumi stap insait long wanpela Kristen kantri. Sampela manmeri i stap na wetim bekim bilong God long ol prea bilong ol. Na i gat sampela manmeri i belhat i stap bikos God i no bin givim wanem samting ol i bin askim long en. Sampela mun i bin go pinis mi bin sekim email bilong mi na mi bin painim wanpela email bilong klasmeit bilong mi long haikul tasol nau i wok long Jakarta, kepitel siti bilong Indonesia. Long Jakarta siti i gat planti ka tru na ol strit i bisi tru long olgeta de na nit Planti taim i gat trafik jem. Olsem na gavman bilong Jakarta (NCD) i bin putim wanpela lo olsem i gat wanpela strit insait long Jakarta siti.

Sapos yu draivim ka bilong yu yet, yu mas gat tripela manmeri insait long ka (three in one). I tambu tru long yu wan i draivim yu yet long dispela rot na bai kisim panisemen stret on the spot. Bikos Dinah (nem bilong pren bilong mi) em i wanpela tasol i stap long ka, olsem na em i bihainim strit i nogat tambu long en.

Tasol em i bai bungim planti trafik lait. Na long trafik lait, bai yu lukim planti kain kain manmeri i stap. Sampela i salim kaikai, dring o wara nating, sampela i salim niuspepa, sampela i salim ol liklik samting yu nidim olsem sop, smok, klos, tawel, tisu bilong draim swet. I gat planti Manmeri tu i save askim long mani samting (beggars).

Dinah i save putim sampela koin insait long poket bilong ka bilong em long givim i go long ol manmeri i askim long mani samting. Na olgeta moning, em i save givim long wanpela mama we krismas bilong em i moa long 40 samting.

Tasol long dispela moning, em i no bin lukim dispela mama, tasol em i lukim narapela mama i lapun moa yet long meri em i save givim helpim oltaim. Taim lapun mama i kam klostu long windua bilong ka, Dinah sekim poket bilong ka tasol em i no painim wanpela koin i stap.

Olsem na em i mekim sain long lapun mama olsem em i nogat wanpela samting long givim em. Em i bin lusim tingting long putim sampela koin insait long ples em i save putim long en.

Bikos em i no bin givim wanpela samting long dispela mama, lapun ya i belhat nogut tru na i paitim strong tru ka bilong Dinah. Taim Dinah i harim pairap bilong ka, em i kirap nogut tru na i kros stret, tasol em i no bikmaus long lapun mama ya.

(* *) Pasin kros bilong lapun meri i mekim yumi tingting pasin bilong yumi wantaim Bikpela antap. Planti taim yumi belhat na kros long God na paitim "ka bilong em" bikos em i no bin bekim wanem samting yumi bin askim long en.

Tasol olsem dispela lapun meri - tumora yumi bai kam yet long God na askim em gen, maski belhat i stap pas yet insait long bel bilong yumi.

Sampela taim wantaim belhat insait long yumi, yumi fosim em. Yumi laik em i mas bihainim laik bilong yumi. Yumi fosim LAIK na TINGTING bilong yumi i go long en.

*** I no tru olsem God i no bin givim samting yumi askim long en. Tude em i no givim, tasol tumora em bai givim yumi sampela "TOEA". Sampela taim i gat planti koin, sampela taim i gat liklik koin/toea.

*** Wanpela samting yumi mas tingim- **GOD I NO SAVE LES LONG GIVIM HELPIM LONG YUMI. OLSEM NA NOKEN GIVAP LONG ASKIM.**



GOD I SAVE PINIS LONG YUMI NA I SAVE WAS GUT LONG YUMI

Bikpela, yu skelim pinis bel bilong mi, na yu save tru long mi. Yu save long olgeta samting mi save mekim. Yu stap long-we, tasol yu save long olgeta tingting bilong mi. Yu save lukim mi long taim mi mekim wok na long taim mi slip. Yu save long olgeta pasin bilong mi. Na sapos mi laik mekim wanpela tok, yu save pinis long dispela tok. Yu raunim mi long olgeta hap na y save was long mi long strong bilong yu. S:ve bilong yu i antap tru long mi na i winim tingting bilong mi. Bai mi go we na mi ken luksim spirit bilong yu? Na bai mi ranawe i go long wanem hap na mi ken hait long yu? Sapos mi go antap na mi stap long heaven, yu stap long heaven. Sapos mi go i stap long ples bilong oi man i dai pinis, yu stap long dispela ples tu.

Buk Song 139: 1-8

Nunsio gat nupela Seketeri

ALISON ANIS
i raitim

NUNSIO o mausman bilong Pop Paul 2 long PNG na Solomon Ailan em Abisop Adolfo Tito Ilana i gat nupela seketeri. Nem bilong en em Pater Fermin Emilio Sosa Rodriguez na em i bilong kantri Meksiko long Sentrel Amerika. PNG em i namba wan ples em ol i salim em long kam wok long em olsem Seketeri bilong

Nunsio bhain long em i pinisim diplomatik trening bilong em long dispela kain wok long Pontifikal Eklesiatik Akademi insait long laspela foapela kris-mas.

Pater Emilio i bilip olsem PNG i ken opim lewa long Bikpela na long dispela pasin, ol i ken painim trupela mak bilong ol wantaim Jisas.

"Sapos mipela i wokim dispela na lukim wanem samting mipela wan wan i ken wokim long kantri bilong mipela na

wanem samting kantri i ken ofaim i go long wol," Pater Fermin i tok.

Em i tok PNG i gat planti samting em i ken ofaim long wol na olsem i moabeta long PNG pipel i opim na senisim tingting bilong ol.

Pater Emilio i bin kam long PNG long Januari 10 bilong senisim Pater Antoinette Camileri husat i bin holim wok olsem Seketeri bilong Nunsio long las foapela krismas.

Em bin tok tu olsem sapos ol

pipel bilong dispela kantri i strong long karimaut ol wok insait long komyuniti na sosesol laip, gutpela wok developmen bai kamap.

Em i tok sapos ol i helpim ol yet na mekim kamap ol samting, ol bai i no inap long wetim helpim i kam na olsem, ol bai gat samting long ofaim long wol. Em i hop em i karimaut gut wok bilong em long PNG na tu painim dispela spesel samting we PNG i ken ofaim i go long wol.

Ol wok redi long asembli go het



• Sampela memba bilong Divain Wod Misinari. Ol i redi nau long Asembli 2003.

PATER PAUL LIWUN
i raitim

SAMPELA wik i go pinis, Katolik sios insait long PNG i bin statim selebresen bilong Asembli bilong Katolik Sios. Dispela bikpela bung i bin kamap long Banz/Fatima insait long Westen Hailens.

I gat narapela grup bilong Katolik Sios tu i redi long Jenerel Asembli bilong ol insait long PNG. Em ol misinari bilong Society of Divine Word (SVD). Dispela lain i bin stap wok long PNG 107 krismas i go pinis.

Olsem na long las wik Pater Jan Zweda SVD, supiria bilong ol long PNG i bin singautim olgeta pes man bilong ol wan wan distrik i kam na holim wanpela bung long SVD Fomesen Haus long Rabiamul insait long Maun Hagen. I gat siksipela pes man bilong olgeta distrik insait long PNG we ol SVD i stap mekim wok bilong ol. Madang (3 pesman) na Wewak, Enga, Hagen, SIMGO (Simbu na Goroka) na Mosbi i bin salim wan pesman bilong ol.

Bipo long dispela komiti i mekim miting na mekim plen bilong Asembli, Pater Jan Szeda i bin givim sam-

pela aidia olsem wanem Asembli bai kamap.

Em i tok "Asembli em i taim bilong selebretim wok yumi bin mekim long PNG 107 yia i go pinis nau. Olsem na sapos yupela i mekim plen bilong asembli, ajenda bilong em i noken hevi tumas.

Wokim liklik ajenda tasol we olgeta memba bilong SVD bai amamas na selebretim wantaim".

Komiti i bin makim ples bilong Asembli em long Divain Wod Yunivesiti (DWU) long Madang long de 27-31 Oktoba 2003. Moa long 150 SVD bai kamap long selebretim

dispela Asembli.

Tim bilong prepere-sen o lain i karimaut ol wok redi i bin mekim sampela plen bilong asembli. Long Oktoba 27 2003 na olgeta bai kamap na wokim rejistresen.

Na long nait ol bai i gat taim bilong introdaksen we olgeta SVD memba bai kolim nem bilong ol, nem bilong kantri bilong ol na hama yia ol i wok long PNG.

Long namba wan de bilong Asembli, em i taim bilong tingim bek ol wok we ol SVD i bin wokim long bipo. Long dispela taim tu, ol bai invaitim sampela manmeri i save gut long wok bilong ol SVD long

PNG bai ol i ken serim tingting bilong ol long SVD.

Long namba tu de, em long Oktoba 29, ol SVD bai lukluk long taim bilong nau na wanem kain situesen ol SVD i stap long en.

Na long Oktoba 30, 2003 em i de bilong lukluk long taim bihain.

Sapos ol i save gut long wanem samting gut na nogut i bin kamap bipo na nau, ol bai mekim wanem kain prektikel plen long taim bihain. Long dispela de tu sapos superior jenerel bilong ol long Rom i kam na stap long dispela asembli, em tu bai givim sampela aidia bilong em long bihain taim bilong SVD.

Long Oktoba 31, em bai laspela de bilong asembli na bai i gat selebresen bilong kanonaisesen o Santuim fauna bilong SVD Oda long 1875, Arnold Jansen Joseph Frainademertz em namba wan SVD misinari i bin wok long Saina.

Santu Pater Arnold i bin kirapim SVD Sosaiti long Steyl insait long kantri Nedalens. Pop John Paul 2 bai tokaut long tupela i kamap Santu long Oktoba 2003.

Komiti i gat plen long invaitim ol manmeri, rilijes, Superior bilong SSpes Sista long PNG na Superior Jenerel bilong SVD long Rom.

Provinsel SVD bilong Indonesia (ENDE) husat i salim planti yangpela bilong Indonesia i mekim wok misin long PNG na provinsel bilong Sentrel Filipins.

Ol Pater long Bogenvil Daiosis i bung

VERONICA HATUTASI
i raitim

SAMTING olsem 26 pater insait long Bogenvil Daiosis i bung long dispela wik long Buka bilong toktok na glasim ol wok insait long ol wan wan daiosis long dispela yia.

Bung bai i gat tupela hap long en. Long namba wan

hap, ol Pater ibin bung wantaim Bisop bilong ol Henk Kronenberg long olpela hetkota bilong Katolik Sios long Bogenvil em long Tsiroge. Long bung ya, ol bin toktok, glasim na skelim ol pastorel wok insait long ol peris long dispela yia, 2003.

Na long tupela de em long aste Trinde na tude Fonde, ol i sindaun insait long wanpela Famili Laip woksop long

Hahela. Long dispela tupela de, Pater Hendry Saris na Alina Longa i givim skul long "Right Relationships" insait long marit na famili.

Ol Maris Misinari na daiosisen Oda nau i wok long Bogenvil long dispela taim.

Maris Oda i bin kam pastaim long Bogenvil na ol i winim pinis moa long 100 kris-mas.

Opis bilong ol Maris Pater long Hahela long Buka i tok ol Maris i wok long sapatim na promotim strong wok bilong ol Daiosisen Oda pater long Bogenvil bilong skruim wok insait long ol wanwan peris-taim ol Maris misinari i laik strongim ol wok insait long spesel ministri olsem long givim ritrit, Famili Laip, kari-maut ol woksop, edukesen na ol arapela eria moa olsem.

Ol lain i kapsait long sip i stori

... Saddam Hussein na Amerika mas tingting gut

VERONICA HATUTASI i raitim

LONG Oktoba 2001, sip nem bilong em SIEVX i karim 418 refuji i bin go daun long solwara long ples ol i kolim long Bogor long Indonesia na Christmas Ailan, klostu long Australia. Long dispela mak, 45 pipel tasol i stap laip na 373 manmeri na pikinini i bin dai. Dispela em bikpela mak tru bilong ol lain i lusim asples bilong ol bikos hevi, wo na pait i stap long en na i wok long painim narapela kantri long stap gut long en i bungimn birua.

Kot i bin kamap long dispela birua bikos sampela i bilip olsem ol inap long sevim planti ol pipel long dispela sip bikos long politiks bilong dispela samting i bin kamap tu kwiktam bihain long Septemba teroris birua long Amerika.

“Mipela i wokim wanem samting na ol i no wokim mipela gut long kantri bilong mipela yet Iraq. Hevi i stap long hap na mipela i ronawe lusim ples. Mipela i go long narapela kantri tasol ol i rausim mipela na mipela i laik kam long Australia, ol i no laikim mipela tu. Bai mipela i wokim wanem nau? - man Namba 17 i tok.

Dispela stori i kam long 21 pipel long sip SIEVX i no bin dai long Oktoba 2001 birua na ol bin givim ripot long enkwaieri. Tasol ol i bin bungim bikpela hevi long solwara na lukim ol liklik bebi, ol pikinini, papa na mama, brata, susa na man na meri bilong ol i dai. Ol dispela lain i stap laip i stori long ol hevi ol na ol meri pikinini i bungim long taim bilong bikpela san, ren, nek bilong ol i drai long no dringim wara na planti i dai long en. Tingim, sapos dispela samting i kamap long wanpela long mipela, em sori samting stret ya. Tasol dispela ol lain i stap laip em ol bin stap long hap bilong Bikman yet. I bin gat 150 pikinini long bot na foapela tasol i stap laip.

Ritim ripot bilong sampela ol sevaiva we wanpela man i wok wantaim Lebanis Asosiesen long Sidni, Australia i bin tanim ol toktok taim ol sevaiva o ol lain i stap laip i givim ol toktok bilong ol long wan-

pela kot enkwaieri. Nem bilong ol lain i givim ol tok-tok i stap tu long dokumen ya.

Pasindia namba wan i tok em bin kalap long sip wantaim narapela 15 famili memba tasol nainpela i bin lus taim sip i go daun na sikspela tasol i stap laip.

“Mipela i bin holim pas long wanpela palang long 20 awa na trip long solwara. Wanpela sori samting we mi bin lukim em wanpela bebi mama i bin karim na i pas yet long rop bilong mama na tupela i go daun long solwara na dai.” Man ya i kra i na i stopim toktok bilong em long hia

Namba tu man i bin kalap long sip wantaim foapela pikinini, wanpela susa na brata wantaim meri na tupela pikinini. Em na meri na wanpela pikinini i no bin dai taim olgeta narapela i bin bagarap.

“Brata bilong mi i wok long singaut long helpim tasol mi no inap helpim em


na rot we ol pikinini, meri, brata susa na ol lain bilong ol i dai. Nogat helpim, nek i drai, bikpela san na ren na trip longpela taim wantaim nogat helpim na go daun long wara na dai.

Toktok bilong namba nain man i stap laip: “Mi bin wanpela insait long 90-pela pipel long famili na hauslain i bin stap long bot tasol 10-pela i stap laip nau. Taim sip i kapsait, ol pikinini i bin werim laipjeket tasol ol bin pas insait long sip na dai. Liklik lain tasol i bin inap long kamaut. I bin gat bikpela ren na sampela i dai long kol. Sampela i bin dringim solwara tasol bikos nek i drai na ol i dai. Planti i kra i kra long dring wara na ol dai. Ol lain i stap laip na ol dispela i dai tu i wok long singaut na pre long Bikman long askim long helpim ol na lusim tingting long ol asua bilong ol.

Namba nain man i tok long bikpela grup bilong em, faipela, tasol i stap laip. Em i tok planti ol liklik pikinini i bin trip insait long kebin bilong sip tasol wara i pulap na dispela i kilim

Muslim ol bilip manmeri bilong ol arapela lotu, ol kantri we i save tingim na helpim ol arapela long hevi bilong stretim hevi bilong mipela. Stap long Indonesia i no gutpela bikos bai mipela i tingim birua na ol pikinini na arapela lain bilong mipela i dai long birua. Olsem na mipela i no inap long stap hia. Mipela i laik go long narapela kantri, painim wok, skul na gutpela laip. Mipela i no laik kamapim hevi long ol arapela lain.

“Mipela i bilong Iraq na Irak i olsem wanpela kalabus ples. Olsem na mipela i bin ronawe i go long Iran tasol mipela i no stap gut long hap. Ol i no bin larim ol pikinini bilong mipela i go long skul long Iran. Long mun Mei na Jun 2001, ol ril estet lain long Iran i bin kisim oda long ol atoriti bilong noken rentim ol haus long ol forena o lain bilong arapela kantri. Dispela i karamapim ol forena bilong Iraq na Afganista. Olsem na mipela i wok long painim narapela kantri i ken kisim mipela. Mipela i laikim bai ol pikinini bilong mipela i



• Dispela em tripela pikinini susa bilong Iraq. Nem bilong ol em Zahra i gat sikspela krismas, Fatima 7 na Aiman 9 i bin dai taim sip Sievix i go daun long solwara. Papa bilong ol Ahmed Alzaimi.

bilong Australia we i bin patrol klostu na i mas lukim o harim kra i bilong ol tasol nogat ol i no bin helpim ol.

Em i belhat na tok watpo na gavman bilong Australia i belhat long ol na ol pikinini bikos ol i no wokim wanpela rong samting tasol ol i laik painim gutpela ples, olsem Australia we ol i harim long ol arapela lain bilong ol olsem em i wanpela gutpela kantri.

Silan na Australia tasol sampela i stap yet long refuji kem long Australia wetim ol atoriti i stretim ol pepa bilong ol.

Kantri Iraq na Afganistan em tupela long ol we i wok long birua wantaim Amerika na ol pren kantri bikos long wok bilong ol teroris. Moa yet long Irak we Amerika i bilip olsem em i wokim na haitim ol strongpel posin bom we

“Brata bilong mi i wok long singaut long helpim tasol mi no inap helpim em bikos em i stap longwe na mi holim tupela pikinini long solda long nait taim bikpela ren i pundaun. Wanpela pikinini i kra i long wara na i singaut i go inap em i dai,”



• Ali Mahdi i bin lusim tripela pikinini meri em ol bin wetim ol dispela pikinini na famili long Australia i stap. Tasol birua i kamap na ol i no lukim ol pikinini ya.

dai ol.

Namba 14 man i tok long 418 pasindia, 46 i stap laip. “Foapela em ol pikinini. 146 pikinini i bin dai. I bin gat 150 meri na eitpela we wanpela em yangpela meri i stap laip. I bin gat 113 man na 33 tasol i stap laip. Bot i bin go daun long solwara long samting olsem 3 kilok apinun Fraide Oktoba 19, 2001. Taim sip i go daun, 100 pipel i bin stap laip tasol long neks de taim ol arapela sip i kam long painim ol, 45 tasol i stap laip.

“Mipela i singaut long ol humen, raits grup, ol

kisim gutpela skul olsem ol arapela pikinini long wol.

“Long nem bilong 45 manmeri na pikinini i stap laip, mipela i apil olsem ol atoriti i stretim kwiktam hevi mipela i stap long en. Mipela i laik tok tenkyu long Mufty Sh Hilali na ol arapela husat i bin helpim mipela,” Namba 14 man i tok.

Namba 17 man i tok ol dispela i dai i painim gutpela malolo taim ol dispela i stap laip em laip bilong ol i bagarap. Fising sip bilong Indonesia i bin painim ol na sevim ol. Na em i wanbel olsem tupela nevi bot

“Mipela i wokim wanem samting na ol i no wokim gut long mipela. Hevi i stap long hap na mipela i ronawe lusim ples. Mipela i go long narapela kantri tasol ol i rausim mipela na mipela i laik kam long Australia, ol i no laikim mipela tu. Bai mipela i wokim wanem nau? Mi na 15-pela famili memba i bin wet klostu tupela krismas long bekim bilong Yunaitet Nesens. Mipela i singaut long husat Muslim na Kristen long lukluk long hevi bilong mipela na helpim mipela. Sapos Yunaitet Nesens i no lukim kondisen we mipela i stap long en, ol i no inap long larim mipela i stap long kain ples olsem. Mipela i laik go yet long Australia, mipela i laik go long sampela hap tasol mipela i les tru long stap long Indonesia,” man Namba 17 i tok.

I kam inap tude, sampela long ol dispela asailum sika o refuji i go long Nu

inap bagarapim ol arapela kantri we em (Iraq) i gat belhevi na kros wantaim. Amerika i bilip olsem Irak lida Saddam Hussein i wanpela man nogut i gat strongpela het na em na lain bilong em i haitim ol bom nogut, maski ol wepons inspekta i glasim ol ples we ol i wokim ol bom samting long em tasol ol i no painim yet.

Mipela yet i glasim ol gutpela samting na nogut long tupela sait wantaim na painim husat i asua.

Tasol taim dispela hevi long sait bilong politiks na woa na pait i go het, ol gutpela manmeri bilong Irak na Afganistan i laikim gutpela sindaun bai bungim hevi. Olsem na Presiden Saddam Hussein i mas tingting gut na harim tok bilong Yunaitet Nesens na tu traim glasim na skelim na givim sampela kain ansa we em i ken bungim Amerika na ol pren kantri long namel bilong abrusim woa.

Tripela marit yet i save pamuk

WANTOK nius ripota i painimaut long tripela marit famili i save mekim pasin pamuk namel long ol yet long kisim mani. dring bia na ol arapela samting moa we ol i save amamas long mekim.

Ol tripela meri i stori
Sapos yu askim mi dispela em narapela kain stail bilong pasin pamuk stret. Yu ting nogat man o meri inap mekim tasol ol dispela marit famili i save mekim. Tripela marit meri em Lora, Jane na Betty (i no nem tru bilong ol) i save stap wantaim long wanpela kompaun, ol i save stap long haus, na planti taim ol i save sot long mani wankain olsem planti meri long ol taun na siti. Tasol ol i no tingting long salim buai na mekim ol liklik maket nabut. Ol i stat long mekim pasin pamuk long kisim mani long lukautim ol insait long taun.

Tasol tripela meri ya i no save go raun painim man long mekim pamuk wantaim na kisim mani, nogat. Man bilong tripela i save wok na ol i kamapim rot olsem tripela meri ya i ken go slip wantaim ol dispela tripela man bilong ol long laik bilong ol tasol long taim bilong fotnait.

Na man husat i kisim fotnait i ken baim narapela meri bilong narapela man long kam slip wantaim em. Dispela em i olsem raun robin pilai. Wanem samting i rong? Olgeta i save stap klostu klostu wantaim long wanpela hap, ol i gutpela pren, olgeta i save long wanem samting ol i save mekim na i nogat bel nogut long dispela.

Man bilong Lora em Tim. Na Tim i save wok wantaim wanpela kampani long Mosbi. Man bilong Jane em Sam. Na Sam i save wok long opis bilong gavman. Man bilong Betty em John na John i save wok long wanpela kampani. Olgeta i save stap long wanpela kompaun long Mosbi. Ol i bin wok na stap long Mosbi moa long 10-pela krismas. Bipo ol i save hait na mekim pasin pamuk raun long laik bilong ol yet tasol 5-pela krismas i kam inap nau ol i stretim gut rot na mekim pamuk pasin bilong ol bihainim i kam.

Tim na Sam em ol lain bilong dring bia na spak tumas na John em man bilong sikirap long painim meri. Pasin bilong meri bilong Tim na Sam i wankain olsem man bilong tupela. Meri bilong John tu i wankain. (Wantok i no inap tokaut long provins na ples bilong ol dispela famili bikos Wantok i no laik putim ol i go aut ples klia)

Mipela i save stap wantaim long wanpela hap. Mipela ol gutpela pren na mipela i save slip wantaim ol man bilong mipela tripela

...ol i save senisim man na meri

wantaim. Mipela olgeta i save long wanem samting mipela yet i save mekim tasol mipela i no kros long dispela. Bikpela samting em i gat mani long tebol na mipela i save long husat mipela i slip wantaim, Lora i tokaut gut tru long dispela pasin ol i save mekim.

Wanpela fotnait i go pinis, tripela man ya i bin senisim meri bilong ol wantaim meri bilong narapela na slip wantaim. Ol i bin mekim dispela taim olgeta i bin dring bia wantaim. Ol i save mekim olsem longpela taim i kam stat long taim ol i bin kamapim dispela pasin.

I gat tupela as ol i save kam bung wantaim.

mipela i go kam. Meri ya i autim ol dispela toktok gut tru long ia bilong wanpela nes wokmeri bilong Mosbi haus sik.

Nes meri ya i tok Lora wantaim man bilong em Tim i bin go long haus sik long sekim ripot long blut tupela i bin givim sampela de i go pinis.

Toktok i go bikpela taim

ni. Sista i askim. Ol pikinini i save long dispela pasin o nogat?.

Ol i save hait na mekim ol wokabaut na eksem bilong ol bai ol pikinini i noken save. Planti taim ol i save makim wanem ples ol bai bung na dring bia na mekim pasin pamuk bilong ol wantaim.

Tasol sapos ol pikinini i

marit manmeri long las ya. Dispela em bikos haus sik ripot i soim olsem tupela i gat sik sipilis (sua long pispis). Dispela bung wantaim na amamas bilong ol i stop nating tru taim ol i harim olsem ol inap kisim sik AIDS bikos wanpela bilong ol i gat luksave olsem em i gat binatang bilong sik AIDS.

Insait long dispela pasin pren na pamuk ol i save mekim, ol i no save tingim long yusim kondom taim ol i slip wantaim man o meri bilong narapela pren bilong ol.

Mipela i save slip wantaim man o meri bilong pren bilong mipela yet we mipela i save gut long en

Tasol dispela amamas pasin bai i narakain olgeta taim sik AIDS i kisim ol na ol bai tingim olgeta amamas ol i save mekim na kisim na pilim long bodi. Taim ol i wok long amamas olsem, dispela birua bilong sik AIDS i kam olsem wanem taim ol i ting bai i nogat bia na hevi i kam.

Dispela em bikpela kirap nogut tru taim mi harim dispela stori bikos mi ting dispela kain pasin i no save kamap hia long PNG.

Tasol Lora, Jane na Betty na tripela man bilong ol Tim, John na Sam em ol i kamapim wanpela kain stori nau. Nogut i gat sampela moa pasin olsem i stap o ol arapela nupela stail stori moa olsem i stap long PNG.

Sampela i mekim olsem bisnis
Stori bilong tripela marit ya i narakain liklik long stori bilong ol meri husat i save kisim mani long ol man i laik slip o pamuk wantaim ol (sex worker). Ol dispela lain i save mekim olsem long kisim mani na ol i save raun long ol hotel o ples bilong danis na pati.

Ol dispela lain tu i save askim ol man long yusim kondom bikos ol i bin kisim planti skul long birua bilong sik AIDS. Olsem na ol i save karim kondom raun na givim long husat man ol i kisim em long yusim. Sampela i save tokim ol man olsem, sapos i nogat kondom, bai i nogat ya.

Pamuk pasin i stap long olgeta hap kantri long wol na PNG tu i gat dispela pasin i stap. Ol i save mekim pamuk long kisim mani. Bikos taip bilong siti em mani na olgeta samting bai yu kisim long mani tasol.

Ol meri we i bin gat sampela hevi long laip na sindaun bilong ol i save go long dispela bisnis. Ol meri olsem man bilong ol i lusim ol, ol i pinisim skul tasol ol i nogat hap moa long go het long edukesen bilong ol na famili i no tingting tumas long ol moa, ol meri we famili i no save mekim gut long ol na i save krosim ol planti taim, i no save baim bilas na givim ol mani long ol i holim long han na planti arapela famili hevi moa.

Dispela pamuk bisnis i bin go kamap pinis long palamen haus we ol memba bilong palamen i bin toktok planti long en. Planti lida i ting dispela em wanpela bikpela hevi we i hat long stretim tasol ol i mas kamapim gutpela ol bilong was gut long pamuk pasin i mas kamap stret long wanpela hap ples stret, ol i mas bihainim stretpela rot na pasin bilong abrusim ol sik nogut olsem AIDS na arapela samting moa. Gavman i wok long toktok yet long dispela pasin taim sik AIDS tu i wok long daunim planti manmeri tude.

Dispela i wanpela hatpela pasin tru ol lain ya i mekim.



Namba wan em mani antap long tebol na namba tu em givim katen bia long slip wantaim man o meri bilong narapela. I gat ol arapela as tu long mekim dispela pasin pamuk.

Ol i laik pilim gutpela long slip wantaim narapela meri o man na i no wankain man o meri tasol olgeta taim. Ol i laik amamasim skin na bodi bilong ol. Dispela em sampela samting we i stap insait tu long ol astingting bilong slip wantaim man na meri bilong narapela pren bilong ol yet.

Lora i tok, ol i save pilim gutpela taim ol i senisim man na meri bilong ol yet i go i kam long slip wantaim long bet. Skin i les na tait pinis long slip wantaim wanpela tasol olgeta taim. Em i nais tru na mipela i pilim gutpela stret taim mipela i save senisim ol man bilong

haus sik sista i tokim tupela olsem tupela i gat sik sipilis. (sua long ples bilong pispis).

Sista i askim sapos tupela i save slip o pamuk raun long ausait wantaim arapela man na meri. Tupela i lukluk long tupela yet pastaim na bihain tupela i tok yes. Dispela taim stori bilong pasin ol tripela marit ya i save mekim i kam aut ples klia.

Lora na Tim i gat 5-pela bikpela pikinini. Jane wantaim man bilong em Sam i gat tupela pikinini na Betty wantaim John i nogat pikini-

save, ol papama-

ma i no inap kirap nogut bikos planti taim ol pikinini yet i save stap na lukautim ol yet. Wanpela pren bilong tupela marit ya i tokaut. Em i bin save long dispela pasin bilong ol moa long 6-pela krismas nau.

Dispela pren tu i maritman. Em i tokaut olsem ol i save askim em long go wantaim ol na dring. Tasol em i bin lusim ol taim em i painimaut long wanem samting ol dispela marit lain i wok long mekim.

Bikpela kirap nogut na pret nau i kisim dispela

olsem na i nogat tubel long yusim kondom.

Mipela i save gut long ol man bilong mipela longpela taim, Lora i tok.

Tasol ol i no save gut olsem kain pasin ol i wok long inap longpela taim i kam, ol inap long kisim binatang bilong sik AIDS taim ol i no tingim long yusim kondom.

Tasol ol i gat strongpela bilip olsem nogat wanpela bilong ol bai bungim hevi sapos ol i stap strong long pamuk pasin bilong ol namel long ol yet.

Wanpela bilong ol dispela 6-pela manmeri nau i brukim banis na go ausait pinis. Tasol nau, Lora, Jane na Betty i ting wanem long dispela stail o pasin bilong senisim ol man bilong ol na slip wantaim namel long ol yet?.

Dispela i wanpela hatpela pasin tru ol lain ya i mekim.

Goroka i gat nupela haus sik bod

NUPELA bod bilong Goroka Jeneral Haus sik em bilong Malaesia husat i stap long Hailans Rijen longpela taim tru na mekim ol bisnis wok bilong em.

Man ya nem bilong em David Wong na em i bin kam long PNG moa long 20 yia i go pinis na i save mekim bisnis bilong em long Mendi na laibu long Sauten Hailans. Long 1998 em i bin surukim bisnis bilong em i go long Kundiawa na Goroka.

Mista Wong i save gat gutpela wok wantaim ol pipel bilong Goroka na em i tok dispela wok we em i kamap bod siaman bilong Goroka Jeneral Haus sik i soim olsem ol bod memba i putim bilip bilong ol long em na em i amamas tru long karimaut ol wok bilong em taim em i stap het bilong haus sik bod.

Ol bod memba i bin bung long tupela wik i go pinis na ol i bin makim Mista Wong olsem siaman na kaunsila Fred Sabumei i kamap deputi siaman.

Aninit long Pablik Helt Ekt bilong 1994 long seksen 10 (1) i mas i gat ol bod memba bilong bisnis na lokol komyuniti i mas stap insait long olgeta haus sik bod na tupela man ya i makim tru dispela lo. Ol narapela bod memba em Dokta Susan Kongri Apa na menesing dairekta bilong Nowek Limitet Terry Shelley husat i makim yet mas bilong bisnis komyuniti, Misis Miriam Layton (meri) na Enoch Mieh husat i makim maus bilong ol komyuniti. Provinsal Helt Edvaisa Ben Haili makim maus bilong Helt Dipatmen na Forereme Mamerime i makim maus bilong ol helt wokus long haus sik long dispela nupela bod.

Goroka Jeneral Haus sik i bin gat nau Gavana Jeneral Sir Silas Atopare olsem siaman na bihain bisnismen Sir Danny Leahy husat i bin stap olsem siaman tu.

Taim ol bod memba i bin bung long makim nupela siaman Mista Wong em Helt Minista Melchior Pep wantaim Sekretari Dokta Nicholas Mann i bin stap long witnessim dispela bung.

Mista Pep i tok sori olsem ol i no bin makim bod bilong Goroka haus sik hariap bikos long nesanel ileksen olsem na ol i wet long nupela gavman i mas kamap pastaim long givim luksave long ol nupela memba.

Mista Wong i tok amamas tru long

dispela luksave em i kisim long kamap siaman na em i tok bai em yet wantaim helpim bilong olgeta bod memba bai wok strong long kamapim ol gutpela wok bilong ol pipel bilong Isten Hailans provins.

Em i mekim wanpela askim i go long ol helt wokus na olgeta bod memba long tingim ol sik lain husat i kam long haus sik na helpim ol. Em i tok ol i mas tingim na putim hevi bilong ol sik lain i go pas long mekim ol wok bilong ol.

Tok lukaut long ol yuni studen long sik AIDS na STD

AIVA TAMATE i raitim

WANPELA bikpela samting ol yunivesiti studen long kantri i mas putim long tingting em skul bilong ol na ol i mas traim hat long stapim pasin bilong karim pikinini taim ol i stap long skul yet.

Wanpela woksop we i bungim ol studen kaunsilas bilong Yunivesiti ov Papua Niugini (UPNG) i harim olsem wanpela bikpela hevi long UPNG em nogut we i save kamap wantaim pasin bilong paul nating taim ol i stap long skul yet.

Narapela samting we ol kaunsila i wari long em em ol sik nogut we i save kamap wantaim pasin bilong paul nating taim ol i stap long skul yet.

Bikpela toktok i kamap olsem

taim ol studen i stap long skul yet wanpela samting ol i save mekim long em long paul namel long ol yet na dispela i ken kamapim sik olsem STD na HIV/AIDS olsem na bikpela toktok em ol i mas tingim gut wanem as ol i stap long skul na ting strong long skul pastaim long ol mekim ol narapela samting.

Wanpela bikpela hevi long UPNG em ol meri i save gat bel na karim pikinini taim ol i stap long skul yet na dispela em wanpela eria we ol studen i mas tingim gut bikos hevi bilong karim pikinini na skul wantaim em i save givim bikpela hat wok long ol studen yet.

Studen Woden bilong ol meri long UPNG Misis Margaret Au i tok ol studen i mas putim tingting bilong ol long skul pastaim

long ol narapela tingting bai ol ken abrusim ol hevi taim ol i stap long skul.

Em i tok opis bilong studen sevis long UPNG i gat ol kondom na ol samting bilong helpim ol studen meri long kisim bel taim ol i stap long skul yet.


UPNG i bin mekim planti wok long traim stapim dispela hevi long dispela bikpela yunivesiti tasol pawa em i stap long han bilong ol studen yet long putim tingting bilong ol long skul pastaim.

Sampela yia i go pinis sampela wok i bin kamap long traim stapim ol skul meri long karim pikinini na holim ol i stap long skul tasol dispela i no bin karim kaikai na hevi bilong ol yunivesiti meri i gat bel i wok long givim moa hevi long skul yet.

Planti pikinini i wok long dai insait long PNG



• Gutpela helt sevis bai stapim ol liklik pikinini long dai long PNG. Fail foto.



• Turangu papa i holim liklik bebi i sik nogut tru.

WANPELA bikpela eria we planti dai i wok long kamap long ol populesen bilong kantri em long ol liklik bebi na pikinini.

Dispela toktok em Helt Minista Melchior Pep i bin mekim long Goroka taim em i bin go witnessim makim bilong nupela haus bod bilong Goroka Jeneral Haus sik.

Mista Pep i tok namba bilong ol liklik pikinini i dai i wok long kamap bikpela na i gat bikpela

wok long bringim ol helt sevis i go long olgeta pipel long kantri.

Wanpela sik we i kamapim moa dai insait long kantri em sik numonia, malaria na ol narapela sik bilong bodi olsem pekpek wara. Narapela sik tu em HIV/AIDS we i kamap moa bikpela long olgeta provins long kantri.

Mista Pep i tok wanpela bikpela samting we i wok long kamapim

dispela em long nogat helt sevis i go long ol pipel.

Em i tok dispela gavman bilong Sir Michael Somare i givim bikpela luksave na long baset bilong gavman ol i putim moa mani insait long strongim ol wok bilong helt insait long kantri.

Mista Pep i tok wanpela bikpela samting em bilong ol lokol level helt sevis i mas go long ol pipel bai kain dai i noken

kamap nating insait long kantri.

Em i tok yet olsem nesanel gavman i laik mekim planti gutpela wok long givim sapot long helt sevis tasol long provinsal na lokol level ol bikpela haus sik bod i mas go pas long sapotim na strongim ol helt sevis na larim ol pipel i ken kisim gutpela helt sevis long olgeta distrik long kantri.

Mista Pep i tok long

dispela we tasol bai gutpela helt i kamap namel long ol pipel na helpim kantri long stapim planti dai namel long ol pipel.

Em i tok ol helt wokus na ol het lain bilong olgeta haus sik long kantri i gat bikpela moa wok long lukim ol dispela sevis i mas go yet long ol pipel na helpim gavman na surukim helpim bilong gavman i go long olgeta pipel insait long kantri.

130



OL YUS KAR WANTAIM 12 MONTHS / 15,000KMS FRI SEVIS*

- MIPELA I GAT BIGPELA KAR RENS LONG PNG
- 130 YUS KAR BILONG YU IET LONG MAKIM
- PRAIS I STAP LONG K7980.
- SEVIS NA PATS I STAP LONG OLGETA HAP
- FAINENS TU I STAP*
- OFA BAI EKSPAIA LONG : 28 FEBRUARI 2003. HARIAP! NOGUT BAI YU ABURUSIM.

*CONDITIONS APPLICABLE TO: FREE SERVICING AS PER A, B & A SERVICE SCHEDULE FOR 12 MONTHS or 15,000 kms (WHICH EVER OCCURS FIRST) - APPLIES TO RETAIL SALES FOR VEHICLES SOLD & DELIVERED FROM 19-2-03 TO 28-2-03. EXCLUDE GOVT. & TENDERED SALES. *FINANCE AVAILABLE TO APPROVED CUSTOMERS - OFFER EXPIRES : 28 FEBRUARY 2003.

Ela Motors

USED VEHICLES

TOYOTA TSUSHO (PNG) LTD

PORT MORESBY : PH 3229483 FAX 3213703
LAE : PH 4722322 FAX 4722463

GOROKA : PH 7321844 FAX 7322426

MT HAGEN : PH 5421888 FAX 5421937

Email : mhim@elamotors.com.pg



Indonesia na Vanuatu tok pait

POT VILA: Liklik wansolwara kantri Vanuatu i wok long kamapim wanpela strongpela tok pait wantaim Indonesia bikos long toktok bilong fridom muvmen bilong Wes Papua.

Wes Papua em i bin stap olsem wanpela Das koloni na long 1960s Das i givim i go bek long han bilong Indonesian gavman.

Planti toktok hait i bin kamap long dispela rot we Indonesia i kisim Wes Papua na nau yet dispela ol samting em nogat ansa bilong en na ol

pipel bilong Wes Papua i wok long pait yet long raits bilong ol.

Wes Papua i gat planti gutpela maining risos na dispela i mekim hat tru long Indonesia i em independens.

Maski ol pipel bilong Wes Papua i save pait yet long kisim independens tasol bikpela hevi i save stap yet bikos gavman bilong Indonesia i no laik lusim kantri i go nat-ing.

Nau yet bikpela toktok i kamap bikos Vanuatu i laik givim tok orait long ol Papua i

ken opim wanpela opis o embasi long Vanuatu.

Dispela i kamapim tingting nogut namel long Vanuatu na gavman bilong Indonesia bikos Indonesia i no laikim wanpela kantri long wol i mas sapotim tingting bilong ol Wes Papua long kisim independens.

Mausman bilong ol Wes Papua long Vanuatu i tokaut strong olsem kain tingting bilong ol gavman opisals bilong Indonesia i no gutpela bikos ol i laikim opim opis long Vanuatu long helpim wok bilong ol na pait long indipens.

Afghan man kilim em yet

WANPELA man Afghanistan husat i stap olsem wanpela refuji long Australia i kilim em yet i dai bikos em i pret tru long go bek long ples bilong em.

Man ya nem bilong em Habibullah Wahedy na ol lain Afghan husat i stap long wanpela ples ol i kolim Murray Bris long Australia i tokaut olsem man ya i kilim em yet i dai bikos em i les tru long go bek long kantri bilong em.

Nau yet ol Afghan komyuniti bungim mani long salim


bodi bilong em i go bek long ples bilong em long Afghan na moa toktok i kamap olsem man ya i bin les tru long go bek long kantri bilong em we i lukim tripela brata bilong em i dai long pait tasol.

Ol pren bilong Mista Wahedy i tok man ya i no save mekim planti toktokria em i save wok hat tru long stap olsem wanpela sitisen bilong Australia tasol dispela pasin we gavman bilong Australia i laik mekim nau em long givim mani na baim

tiket bilong olgeta refuji i ken go bek long ples bilong ol.

Pasport bilong Mista Wahedy em bai ekspaia long mun Epril long dispela yia. Ol Afghan komyuniti i tokaut olsem ol i pret nogut tru long wanem kain ol eksen we gavman bilong Australia laik mekim long salim ol refuji i go bek long ples bilong ol.

Nau long dispela taim ol Afghan komyuniti i wok hat long traim salim bodi bilong man ya i ken go bek long kantri bilong em we ol i ken planim bodi bilong em.



Paul pasin bagarapim ol kantri long Pasifik

OKLAND: Wanpela wok painimaut i soim olsem planti Pasifik Ailan kantri i save bagarap tru bikos long hait na stil pasin insait long gavman na moa yet em planti ol lida i save yusim pawa bilong ol long stilim samting long mekim ol yet i kamap mani lain.

Dispela ripot bilong ol Pasifik Ailan kantri em wanpela bikpela bung bilong Trensparensi Intanesenel (TI) long Okland, Nu Silan i bin holim na ol i givim ripot long wanem kain gavman i save stap long Pasifik Ailans.

TI i painimaut olsem pasin bilong stil na hait long gavman ol i kolim korapsen i wok long

bagarapim planti kantri tru insait long Pasifik Ailans rijen.

TI em wanpela intanesenel oganaisesen we i save lukluk long stapim pasin korapsen insait long olgeta gavman sistem long wol na ol kantri we i no develop yet.

Long wok painimaut bilong TI em i painimaut olsem planti ol gavman opisa na ol lain husat ol pipel i putim pawa long han bilong ol i save yusim pawa bilong ol long mekim ol yet i kamap mani na kago lain na ol pipel i save kisim taim.

Dispela ripot bilong TI i soim olsem pasin kalsa na tumbuna

tingting bilong wantok sistem i stap insait long sampela gavman na dispela i save bagarapim planti olgeta kantri long Pasifik.

Dispela ripot i soim olsem Nu Silan em i wanpela gutpela kantri tru na em i kamap namba tu klin kantri long wol we nogat pasin bilong korapsen i stap insait long gavman opis na planti ol polisi bilong dispela kantri i save helpim long bringim dispela kantri i go het yet long gutpela developmen.

Australia i kamap namba 11 na i gat moa toktok olsem pasin korapsen insait long plis fos bilong Australia i save stap strong moa yet.



US ami redi long woa • Ol yangpela ami bilong Amerika i bin go long pait long Afghanistan long 2002 long woa nau em ol i go gen long Irak na wetim narapela woa gen. Foto: THE WEEKEND AUSTRALIAN NIUSPEPA.

Ol liklik sanap wetim kaikai

• Sampela liklik pikinini bilong kantri Sudan i sanap long longpela lain long wetim taim bilong ol long kisim kaikai. Kaikai bilong ol em ol dona oganaisesen long ol bikpela kantri olsem Amerika i save salim i go bai ol i ken kaikai gut.

Foto: THE COURIER.

Lida meri givim \$US 1 milien long ol studen

BURMA: Wanpela meri husat i save pait strong long raits bilong ol pipel bilong kantri Burma i kisim wanpela bikpela luk-save long wanpela bikpela wol oganaisesen.

Meri ya nem bilong em Aung SanSuu Kyi na em i save pait strong tru long kantri bilong em Burma i mas kamap wanpela demokretik kantri. Pait

bilong Mis Suu Kyi i kisim mak long 15 yia olgeta we plis long kantri bilong em yet na gavman bilong Burma tu i save stapim pait bilong em na putim em long kalabus wantaim.

Tasol dispela i no stapim em long makim maus bilong ol pipel bilong em long toktok strong long demokresi i mas kamap long Burma.

Kantri bilong dispela meri em ol ami i save lukautim wantaim fos na i hat tumas long ol ken mekim sampela gutpela na fri disisen long makim maus bilong ol pipel.

Dispela pait bilong em i mekim em i kisim wanpela bikpela prais mani mak long \$US 1 milien.

Dispela oganaisesen we i givim dispela luksave

long Mis Suu Kyi em Fridom Forum Faundesen we i save stap long Amerika na ol hetman bilong dispela oganaisesen i tok long olgeta wanwan yia ol i save givim \$US 1 milien i go long kain planti lain olsem long olgeta hap long wol husat i save wok hat long strongim demokresi insait long kantri bilong ol.

Tasol dispela mani em Mis Suu Kyi i tokaut olsem bai em i no inap long kisim bikos tingting bilong em i laik helpim ol skul studen bilong Burma husat i save skul long ovasis.

Dispela mani em bilong Mis Suu Kyi yet na em i ken yusim long laik na tingting bilong em yet na sapos em i laik kamapim

bisnis tu em i ken mekim olsem na nogat wanpela kot long dispela.

Tasol meri ya i tingting strong long ol yangpela pipel bilong kantri bilong em na em i laikim dispela mani i ken sponsarim ol studen husat i stap long Burma long ol i ken go long ples olsem Ingran long kisim gutpela eduke-sen.

Japanis turis stilim binatang bilong Australia

KENBRA, Australia: Tupela man Japanis bai kisim taim sapos plis na ol atoriti long Australia i painimaut olsem tupela i laik stilim sampela binatang na haitim i go long Japan.

Dispela ol binatang ol bitel em i nogat sampela i stap long wol na i gat lo long Australia olsem dispela ol bitel bai nogat wanpela i ken salim ol kisim i go long narapela kantri long wol.

Long Japan dispela kain bitel em ol i save kisim bikpela mani tru long wanwan. Ol i ken kisim klostu long \$US 300 dola long wanwan long Japan na plis i bilip olsem dispela tupela man i laik stilim na kisim i go long Japan long kisim kain gutpela mani olsem tasol bikpela lo long Australia i tambu long dispela kain bitel i go long narapela kantri.


Environmen minista David Kemp i tok ol kastoms lain bilong sekim ol kago long ples balus i lukim planti bilong ol dispela bitel i stap

insait long kago bek bilong tupela man Japanis. Tupela i karim sampela bitel i stap laip yet na planti i dai pinis na i laik hait na karim i go long Japan.

Sapos kot long Australia i painimaut olsem tupela i brukim ol bikpela environmen lo bai tupela i ken go long kalabus sevenpela yia o nogat bai tupela i baim \$US 27,100 dola long brukim lo bilong Australia.

Wanwan kantri long wol i save gat ol animol na plans we i gat luksave long sampela strongpela lo bilong stapim ol long pinis. Ol saintis na gavman bilong ol kantri i kamapim ol dispela lo bikos sampela gutpela animol na plans em klostu bai ol i pinis olgeta olsem na planti gavman i wok hat long lukautim ol gut bai ol i ken kamapim moa.

Strongpela ol lo i save lukautim ol dispela kain samting na husat lain i brukim bai kisim taim yet.



Tupela sista gat nem • Dispela tupela sista nem bilong tupela Venus na Serena Williams na tupela i stap sempion bilong ol meri long wol tenis. Venus i save kisim mani mak long \$US11.9 milien na Serena i save kisim \$US 10.04 milien. Tupela i gat 22 na 21 krismas tasol na tupela i blek Amerikan. Foto: WEEKEND SPORT (THE WEEKEND AUSTRALIAN).

Tailan kukim drag mak long \$US 80 milien

TAILAN: Plis i kukim drag mak long \$ US 80 milien dola we ol hetman bilong gavman na plis i sanap na witnesim long dispela Esian kantri husat i wok hat tru long stapim hevi bilong drag insait long kantri.

Ripot i tok plis i holimpasim drag hevi bilong em seven ton olgeta na dispela i wanpela bikpela samting tru we i givim moa strong long ol plis na gavman long mekim moa wok long stapim dispela samting nogut long bagarpim ol pipel bilong en.

Planti ol geng nabaut i save mekim moa mani na kisim bikpela profit mani long dispela samting na plis i wok hat tru long stapim dispela wok.

Dispela seven ton drag we ol i bin kukim em wanpela bikpela tru

ol i kukim na ol i bin mekim planti kain wok olsem bipo tu.

Plis i bin kisim planti drag olsem na kukim 28 taim olgeta long pablik na kisim bikpela sapot tru long ol pipel.

Sampela raskol geng memba i bin dai long dispela bikos ol i laik pait wantaim plis husat i bin painimaut long wok bilong ol na i laik stapim ol. Mak long 87 drag memba i dai pinis long han bilong plis long wanpel wik tasol bikos ol i laik pait wantaim plis na i no laik givim ol yet i go long han bilong plis.

Sampela memba bilong ol drag lain i dai tu bikos ol lain bilong ol yet i kilim ol i dai bikos ol i givim toktok i go long plis long kain wok bilong ol.



Ol liklik tok gutbai • Tupela liklik boi hia i redi long tok gutbai long papa bilong tupela husat i wanpela Australian ami sajen husat i redi long go long woa long Irak. Foto: THE WEEKEND AUSTRALIAN NIUSPEPA.



Apim ain long kisim strong • Lukim ol lapun i no isi long apim ain. Gavman bilong Australia i bilip olsem ol lapun sitisen i mas mekim gutpela eksasais long kisim moa strong bai ol i no inap kisim bagarap taim ol i pundaun. Foto: WEEKEND HEALTH (THE WEEKEND AUSTRALIAN).

Plis holimpasim Katolik Pater

SAINA: Wanpela Katolik pater i stap nau long han bilong gavman bilong Saina bikos em i wok long hait na holim santu misa bilong ol kristen bilip manmeri long dispela komyunis kantri.

Wanpela human raits grup long Saina i tokaut olsem dispela pater nem bilong em Reveren Dong Yingmu husat i gat 37 krismas i stap nau long han bilong ol atoriti bihain long plis i holimpasim em taim em i laik go long wanpela distrik long Saina long holim wanpela krismas lotu las yia.

Plis i tokaut tu olsem Reveren Yingmu i stap nau long han bilong ol plis na

ol i salim em i go long wanpela haus kalabus we em i stap yet long han bilong ol atoriti.

Wanpela plis opisa i tok ol kain lotu we pater i mekim em gavman i no luksave long en na em i mekim planti rong olsem na dispela i mekim em i rong olsem na em i mas kisim sas long rong em i mekim.

I nogat klia toktok long wanem sas na rong em i bin mekim na em i stap yet long han bilong plis.

Dispela kain pasin we ol plis na gavman i wok long mekim long ol pater na wok lain bilong kristen bilip i kamapim planti toktok long wol bikos sam-

pela pater i stap long han bilong plis em nogat tok-save long wanem samting i kamap long ol na i nogat lain i save long wanem hap ol i stap na ol i lus nating.

Reveren Dong em i namba 13 pater husat i stap long han bilong plis. Sampela husat plis i bin holim ol i stap i lus nating taim plis i putim ol long kalabus na bikpela pret i kamap namel long ol bilip manmeri.

Tupela i bin lus nating, faivpela i stap long han bilong plis yet na moa yet em ol atoriti i putim ol long ol bikpela leba kemp we ol i wok hat tru long wanpela kot we i nogat rong long en.

Ridim ol nius bilong wol na long PNG insait long Wantok Niuspepa. Em i niuspepa bilong yumi ol Papua Niugini stret!

Pait namel long Kristen na ol Muslim i kamapim bikpela pret olsem na...

Skrinim ol sios

PAUL ZUVANI
i raitim

OLGETA samting i gat laip i save painim wanpela samting. Maski ol i gat tingting o i nogat tingting ol i mas i gat dispela sindaun.

Dispela samting em yumi man i kolim amamas.

Sapos yumi binatang, abus o man yumi olgeta i laik stap amamas o long tok Inglis yumi kolim peace (pis).

Long we bilong yumi ol man sapos yumi gat haus bilong silip, i gat klos, i gat kaikai na i save olsem i nogat birua bai kisim yumi yumi save stap amamas. I gat gutpela sindaun na belisi.

(Long bilip bilong yumi kristen yumi save olsem ol ensel tu i laik stap amamas. Na olsem yumi tok ol ensel husat i stap wantaim God i gat amamas. Na ol ensel nogut wantaim lidaman bilong ol Satan husat i gat hevi wantaim God i save stap hangre oltaim long painim amamas).

Pis long diksinar i o

buk bilong luksave long mining bilong ol toktok em i min olsem- gutpela taim, gutpela sindaun o amamas.

Tru sapos mining bilong pis i tok olsem orait em i no abrus taim yumi save wokhat long painim gutpela sindaun na amamas.

Yumi man ken kolim yumi yet olsem yumi abus tu. Dispela long wanem yumi wankain long ol. Yumi gat bodi o skin, i gat lewa, i pulim win, i gat bel, i save kaikai na kamapim pikinini.

Tasol yumi man i ken tok yumi i antap moa long ol na olsem yumi i narakain long ol. Dispela long wanem yumi i ken skelim tingting. Sapos yumi laik mekim samting yumi save skelim tingting pastaim. Yumi laik save sapos samting yumi laik mekim i gutpela o i nogut, i tru o giaman.


Na sapos yumi mekim samting pinis yumi ken skelim tingting bek na askim sapos samting yumi bin mekim i kamap stret o i gutpela long mekim. Ol abus i nogat dispela

kain tingting. Long dispela as yumi ol man i stap antap long ol.

Na antap long dispela pasin bilong skelim tingting yumi gat tingting olsem i mas i gat laip i stap bihain long dispela laip, em taim yumi dai.

Long dispela as yumi pasim tingting olsem i gat wanpela bikpela samting i bikpela long yumi. Dispela bikpela samting em yumi kristen o bilipman i kolim God. Long taim Papua Niugini i kisim Independens yumi kolim yumi yet kristen kantri.

Yumi gat planti sios i tokaut long tok na pasin bilong God. Long mipela i kolim yumi kristen em i min olsem yumi bilip long Jisas Kraus na bihainim toktok na pasin bilong em. Yumi save tok bilip olsem Jisas Kraus husat em God Son i kamap man, Maria i karim em, Em i stap laip, i dai na kirap bek na go antap long Heven. Bihain bai em i kam bek long mekim kot long olgeta man na meri husat i dai pinis na long husat i stap laip yet.



Haus lotu o Mosk bilong Muslim long Hohola, Pot Mosbi.

Yes dispela em i bilip bilong yumi ol kristen.

Tasol i gat ol narapela sios husat i gat wankain bilip olsem yumi i gat long Jisas tasol ol i no bilip olsem Jisas em God tu. Ol i ting em i man tasol.

Dispela ol sios em ol Muslim (Islam), Budis na Jews. Ol dispela sios i tingting olsem Jisas em i man tasol em i man tasol em i dai long yumi na redim ples bilong yumi long stap amamas wantaim em bihain long yumi dai o long taim em i kam bek na kisim yumi.

I tru olgeta sios i bilip long God tasol sampela

i save gat krosapait. Wanpela long dispela krosapait em namel long Muslim na Kristen wantaim ol Jews.

Long dispela as i gat pait yet stap namel long kantri Israel na ol Palestian (Muslim).

Long 2001 tupela balus i bagarapim ol longpela haus long Amerika na kilim planti man. Narapela hevi em bikpela bom i pairap long Indonesia long 2002 na kilim tu planti man.

Ol dispela hevi i wok long kamap na sampela man hia long kantri bilong yumi i tok yumi mas rausim ol Muslim.

Deputi Praim Minista na Minista bilong Tred na Industri Dr Allan

Marat i wanpela bilong ol dispela man. Em i tok strong long skelim stap bilong ol Muslim long Kantri bilong yumi. Em i tok nogut ol bai bagarapim yumi bihain tu.

Narapela man husat i sapatim tingting bilong em em Leo Saulep. Saulep em bipo edministreta bilong Sandaun provinsal gavman.

Em tok gavman i mas skelim gut ol sios i kam insait long kantri na skelim stap bilong ol sios.


Em i tok ol Muslim i wok long gat hevi wantaim yumi ol Kristen na olsem ol mas i go.

Dispela tupela man wantaim planti ol arapela man i gat kain tingting olsem.

Tasol sampela sios lida bilong Katolik, Anglikan o Unaited i no laikim dispela kain krosapait long bilip namel ol sios. Ol i laikim belisi.

Ol i ting olsem ol lain husat i mekim dispela pasin bilong bagarapim narapela em ol liklik lain tasol.

Ol i tok ol dispela lain husat i mekim trabel i no makim maus o tingting bilong wanlain bilong ol. Ol i mekim long laik bilong ol tasol na olsem ol i brukim lo. Olsem na larim lo yet i ken mekim save long ol. Ol sios lida i tok planti ol Muslim man na meri em ol i belisi lain na olsem ol tu olsem mipela i laikim belisi na gutpela sindaun.



Gavman mas sevim ol bisnis

PAUL ZUVANI i raitim

SINGAUT i go long gavman bilong Papua Niugini long kamapim wanpela komiti we bai glasim ol manmeri long narapela kantri husat i tingting long kamapim bisnis long kantri bipo long ol i kam insait.

Na gavman i mas kirapim dispela komiti hariap bipo long hevi i kisim wok bisnis bilong ol manmeri long dispela kantri.

Leo Saulep bilong Kairuru Ailan, Is Sepik provins na bipo administreta bilong Sandaun provinsal gavman i mekim dispela singaut

bihain long em i lukim wok bisnis bilong ol Papua Niugini manmeri em ol manmeri bilong narapela kantri i ranim.

Em i tok ol bisnis olsem sevis stesin, takasop, taia woksop na kaiba em ol samting gavman i makim ol pipel bilong dispela kantri long ranim.

"Tasol dispela i no kamap. Nau yumi lukim ol manmeri bilong narapela kantri i ranim. Planti bilong ol dispela lain em ol i bilong Asia. Ol stua na takasop long Erima i gutpela piksa long soim dispela kain pasin," Saulep i tok.

"Ol dispela stua na takasop

bipo ol Papua Niugini manmeri yet i ranim. Tasol nau yumi lukim ol Asia i ranim," em i tok.

Em i tok ol dispela lain Asia husat i ranim ol stua i rentim tasol.

"Ol i no kamapim long mani bilong ol. Nogat. Mi no ting ol dispela lain i gat mani taim ol i kam insait. Mi ken tok ol yet i nogat wanpela mani long kamapim bisnis, ol boroim mani long ol pren na bihain ol i rentim ol dispela ples.

"Sapos ol i trupela bisnis manmeri na i tingting long kamapim bisnis long dispela kantri bilong wanem ol i mekim ol samting we

ol Papua Niugini manmeri inap long mekim?" Saulep i askim.

"Na sapos ol i trupela bisnis manmeri ol i mas kirapim o kamapim ol bisnis olsem ol supamakot o ol narapela bikpela samting we mipela Papua Niugini i no inap kamapim."

Em i tok moa olsem dispela kain pasin bai soim ol manmeri long narapela kantri olsem mipela i no inap tru long kamapim o ranim ol liklik samting olsem takasop, kaiba, taia woksop na sevis stesin.

"Dispela kain tingting i no ken tru. Long wanem ol manmeri bilong narapela kantri i pasim ples bilong mipela," em i tok.

"Yumi i no save nogut sampela bilong ol dispela lain i kam i bikhet manmeri husat i kamapim hevi long kantri bilong ol na ranawe long lo. Ol i kam olsem turis tasol bihain ol i painim ol pren na stap olgeta.

"Gavman i mas was gut long ol dispela kain manmeri," em i tok.

"Olsem na nau mi askim gavman long em i mas kamapim wanpela komiti hariap we bai i ken klasim ol manmeri husat i gat tingting long kamapim bisnis bipo long ol i kam insait.

"Ol trupela bisnis manmeri tasol i mas kam. Ol narapela i mas kam olsem turis na go bek," em i tok.

INTEREST RATE STATISTICS PROVIDED BY THE BANK OF PAPUA NEW GUINEA

Rates Quoted for Term Deposits by the Commercial Banks (%)					ANNOUNCEMENT OF GOVERNMENT TREASURY BILL AUCTION RESULTS as at 19 February, 2003				THE BANK OF PNG IS OFFERING THE TAX FREE INSCRIBED STOCK FROM ITS PORTFOLIO				
BUSINESS INDEPENDENT MONEY MARKET	Up to K100,000	Westpac	ANZ	BSP	Maybank	Maturity	Weighted average yield of successful bids (%)	Bids received (Kina million)	Successful bids (Kina million)	Series	Maturity	Yield (1) (%)	Holdings (Kina)
	3-6 months	4.25	4.50	4.00	5.25					S2423003	1 Mar, 2003	8.45	9,439,300
	6-12 months	4.25	4.75	4.25	5.25	S252004	1 Jun, 2004	8.80	19,193,000				
	Greater than K100,000	5.25	5.00	4.85	5.50								
	Indicative Lending Rate (b)	14.95	15.00	13.25	15.00	28 days	17.46	221.33	220.83	For further details & application Telephone: 322 7360 or 322 7271 (1) Tax exempt			
	Passbook Savings (c)	3.00	2.00	1.50	3.25	63 days	17.55	71.91	69.91				
						91 days	17.50	18.29	16.29				
						182 days	17.09	0.70	0.70				

(a) ANZ rates for up to K50,000. Over K50,000 negotiable or on application
(b) Indicative rate upon which lending rate is based.
(c) Passbook savings rate is paid only on the minimum monthly balance.

Safe Motherhood Song Competition

The National Department of Health is looking for a song to promote Safe Motherhood.

Safe Motherhood is a woman's ability to have a safe and healthy pregnancy and birth.

Things that affect Safe Motherhood include the physical environment, the social environment and choices a woman and her family make.

Song writers and musicians are invited to submit original lyrics only or lyrics and music (on a demonstration tape). Songs should be in Tok Pisin, no longer than 4 minutes and based on any or all of the following themes:

- * The benefits of safe pregnancy and healthy delivery
- * Ways to ensure a safe and healthy pregnancy and birth
- * Ways for husbands, families & communities to respect and support pregnant women
- * The benefits of planning a family
- * The value of women and the importance of education for girls

Great Cash Prizes to be Won

1st 2nd 3rd

K1000 K600 K400




Submit your entry before the closing date of Monday 31st March, 2003.

For more information on Safe Motherhood, contact Health Promotion Branch on Ph: 301 3826 Fax: 301 3742

MOTHERHOOD IS SPECIAL

Let's make it safe!



Safe Motherhood Song Competition Entry Form

NAME:.....

ADDRESS:.....

CONTACT PHONE NO: FAX:

SONG TITLE:

My entry includes (tick one box)

Written lyrics only demo tape with written lyrics

I hereby submit my entry in the Safe Motherhood Song Competition and accept the conditions of entry.

.....
Applicant's Signature

...../...../2003
Date

Conditions of Entry

(1) Lyrics must be original and in Tok Pisin. (2) Songs must be of no longer than 4 minutes duration. (3) Any costs associated with entering the competition must be met by entrants. (4) Entries must include typed or legible hand written words for songs. (5) No late entries will be accepted. (6) Prizes for 1st, 2nd and 3rd places will be awarded. (7) Judges decision is final and no correspondence will be entered into. (8) Lyrics and/or music become the property of NDoH. (9) Choice of artists to perform winning entries will be decided by NDoH. (10) There is no limit to the number of entries an individual may submit. (11) Each song/entry must be accompanied by a signed original entry form.

Address your entries to:

Safe Motherhood Song Competition, Health Promotion Branch, National Department of Health, P.O. Box 807 Waigani, NCD, or drop them off at Health Promotion Branch (on the ground floor) Aopi Centre, Waigani Drive, Waigani.



Wewak Lukaut!

long wok kamap

South Seas Tuna Fektori

Ol pipol bilong Wewak i laikim ol ansa long ol sampela bikpela kwesten.

- SST i tok bai i gat 1,200 wok i kamap - mipela i askim "hamas long ol dispela wok i bilong ol man?"
- Wok Bisnis i kamap. Yupela i kamap wantaim 4000 wok bisnis olsem wanem? Wanem kain wok i kamap na bai i kamap long we? Inap yu raitim na mipela i ken lukim?
- Bilong wanem na Provinsol Gavman i askim long K2,000 introdaksen fi igo long Tuna konsotium. Dispela i bihainim tru lo o nogat?
- Inap Wewak Tuna fektori i tok klia long smel bilong pis i sting bai ino inap bagarapim Wewak? Bai yupela i pasim fektori sapos smel i kamap?
- Long wanem hap tru bai dispela fektori i tromoi ol rabis bilong em? Ol pipol i no laikim bai solwara na rif i bagarap.
- Bai yupela i mekim wanem long luksave long fishing rights bilong mipela? Bai SST i banisim gut laip na sindaun bilong mipela o nogat?

Mipela i wok long harim ol dispela promis planti taim. Long Madang RD Tuna fektori, planti ol woklain em ol meri na inogat planti wok bilong ol man. Pei ol i wok long kisim i tambolo taim RD Tuna i tok em i mekim bikpela win moni.

Ol i bin promis tu long ol pipol long Madang olsem klostu 1,000 wok bai i kamap. Ol i wok long wet yet long dispela ol promis bihain long dispela kampani i stat 5-pela yia igo pinis.

Ol pipol bilong Madang i kisim taim long sting smel i kam long fektori - dispela smel em ol i tok bai ino inap long kamap long wanem ol i gat save na ol gutpela masin bilong mekim wok.

Na tu i bin gat planti hevi long laip bilong ol pipol bihain long RD i statim wok.

Wanpela independen konsalten husat i wok wantaim WWF Sepik Community Land Care Project i painimaut olsem **"moni ol i kisim ino inap long lukautim na amamasim ol olsem na pasin pamuk i kamap, nogat spes long haus, ol haus na toilet i no gutpela"** em ol dispela i kamap long fektori tasol. Na tu WWF konsalten i tok olsem tuna oporesen wantaim laisens bai **"daunim laik bilong ol fisamen bilong ples"**.

Longpela nek na kuka

LONGPELA nek em i nem bilong wanpela kain pisin em i save painim pis long kaikai.

Long wanpela ples ol i kolim long Pahang insait long Is Sepik, wanpela pisin ol i save kolim long Longpela nek i stap. Dispela longpela nek em i lapun pinis. Longpela nek i save go long raunwara we planti patpela pis i stap long en. Em i tromoim maus bilong em long kisim ol pis, tasol ol pis ya i swim ronawe kwik stret na lapun Longpela nek i no kisim ol. Olsem na long planti de em i no kaikaim wanpela samting na em i go bun nating stret. Skin bilong em i slek na em i wari planti.

Longpela Nek em i wari moa tasol em i tingim wanpela pisin i save trikim ol pis. Em i tingim dispela pisin na em i go painim trausel.

Klostu long raunwara, em i lukim trausel na em i tokim em. Ating yu harim tok bilong tupela man. Trausel i tok em i no harim tok bilong tupela man. Tupela i tok olsem wanem? Longpela Nek i tok tupela bambai i kam long dispela raunwara long narapela

mun bihain. Tupela man i laik rausim olpela wara. Tupela man i laik rausim olgeta wara na bambai ol i kisim olgeta pis i go kwik long aste long nait na mi harim tupela i mekim tok olsem.

Olsem na trausel i lusim Longpela Nek i stap na em i go tokim ol pis. Bihain liklik, Longpela Nek i wokabout klostu long raunwara. Ol pis i kam askim Longpela Nek, "Olsem wanem long mipela, bai ol man i kam rausim wara na lain bilong mipela i dai?"

Longpela Nek i tingting planti na bihain em i tok, "Ating inap mi karim yupela wan wan na flai i go

kapsaitim yupela wanwan i go long narapela raunwara long hap maunten. Na ol pis i bekim toktok na tok tingting bilong yu i gutpela tru. Olsem na Longpela Nek i karim ol pis na i go. Tasol taim em i karim ol pis, em i no go bringim ol long raunwara. Nogat. Em i wok long kaikaim ol na ol pis i no stap.

Tasol wanpela olpela kuka i stap long dispela ples Pahang. Em i lukim Longpela Nek na em i ting, bipo Longpela Nek i bun nating na olgeta taim em i wari moa long painim pis. Nau em i gat planti gris na em i no wari moa long painim pis. Mi ting

em i kaikaim ol wantok bilong mi.

Em i tingting olsem na taim Longpela Nek i kam bek bilong kisim pis, dispela olpela kuka i singaut. "Yu kisim mi." Olsem na Longpela Nek i kisim olpela kuka na karim em i go.

Taim Longpela Nek i laik kaikai kuka i holim stromg nek bilong dispela pisin na kilim Longpela Nek i dai. Ples Pahang i stap gut nau wantaim ol pis long bikpela raunwara.

Stori i kam long ples Yassip insait long Is Sepik provins.



Boipren i marit pinis

Dia Laiplain

Mi gat 16 krismas na mi stap long namba tri yia long hai skul. Inap long tripela mun nau mi save raun wantaim wanpela boipren. Em i tok em i laikim mi tru. Tasol em i marit pinis na em i gat tupela pikinini. Tasol em i les pinis long meri bilong em. Sapos papa bilong mi i save olsem dispela man i save kam lukim mi, em bai kros nogut tru. Tasol dispela man i save mekim gut tru long mi na mi no laik lusim em.

Bai mi mas mekim wanem? Yu ting moabeta mi lusim ples na go sindaun wantaim ol wantok na bai mi ken lukim dispela man planti taim. Na

sapos em i katim marit wantaim meri bilong em, yu ting em bai maritim mi, laka? Mi laikim sapos Laiplain i ken rait i kam long mi na givim mi sampela skul long dispela.

Dia Pren

I gutpela yumi sindaun na toktok long wari bilong yu. Na yumi mas lukluk i go het tu na tingting long wanem samting bai wetim yu long bihain taim. Yumi skruim tok long faivpela samting.

1) Yu yangpela yet na yu gat taim long pinisim skul bilong yu. Sapos yu pinisim skul yu inap painim gutpela wok bihain. Em i gutpela tingting.

2) Nogut ai bilong yu i pas tumas. Sampela

taim kain man i save yusim yu tasol. Na em i nogat liklik tingting long pinisim marit bilong em. Yes em i grisim yu na em i tok em i laikim yu. Na ating yu tu i laikim em. Tasol sapos yu laikim em tru, yu no laik mekim nogut long meri bilong em. Sapos yu prenim em olsem long nau bai planti pipel i kisim bagarap long dispela pasin bilong yu. Yu yet inap long kisim bagarap.

3) Yu no laik mekim wanpela samting long krosim papamama bilong yu, laka?

Papamama na ol famili bilong yu i ken helpim na sapotim yu tru long dispela taim yu wok long groap yet na yu laik redi long marit.

Tasol sapos ol i painim olsem yu trikim na gia-



LAIPPLAIN

manim ol, bai ol i bel nogut na i no moa bilip long yu.

4) Sapos yu prenim dispela man long longpela taim inap yu kisim bel. Na em bai mekim wanem? Em bai sam-bai long yu? Ating nogat. Olsem nau yu gat wanpela wari moa. Na famili bilong yu tu i gat wari moa na ol i sem long yu.

I luk olsem yu i no inap long winim wanpela samting long dispela man. Na sapos yu kisim bel em bai les long yu na em i ken oltaim go bek gen long meri bilong em. Na yu

bai go we?

5) Na tu em i no stret yu stap wantaim dispela man na yu wok long brukim marit bilong em. Yu tingim meri na tupela pikinini bilong em. Yu ting bai bel bilong yu i gut tru sapos yu save olsem yu bin nogutim tripela ya? I tru bipo dispela man i laikim meri bilong em Na nau em i kalapim marit na brukim marit bilong em. Olsem wanem na yu save olsem em bai mekim gut long yu na i no go mekim wankain olsem em i mekim nau?

Las tingting bilong mi i go olsem: moabeta yu lusim tingting long dispela man na go bek taitim bun long stadi gut long hais skul. Na yu go painim planti pren namel long ol wanskul bilong yu. Em tasol. Bai yu no sori

Laiplain

Nem: Kerry Kaki Kawa
Krismas: 28 (man)
Adres: Kainantu High School, P.O. Box 205, Kainantu, Eastern Highlands Province, PNG.



Save laikim: Pilai spots, ritim novels, tok pilai, serim idia, senisim presens.

Nem: Miss Esi Dina
Krismas: 26 (meri)
Adres: Gospel Hill road, P.O. Box Af 22 M-1, Gamau Apransi, Ghana, W/Africa.

Save laikim: Watchim muvi, swim, pilai volibal na sensim presens.

Nem: Christopher Rinane
Krismas: 20 (man)
Adres: Menive Trading, P.O. Box 745, Goroka, Eastern Highlands Province, PNG.
Save laikim: Pilai ragbi, wokim sopping, ritim buk o niuspepa na bekim ol penpren pas.

Nem: Nora Adjpa Acguays
Krismas: 28 (meri)
Adres: 56 EBO Brown, Gift Refrigeration and Air-Condition Services, P.O. Box 563, Cape Coast Ghana, W/Africa.
Save laikim: Raun, kuk, rit, sain, stap isi laip na planti moa.

Nem: Simon N.
Krismas: 25 (man)
Adres: P.O. Box 531, Tabubil, Western Province, PNG.
Save laikim: Pilai spots, raitim ol pas, wokim gaden, painim abus long bus na planti moa.

Nem: Daniel Kehi
Krismas: 28 (man)
Adres: Meom Village, P.O. Box 1139, Wewak, East Sepik Province, PNG.
Save laikim: Raun long bus, painim pis, pilai gita long lotu na singsing, raitim pas long ol pen pren na senisim poto.

Nem: Yaimo Wapia
Krismas: 17 (man)
Edres: Kanabea Top-Up School, P O Kanabea, Kerema, Gulf Province.
Save laikim: Pilai spots, rit, lainim ol nupela samting long skul na sering ol tingting.

Nem: Alexis Tapape
Krismas: 17 (man)
Edres: Kanabea Top-up School
Save laikim: Pilai spots. rit na lainim ol nupela samting long skul na serim ol aidia.

Nem: Thomas Limu
Krismas: 18 (man)
Edres: Erave High School, P O Box 106, Mendi, SHP
Save Laikim: Ritim Wantok niuspepa na raitim pas i go i kam wantaim ol penpren.

Nem: Petersen Wina
Krismas: 16 (man)
Edres: Erave High School, P O Box 106, Mendi, SHP.
Save laikim: Pilai volibal na ritim buk.

Nem: Anton Ondekepa
Krismas: 17 (man)
Edres: Erave Provincial High School, P O Box 106, SHP.
Save Laikim: Laik wokim penpren wantaim ol lain bilong PNG na Solomon Ailan.

Nem: Paul Gurimba Mlch
Krismas: 17 (man)
Edres: C/-Kapiura Kautu (2), P O Box 451, Kimbe, WNBK.
Save Laikim: Waswas, raitim pas, raun wantaim ol manki raun long stua na lukim TV.

Nem: Wikes Renzie
Krismas: 16 (man)
Edres: Navarap Plantation, Division (1), P O Box Kimbe, WNBK.
Save Laikim: Pilai soka, volibl, ragbi tas na raun wantaim ol pren long go lukim ol narapela ples, go lotu na harim gospel musik.

Toksave:

Sapos yu gat hevi, rait i kam long dispela edres: LIFELINE, PO BOX 6047, BOROKO, NCD. Yu ken ringim mipela yu long telipon namba 3260011. Taim yu rait, putim trupela nem na edres bilong yu bikos bai mipela i salim bekim long pas bilong yu. bai mipela i toktok long ol wari na hevi bilong yu tasol mipela i no inap long putimaut tru tru nem bilong yu. - Laiplain.

KANAGE



bilang Kanage i stap antap olsem na em tok, "lapun bilong mi em nogat sotwin ya. Em blong go tasol ya, noken traime em." Ol manmeri i harim na lap dai olgeta na Junia Kanage i sanap sem nogat tru bikos em i save olsem papa na mama i sapot sapot long tupela yet.

Masta Wai
Mosbi

Bubu bilong lapun Kanage askim Kanage sapos em i save long ansa bilong 1 + 1. Lapun Kanage lap isi tasol na tokim bubu, yu laik traime save bilong lapun ah. Ansa em, 1 + 1 = 2. Em nau bubu tok yes. Na 2 + 2? Na Kanage i tok, em isi ya, Ansa em 2 + 2 = 3. Bubu i lap na tok, ansa i no 3. 2 + 2 = 4. Lapun Kanage pilim olsem liklik bubu i winim em olsem na em askim, bubu, ol senisim ansa gen?. Bikos Kanage i ting ansa i mas kam long lain olsem 1, 2, 3 na olsem i go.

Saimondo
Renbo

Narapela taim gen Kanage wantaim liklik bubu i sindaun long haus i stap na bubu askim Kanage, 0 + 0 em amas? Kanage les long kisim rong ansa olsem na em i tokim bubu, olgeta save bilong mi long skul i drai pinis olsem na mi les long dispela kain skul toktok nabaut. Tupela sindaun i go na liklik bubu askim Kanage, Kanage. 1 + 0 em amas? Lapun Kanage belhat nogut na tokim bubu, Mi tok pinis ya, mi les long toktok bilong skul tasol sapos yu laikim ansa orait kisim 1 na subim long 0. Liklik bubu painim hat tru long dispela ansa bilong lapun Kanage.

Saimondo
Renbo

Kanage i no save long tok pisin na em i gat 75 krismas. Em bilong ples Suave long Simbu provins. Wanpela moning em i go

long Kundiawa Haus Sik. Long rot Kanage i bungim wanpela waitmeri na meri ya i tok moning long Kanage. Kanage i lukim wait skin na waitpela pes na ting wait meri ya i tok wanem long mi. Em ting meri ya i tokples na tok em i ken dai o samting. Em nau Kanage bekim wankain long meri ya na tok, yu ken dai long tumoro, tasol wait meri i no save na i go pinis.

Martha Onny
Bialla

Strongpela lapun Kanage em wanpela hap man tru bilong draivim ol haiwe trak i go kam long Hailans Haiwe. Wanpela taim em i stap long Lae na i laik go long Hagen na em i kam olsem long Daulo pas na wanpela naispela meri Simbu i stapim Mek kar bilong em na askim inap long em i go lusim em long Kundiawa.

Kanage i no bilip olsem meri i askim em long helpim na em i tok orait long kisim em go long Kundiawa.

Taim tupela i kam klostu long Kundiawa Kanage i tingting bai em i askim laik long meri olsem wanem.

Kanage i draiv i kam na klostu long mak bilong taun, em i senisim gia bilong em strong nogut tru na em i tokim meri "Ayo pilis, meri mi lusim tingting olsem yu sindaun insait long kar na mi putim gia i bilong go olgeta long Hagen ya, bai ka i no inap stap nau, em Hagen gia nau ya."

Meri ya i smail na lukluk go long Kanage na em i tokim

Kanage "yu wanpela giaman man stret neks taim yu laikim wanem samting, yu mas askim stret na bai yu kisim, na tupela i go olgeta long Hagen.

Draiva Ua, Koibuga,
Mt Hagen

Kanage i sindaun long wanpela bas 11 na i laik go long haus. Em i givim las 40 toea na saitim stret long kona sit na kisim pilings long gutpela musik bilong Kosta bas ya. Bas i kamap klostu long haus bilong Kanage long 2 mail tasol boi ros i sutim ai i go long sampela naispela meri i bin wokabaut long sait bilong rot na em i lusim tingting olsem em i mas go daun klostu long bas stop bilong em.

Bas ya i givim i go na taim Kanage i tanim em i lukim olsem bas i abrusim bas stop na em i singaut nogut tru long draiva i stop tasol draiva i tokim trangu olsem "Yu driman i stap o olsem wanem. Mi bai no inap stop long hia, bai plis i holimpas mi.

Kanage i pasim maus tasol na bas i go het na stop daun bilong long maunten. Bos kru i bin lukim asua bilong Kanage na taim em i laik go daun long bas, kru i tokim Kanage, neks taim yu kalap long bas noken tromoi ai bilong yu i go long olgeta hap.

Kru i sori na givim bek 40 toea bilong em i ken kisim narapela bas i go bek long bas stop bilong em.

Mangi Tumail,
Pot Mosbi

Lapun Kanage i redim pe bilong baim meri long pikinini boi bilong em. Long krismas junia Kanage i kamap long ples na lapun Kanage i bungim olgeta famili na lain bilong meri na i tokaut long plen bilong em long baim meri long pikinini boi bilong em. Olgeta famili i amamas tru long harim tingting bilong Kanage tasol Junia Kanage i kirap na bikmaus na tok em i no laik maritim meri bilong ples.

Lapun Kanage belhat na askim, yu laikim maritim wanem kain meri. Misis o pikinini bilong Kwin o wanem kain. Kanage i toktok moa na maus bilong em i guria liklik na tang tu i wel liklik na em givim sampela Inglis nau.

"Hey Junia, yu my son properly okay. All the birds, pigs and one silling already dead for your wife. I mark your wife, you just wife it, okay. No time for ifs and buts because your education is not fit to me." Olgeta ples lain i harim na lap indai bikos em pes taim bilong ol long harim Kanage i kros na tok Inglis.

Lapun Misis bilong Kanage i harim na em laik strongim sko

Kanage i man bilong pilai poka masin stret. Wanpela nait em i slip na driman long em i pilai poka masin. Dispela em i driman long stet ov orijin masin. Taim tupela wisel i pundaun bai kanage i singaut, "kamon stet we". Em i mekim olsem i go na 4-pela stet ov orijen i kam pundaun na em bikmaus nogut tru. Tasol long fran em wanpela ragbi bal i stap long fran bilong 4-pela stets ya. Kanage i bikmaus na singaut na tok, "mi westim bikipela mani ya, plis stets wai na yu mekim olsem ya? Misis Kanage i sindaun harim na em askim, "fada, amas yu westim ya". Kanage i slip driman wantaim na tok, sarap nabaut na go sanap longwe long masin. Mi westim K400 ya.

Meri bilong Kanage i harim pinis na long moning em tokaut na em wantaim ol pikinini tokim paps Kanage na em bikmaus wantaim na ron i kam ausait long haus.

Olgeta lain long rot i lukim na lap indai na bikmaus, hey lukim em poka pes.

Kanage Pren
Rainbow Village

KANAGE



KANAGE EM WANPELA MAN BILONG PILAI POKA MASIN STRET... STET OV ORIJIN EM FEIVARET MASIN BILONG EM...




WANPELA NAIT EM DRIMAN OLSEM EM PILAI POKA LONG RENBOU KLAB...



EM DRIMAN OLSEM EM BETIM K50 NA PILAI LONG SEVETY BET...



INO LONGTAIM NA KISIM FAIVPELA STET OV ORIJIN I LAINAP LONG MASIN...



INSAIT LONG DRIMAN BILONG EM EM WOK LONG BIKMAUS NA SINGAUT I STAP...



Singsing Singe, Munge na Dage i no bilong Kabwum

Dia Edita,

Mi laik bekim komplek long pas bilong Robin Kibeta. Em i stap long Kokopo, Is Nu Briten provins. Mi lukim long de Januəri 16, 2003.

Komplek bilong yu long *Wantok Niuspepa*. Yu komplek long ol Finsafen, em wanem ol Finsafen bikman Finsafen long tripela singsing ya em Munge, Singe na Dage. Na yu tok em ino bilong ol Finsafen, em bilong yu Kabwum stret. Brata maski long apim nem na paitim bros bilong yu na tu yu mas paul ya. Askim save orait yu komplek. Fes (1) singsing MUNGE, em bilong ol pikinini Sialum Kalasa Onoka stret ino bilong yu, Kabwum. Seken (2) singsing SINGE em

ol las ples Gitua, Sialum stret ino bilong yu, Kabwum. Las singsing DAGE i bilong ol pikinini Sio nambis na ino bilong yu, Kabwum.

Maski long giamanim PNG na tok ol singsing i bilong yu, Kabwum. Yu harim ha. Ol tumbuna bilong yu i kopim dispela singsing bilong ol nambis na lainim yu. Olsem na plis noken komplek nating. Painimaut gut pastaim na bihain opim maus na mekim nois.

Em tasol komplek bilong mi na husat i pilim nogut na i laik bekim em welkam tasol long bekim bai mi ken lukim.

**Wato Gati Gom
Wopa Kantri, MP.**

Ol rot long Madang i bagarap tru

Dia Edita,

Mi wanpela yangpela man Madang. Nau mi i stap long ples na mi i no lukim wok kamap insait long provins na distrik. Olgeta rot sistem bagarap nogat gutpela wok i kamap na ol pipel i save kisim taim tru long kam long taun na mekim ol wok o salim ol samting long maket na ol arapela bisnis bilong ol.

Mi no amamas tru na mi singaut long ol nupela memba bilong Madang long bung wantaim na mekim samting nau long bringim developmen na senis long ol rot long Madang bai ol pipel i ken painim isi long i go i kam long taun tu na ol wok bisnis i ken kamap gut long Madang provins.

Em tasol komplek na wari bilong mi wantaim.

**Seka Kada
Madang, MP.**

Sapos yu laik salim ol pas bilong yu i kam long dispela niuspepa

Salim i kam long dispela adres:

THE EDITOR, WANTOK
NEWSPAPER, PO BOX 1982,
BOROKO. NCD.

Traim strongim bek PDM pati

Dia Edita,

Mi wanpela manki Kundi insait long Mul Distrik, Westen Hailans provins. Mi laik bekim pas bilong yu Sal Igin Sauten Hailans provins. Yes, brata yu tok PDM i no gutpela pati ah?

Sal Igin ating yu wanpela longlong mumut yu no klia long politiks bilong pati. Plis yu mas traime hat na lainim gut long lukluk.

PDM Pati em i gat strongpela polisi na tu

save pati bilong kantri Papua Niugini.

Sapos yu laik lukim polisi bilong PDM. Orait tude yia 2007 sapotim PDM bai yu lukim stret pawa bilong PDM, mi tokim yu brata.

Mipela pipel bilong PNG i lukim pinis polisi bilong PDM na yu stap we long dispela nupela taim bilong kantri i laikim nupela senis? Long yia 1992

PDM i bin sapotim skul fi na ol arapela samting

sapotim kopi prais na kaokao i go antap. Plis brata yu no harim ol giaman pati olsem Nesanel Pati em i nogat strongpela polisi bilong mekim samting i kamap tru long kantri.

Ol arapela pati i nogat strong bilong polisi bilong ol. PDM em wanpela strongpela pati bilong kantri Papua Niugini wantaim polisi bilong em.

Tude long yia 2007 mipela grasrut manki sapotim

PDM Pati brata Sal i go sapos yumi PNG yumi longlong gen na i no sapotim PDM Pati long kantri.

I no long taim bai yumi kaikai pipia ol brata na susa na ol papamama plis husat i sanap long 2007 ileksen long PDM Pati sapotim em long i go long Palamen.

**John Kori
Mt Hagen, WHP.**

Sapotim PDM long kisim bek gavman

Dia Edita,

Mi wanpela manki Kundi insait long Mul Distrik, Westen Hailans provins. Mi laik autim wari bilong mi, i go long ol pipel bilong Papua Niugini long Westen Hailans provins.

Wanpela smatpela lida long kantri em Mista Paias Wingti. Bipo em i bin Paiminista bilong PNG. Na tu bipo Gavana bilong Westen Hailans provins. Em wanpela ki man long kantri PNG.

Em i gat gutpela polisi bilong em long ronim kantri na tu long Westen Hailans provins. Pipel bilong Westen Hailans i amamas tru long fri edukesin na ol kirap nating tru long polisi bilong Wingti.

I nogat lida bai inap long

mekim olsem long kantri. Ol i nogat strongpela polisi bilong Pati. PDM i gat bikpela pawa long kantri na yumi mas sapotim PDM pati.

Pipel bilong PNG yumi mas sapotim PDM bai ronim kantri gut. No ken sapotim narapela pati. PDM bai stretim bek na lewa na tingting bilong ol pipel bilong PNG.

Nupela kaukau gaden bai i no inap lukautim famili gut. Olpela kaukau gaden bai lukautim stret famili bilong yu. Sapotim Paias Wingti, Westen Hailans na PNG. PDM i go isi isi i go insait long gavman.

**John Kori
Mt Hagen, WHP.**

Somare gavman i no inap sevim kantri hariap

Dia Edita,

Mi wanpela yangpela man olgeta taim mi lukim niuspepa na mi skelim olsem dispela gavman bilong Sir Michael Somare bai i no inap helpim mipela ol pipel bilong Papua Niugini. Mi wanpela grasrut man bilong ples na mi pilim hevi long laip na sindaun bikos long ol hevi bilong prais bilong ol samting long stua. Mi lukim olsem Sief Somare ol i tok gavman bilong em bai kamapim gutpela senis tasol mi save tu olsem kantri i gat

bikpela dinau long bekim long ol ovasis benk na tu kantri i sot long mani we yumi harim planti taim long maus bilong ol lida yet.

Yes nau mi ting gavman bilong em i no inap long stretim ol hevi bilong kantri hariap olsem na mi mekim dispela sotpela toktok i kam long gavman bilong Somare.

Prais bilong ol kaikai na ol samting long stua i go antap yet. Na mi gat bilip yet long Somare bikos em kisim independens long PNG na em bai

wok hat long kisim kantri i go long gutpela rot tasol dispela bai em i mekim wantaim bikpela hat wok tru na long hatpela rot. Na long dispela yumi i no ken sutim olgeta tok long Paiminista bilong nau na bagarapim em bikos ol hevi i kamap long kantri tude ol gavman long bipo i bin mekim.

Na long dispela nau em olgeta samting i go bagarap.

**Setia Badoi
Madang, MP.**

Noken bagarapim gutpela nem bilong ples

Dia Edita,

Mi wanpela man we oltaim mi laik baim na ritim *Wantok Niuspepa* tasol mi yet mi no raitim kamap wanpela pas bilong mi yet wanpela taim.

Na nau mi laik raitim kamap wanpela pas bilong mi. Mi wanpela manki Mendi biknem Simbu. Mi kam i stap long Rabaul sampela yia. Na mi maritim wanpela meri Bekesin insait long Ramu, Madang. Mi tupela marit inap 15 yia. Na mipela i gat tupela pikinini, wanpela em boi na narapela em meri.

Mipela i save stap long blok long Kokopo yet. Mipela save stap gut. Tasol mi kirap nogut wanpela taim ol lain bilong meri kam pulim meri bilong mi i go na mi ting bai em helpim ol long wok o mekim sampela samting.

Tasol nogat. Mi lukim tru tru long ai bilong mi olsem meri ya plis ol salim raun long olgeta hap long gris long mani, kaikai, katen bia, o long fri draiv nating long ka bilong narapela man.

Mi lukim dispela kain pasin i bin kamap plan-

ti taim long mi pinis. Dispela kain pasin bilong maketim pikinini meri long rot na long stri mipela lukim i no gutpela long ai bilong mi stret.

Mipela lukim i no gutpela long wanem i no karamap kaikai. Na tu i no ples bilong yu Bekesin Ramu. Em ples bilong ol Tolai. Narapela provins olgeta. Yu i gat sem tu o nogat?

Harim gut, maski long bagarapim nem bilong ol gutpela manmeri long Madang na tu long Ramu na Bekesin.

Olsem na nau mi laik kisim maus bilong olgeta na mi laik tokim yupela dispela liklik lain. Meri i no karamap kaikai. Yupela mas sem long dispela kain pasin nogat na lusim na lusim olgeta. Sapos nogat yupela go stret long asples bilong yupela yet na wokim bisnis long hap. Na maski long bagarapim ples na taun bilong ol arapela lain na gutpela nem Madang na tu long yumi yet.

**Dickson Noge
Yala Pagua, SHP.**

Skul fi i daunim ol papamama bilong ples

Dia Edita,

Mi wanpela papa bilong tupela pikinini. Mi soim bikpela hevi tru long long skul.

Ol bilong wanpela nupela ples long Wau. Mi toktok long skul bilong ol pikinini.

Long 2003 mi pret long baim skul fi bikos Somare/Marat Gavman bai i no inap helpim mipela long baim skul fi.

Long 2003 sapos Somare/Marat Gavman yutupela baim bihainim dispela polisi bilong Fri Edukesen bai pipel bilong PNG bai amamas tru. Nau mipela papamama pipel bilong PNG stap long bikpela hevi bilong mani long baim skul fi.

Ol memba bilong mipela i mas askim Somare/Marat Gavman long skelim na glasim gut na mekim samting i stret long helpim ol pipel bilong PNG na tu long ol gras rut level long ol ples.

Em mipela kisim taim stret tasol sampela pikinini i no inap tru kisim gutpela edukesen nau bikos i nogat mani long mipela i baim skul fi.

PNG bai kisim bikpela taim long lo na oda bikos ol pikinini bai i no gat skul na stap nating long haus na wokim bikhet pasin.

**Watut Aseki
Lae, MP.**

Sevis man i no amamas long pasin

Dia Edita,

Mi laik toktok long sampela pasin i wok long kamap namel long ol pis na gut oda komiti long Wewak taun husat nau i wok long haiarim praivet loya long Madang long kotim Is Sepik Provinsel Gavman long ol wok ol i mekim long 27 krismas olgeta.

Nambawan taim ol i kisim edvais long praivet konsalten John Kriosaki husait i soim ol rot na givim ol gutpela helpim wantaim long painim dispela loya long Madang ol i nogat save long em.

Bihain ol i givim konsalten fi olsem K1,380 long mi Kriosaki olsem K20 x 69 memba we dispela pis em i no bilong kisim bek tasol ol i kra i rapot long Wewak

polis long holim pasim em na tokim em long givim bek ol dispela moni na ol hatwok bilong em ol i no stretim yet. Em sem pasin stret.

Dispela kain pasin ol pis na gut oda komiti i wok long mekim em ol i bagarapim tru wok bilong praivet konsalten na em inap tru long askim ol loya bilong em long Lae na Pot Mosbi long kisim ol

kodineta na ol plisman i go long kot. Em difemesin keis we i bagarapim nem bilong man.

Mi laik askim gavana bilong Is Sepik provins Arthur Somare olsem i gat mani i stap long peim ol hatwok bilong ol dispela pis opisa o nogat?

Mi laik askim tu loya bilong provinsel gavman long putim wanpela kot injansen o stop long dispela kes inap ol i stretim ol hevi wantaim praivet konsalten.

Sampela bilong ol dispela pis komiti i nogat save long painim ol loya na ol i nogat gutpela respek long konsalten husat i helpim ol na tu ol i wok long kisim rifaun long ol konsalten fi.

Dispela ol wari i bin kamap taim ol dispela ol pis komiti i kisim plis i go na bagarapim opis na ol pepa bilong praivet konsalten na Mista Kriosaki i no amamas olgeta na em i tingting long tokim ol loya bilong em long kotim ol.

Ating ol pis komiti tede mas soim respek o nogat maski rausim ol dispela wok.

**John Kriosaki
Wewak, ESP.**

WANTOK TREID DAIREKTRI

Sapos yu laik putim nem o sevis bilong kampani bilong yu long Treid Dairektri, ringim BONNER HUI long Ph: 325 2500 or Fax 325 2579 EMAIL: wordadvertising@global.net.pg

EYEGGLASS SPECIALS

Eyeglass fitted with your own prescription in sturdy frames that will last a long time.

**PRICES ARE UNBEATABLE
HURRY WHILE STOCK LAST**

Why not enquire and see for yourself, at Sed Optical, Garden City, Boroko
Ph: 325 6433, Fax: 325 6692
Email: sedltd@daltron.com.pg

LODGES

Kiunga Lodge

Small quiet motel situated in the heart of Kiunga 16 Air-conditioned Rooms, all with cable television and bar fridge. Price includes Dinner and Breakfast. Guests staying more than one night will receive a Packed lunch for second and subsequent days.

Only K120.00 per night including VAT

Ph: 548 1127 / 548 1045
Fax: 548 1069
Email: kss online.net.pg

GUESTHOUSE

Kiunga Guest House

From K140.00 to K260.00 / night all inclusive of meals, laundry, 10% VAT.
Transport to and from the airport. Vehicle hire

Tel: 548 1188 / 548 1084
Fax: 548 1195
Email: bookings@gh.ningerum.com.pg

SECURITY

Exsel Security

Ex-PNG & British Servicemen
Tel: 323 9101 - Fax: 323 9109 Email: exsel@global.net.pg

PROPERTY & PERSONAL PROTECTION

• Your Property Checked 2-3 times Every Night
We leave a calling card every visit report on your guards resolve emergencies
• 24 hrs x 7 days Armed "Rapid Response Unit"

Day or night we come to your aid in the event of; An intruder or life threatening issues, Shoplifters or employee theft

You need urgent security.
If you are arrested any emergency
Whatever the emergency - at work, at home or out and about in N.C.D. Whatever the reason - personal safety, medical, fire, theft, vehicle theft/breakdown etc ... **You can call us 24 hrs x 7 days and we will be there, fast!** To take command of your security issue, whatever it is. For your peace of mind we can leave security with you after the issue, if needed.
Membership - Commercial K100 per week first

property
K75 per week extra property
- Domestic K50 per week first property
K25 per week extra property

JOIN NOW! AVOID THE TRAUMA. DON'T TAKE THE RISK & JOIN AFTER AN EMERGENCY OTHER SERVICES

Tourist security escorts - rent-a-guard-body-guards - static guards

MANAGEMENT SERVICES

MANPOWER

Management Services Limited
(Fast and Efficient Service)

- Training & Localisation programs
- Work Permits
- Visas
- Company incorporations
- IPA Certifications
- State of the Art Database
(Reminders automatically remitted)

Contact: Geraldine, Liz, Faith

Telephone: 321 5491 / 321 5492
Facsimile: 321 5493
Email: manpower@daltron.com.pg

ISLANDS MANAGEMENT SERVICES LTD

A bridge to your future career
Specialise in the following activities

- HR Management Consultant
- Labour Hire (local and expatriate)
- Payroll Services
- Business Advisory & Management Consultancy
- Passport, Visa & Work Permit
- Secretarial Services
- Customised Tailoring Services
- Provision of Corporate and School Uniforms
- Training & Localization Programme

Suit 8 Level 1 Garden City, Angau Drive, Boroko
Email: islandsrmse@datec.com.pg
PO Box 889, Boroko, NCD
Ph: 323 4955; Fax: 323 4799

VANILLA VINE CUTTING FOR SALE

Contact: Peter Devis- P.O. Box 89, WEWAK, ESP

Ph/Fax: (675) 856 2743
Email: pdevis@datec.net.pg

Vanilla Cuttings for Sale ...continue

Wewak / Vanimo	K210.51 for 100
Wewak / Aitape	K214.69 for 100
Wewak / Lumi	K221.42 for 100
Wewak / Nuku	K208.33 for 100
Wewak / Angukunak	K203.10 for 100
Wewak / Greenriver	K247.21 for 100
Wewak / Madang	K212.38 for 100

Wewak / Lae	K228.28 for 100
Wewak / Buka	K320.80 for 100
Wewak / Tabubil	K303.52 for 100
Wewak / Moresby	K225.39 for 100
Wewak / Alotau	K299.05 for 100
Wewak / Kerema	K338.06 for 100
Wewak / Daru	K355.45 for 100
Wewak / Tufi	K336.19 for 100
Wewak / Tapini	K314.31 for 100
Wewak / Kikori	K372.46 for 100
Wewak / Baimuru	K345.45 for 100
Wewak / Popondetta	K270.35 for 100
Wewak / Hagen	K215.44 for 100
Wewak / Moro	K386.68 for 100

* We also can be agents for vanilla bean buying companies.

MINING EQUIPMENT

Alluvial mining equipment for sale

Gold dredges; Pro 2.5inch, Pro 3inch, Pro 4inch, Pro 5inch & Pro 6inch
High Banker combo, Super Metal Detectors
Sluice & Pans, Gold Wheel, Rock Crushe
Mercury retort

Field Service trip, Consultation Service
Gold Buying
Equipment Demonstration every Tuesday and Thursday.

CONTACT GOLD PAN

POM: Phone- 323 6052; Fax: 325 2959
Wewak: Phone/Fax - 856 1466

GOLD BUYERS

Gold Buyers - Metals Refining Operations

Offering the best price in PNG. No middle-man involved.
Come and sell your gold direct to the refinery.

Location: Section 451, Allotment 2, Kwila Estate, Cameron Road, Waigani
P.O. Box 3980, Boroko, NCD.
Papua New Guinea

Ph: 325 2647; Fax: 325 2959

Website: www.metalsrefining.com.pg

EDUCATION

NASU TECHNICAL EDUCATION AND CONSULTANTS

1. ENROLMENT OPEN FOR TECHNICAL COURSES

- Auto Mechanic, Carpentry, Welding, etc...
- Must have completed grade 6, 7, 8, 9, 10 and above.

2. EMPLOYMENT OR APPRENTISE

- Must have completed P.E.T.T. Courses, Vocational Training, I.C.S. etc.....

3. CASHIER/SALES COURSE FOR LADIES ONLY

- Must have completed grade 6, 7, 8, 9, 10 or above

4. SHORT COMMERCIAL COURSES

- Stock Taking, Bank Reconciliation, Petty Cash Management, etc...

5. COACHING OF SCHOOL CHILDREN

- Grades 5, 6, 7, 8, 9, 10, 11, 12, Code Students etc..

Entry test opens for 2003.

Telephone: 325 9976/326 3477

Location: 4 mile upstairs of Rural Development Bank (Romm 8)

X-RAY SERVICES

PORT MORESBY IMAGING LTD

X-Ray Ultrasound Scanning
For Employment/Visa/School Medicals

- WE ARE FAST
- WE ARE EFFICIENT
- WE ARE THE BEST

Location: Dr. Mola's Hospital, Taurama Road
Phone: + (675) 325 1140
Fax: + (675) 325 9740

Email: atanu@online.net.pg

NONI JUICE

100% Noni Juice made in PNG Try & Feel the Difference Naturally.

Now Selling:
POM - Boroko Foodworld
POM - Golden Bowl Restaurant
Mount Hagen - Kabuka Supermarket
Wewak - George Soto Supermarket
Rabaul/Kokopo - Novello Real Estate
Balimo - WP - HB Trading Company
Lae - Peigens Supermarkets x 3
Lae - Foodmart Supermarket
Lae - Papindo Supermarket - Eriku
Madang - MAS Supermarket - OLD Butcher

SECONDHAND CLOTHING

FRIENDTEX LTD WHOLESALE


P.O. Box 5049, BOROKO, NCD
Ph: 323 1471 Fax: 323 1479

New arrivals and available of stocks: Jeans, Skirt
Pants, Floopy, Hennaed Shorts, Blue Jeanss,
Collar T/S, Pollo T/S, Bedsheets, Golf T/S,
Bedsheet/Pillow case, Cut Jeans, Childre Mix,
Baby Ramage, Printed colour T/S, Work wear,
Flannel Shirts, Skirts, Socks, Mix Shorts, Jeans
Shorts, Bra, Light Zipper Jackets, Shoes,
Balnekets, Cargo Pants/Shorts, Brown blaes
Mix 200kg
Come and see what we've got in our wholesale

Location: Kenmore Trade Centre Unit 11, next to Amotts Biscuit Factory, off Cameron Road
Gordons NCD

WANTOK NIUSPEPA I STAP LONG STRETIM WARI BILONG YU

Yu gat toksave i go long wantok bilong yu? Yu laik tok hepi
betde long wanpela pren o wanfamili? Yu laikim prenpren?



Rait tasol i kam long:
P.O. Box 1982, Boroko, NCD
Tel: 325 2500; Fax: 325 2579; Email: wordadvertising@global.net.pg

Planti i ronawe tasol 5-pela i hangamap

MASKI planti olupela memba bai ronawe long kot bilong Lidasip Traibunel bikos ol i lus nabaut long 2002 nesenele ileksen, 5-pela memba long dispela palamen tude bai sanap long dispela kot bilong ol lida.

Tasol ol olupela memba husat i gat nem long sanap long Lidasip Traibunel tasol ol i lus na stap nating bai sanap yet long dispela kot sapos ol i holim publik opis gen long dispela kot. Tasol gavman i ken kam long narapela rot we ol i ken givim fail bilong ol lain ya i go long plis na traim sasim ol long kriminel sas. Em bai ol lain ya i kamap long Nesenele Kot stret.

Plis Komisina Sam Inguba i bin mekim toktok pinis long dispela long traim kisim fail bilong ol memba i lus tasol ol i gat rekot na nem long sanap long kot bilong Lidasip Traibunel na wok long en aninit long kriminel Kot.

Nau 5-pela memba bai sanap long kot em bilong Lidasip Traibunel em Mao Zeming bilong Tewae Siassi, Peter Yama bilong Usino Bundi, Michael Nali bilong Mendi Open, Andrew Kumbakor bilong Nuku Open na Bernard Hageria bilong Yangoru Sausia Open.

Long las wik Mista Kumbakor na Mista Hageria i bin kamap long kot long harim ol toksave na kisim save long wanem ol toktok dispela Lidasip Traibunel Kot bai kamapim long kot bilong tupela. Tupela i bin kamap wantaim olupela Bod Siaman bilong Nesenele Geming Kontrol Bod Alfred Daniel we dispela kot i sanapim em tu.

Sampela bilong ol dispela lida i kamap long dispela kot bilong ol lida bikos Ombudsman Komisnin i painim ol i asua long mani bilong ol pipel we ol i no yusim stret o ol i no soim gut rekot bilong ol dispela publik mani.

Lidasip Traibunel Kot em kot bilong ol lida we ol i brukim

WANTOK

NIUSPEPA BILONG YUMI OL PAPUA NIUGINI STREET

lo i banisim wok bilong ol. Ol i kolim Lidasip Kod.

Kot bilong Michael Nali i sut long kamapim straik na mekim ol asua long taim bilong bai ilekse long Sauten Hailans long 1999.

Ombudsman Komisnin i kotim Mao Zeming long yusim mani mak olsem K504,000 kes mani bilong ilektoret long 1998 na long ya 2001 na tu i no bin yusim gut K1.1 milien bilong ilektoret developmen fan. Komisnin i tok dispela mani i go long ol kampani bisnis bilong ol pren na lain bilong em long ya 1999.

Andrew Kumbakor i sanap long dispela kot long em i no bin bihainim rot stret long kisim alawens bilong ka long Nesenele Palamen, kisim wanpela lain bilong em long wok we em i save kisim potnait pe long Nesenele Palamen na tu long Dipatemn bilong Treseri na tu i no bin yusim stret K63,000 publik mani we i kam long Nesenele Geming Kontrol Bod.

Bernard Hageria i sanap long kot nau long i no bihainim stret rot na i yusim ilektoret mani mak olsem K1.21 milien. Dispela mani i stat long ya 1997, 1998 na 1999.

Peter Yama i sanap long dispela kot long i no givim ripot na rekot bilong mani bilong Wota Sapai draut riif fan, i no soim rekot bilong mani bilong ol na oda, i no yusim stret ilektoret developmen fan, em i aplai long kisim mani na i no soim klia long rekot na em i skelim mani bilong Rurel Trempot Developmen Fan yusim famili kampani bilong em long baim ol haus we i no bihainim stret luksave biong Nesenele Hausing Kopresen, i no kisim toksave pastaim long praivet kampani bilong em i go insait long kisim ol gavman kontrak taim em i stap lida, traim long baim tupela sip bilong gav-

man aninit long maket prais na yusim opisel posisen bilong em long kisim benk lon (dinau) bilong em yet long baim sip. Sampela bilong ol dispela ripot i go bek long ya 1997 taim Mista Yama i bin memba bilong Sumkar Open insait long Madang provins.

Olpela bod siaman bilong Nesenele Geming Kontrol Bod Alfred Daniel i sanap long dispela Lidasip Traibunel kot tu bikos tam i bin lukautim dispela opis Ombudsman Komisnin i painim em asua long kisim bek mani ol i bin yusim long Manus provins we em i yusim sampela mani long kaikai na arapela bilong yusim

long laik bilong em yet, i yusim nabaut mobail telepon, ka na fiul kat. Komisnin i kotim em tu long yusim posisen bilong em olsem siaman long kisim wanpela kampani we em i stap klostu insait na i abrus long i no soim rekot na ripot bilong kampani na akaun bilong em i go long Ombudsman Komisnin.

Ol dispela lida em bilong palamen bilong tude we Somare i go pas long gavman. Ol lain long gavman sait em Peter Yama husat em lida bilong Pipels Leba Pati na Michael Nali bilong Pipels Progres Pati. Barnard Hageria, Andrew Kumbakor na Mao Zeming em ol memba bilong Pipels Demokretik Muvmen (PDM) nau i go pas long Oposisen sait.

NAU FM Top 20

- | | |
|--|--------------------------|
| 1. Strength Of A Woman | Shaggy |
| 2. Can't Stop Loving You | Phil Collins |
| 3. Matter Of Time | UB40 |
| 4. My Island Girl | Straky |
| 5. Aiwara | Shydeez |
| 6. Island Girl | Patti & George Fiji |
| | Vekoso feat O-Shen |
| 7. In The End | Linkin Park |
| 8. Boys Of Summer | DJ Sammy |
| 9. Jenny On The Block | J.Lo |
| 10. The Zephyr Song | Red Hot Chillie Peppers |
| 11. Perfect Gentleman | Wyclef Jean |
| 12. Unbreakable | Westlife |
| 13. Sorry Seems To Be The Hardest Word | Blue feat Elton John |
| 14. Stole | Kelly Rowland |
| 15. Dilemma | Nelly feat Kelly Rowland |
| 16. Lose Yourself | Eminem |
| 17. One Last Breath | Creed |
| 18. Asereje | Las Ketchup |
| 19. Through The Rain | Mariah Carey |
| 20. Work It | Missy Elliot |

*Songs rated on requests and dedications from listeners through mail, email and faxes to NAUFM music programs.

NATIONAL WEEKLY HIT PARADE

February 22, 2003

Song	Artist	Last Week	This Week
Acting Aroma	K-Mala	1	1
Aiwara	Shydeez	2	2
Ropsie	Patti Doi	4	3
Andoi	Irapsen	3	4
Dipsy Queen	X-Vibes	5	5
Mi Still Lovem Yu	Sharzy	6	6
Suffer	Uralom Kania	12	7
Lokim Long Tingting	Augustine Emil	7	8
Haus Mangi	Manny	15	9
Abi Subom	Shydeez	10	10
Wasike	Manny	11	11
Blut Ikapsait	Augustine Emil	8	12
Gunan Na Varilam	Patti Doi	13	13
Wanaku	Augustine Emil	9	14
Pikinihi Wass	Wass Kadoi	14	15
Jayjay Sih	Hausboi	16	16
Korit	Kanaka	17	17
Tokim Mi	Patti Doi	18	18
Fungasia	Abrat	19	19
Mi No Marit	J.Wong/S.Bowman	20	20

in out nil nil



EM TV

20/02/2003

- | | | | |
|-------|---------------------------|-------|--|
| 5.30 | JOYCE MEYER | 7.30 | 60 MINUTES |
| 6.00 | NINE'S EARLY MORNING NEWS | 8.30 | SUNDAY NIGHT MOVIE: THE LAST STARFIGHTER |
| 7.00 | TODAY SHOW | 10.22 | CHIT CHAT |
| 9.00 | CREFFLO DOLLAR | 10.27 | EMTV TOKSAVE |
| 9.30 | ***CLASSIFIEDS*** | 10.30 | NATIONAL EMTV NEWS REPLAY |
| 10.20 | 2003 CLASSROOM BROADCAST | 11.00 | CHURCHES MAGAZINE |
| 1.30 | ***CLASSIFIEDS*** | 11.30 | PRATISE |
| 2.30 | SESAME STREET | 12.30 | ***CLASSIFIEDS*** |
| 3.30 | FLINTSTONES | | |
| 4.00 | BUSH BEAT | | |
| 4.30 | DOWNLOAD | | |
| 4.57 | EMTV TOKSAVE | | |
| 5.00 | CATCH PHRASE | | |
| 5.29 | NEWS BREAK | | |
| 5.30 | HAPPY DAYS | | |
| 6.00 | NATIONAL EMTV NEWS | | |
| 6.30 | A CURRENT AFFAIR | | |
| 6.59 | NEWS UPDATE | | |
| 7.00 | LOTTO DRAW | | |
| 7.01 | CHM SUPERSOUND | | |
| 8.00 | TOK PIKSA | | |
| 8.27 | EMTV TOKSAVE | | |
| 8.30 | THIRD WATCH | | |
| 9.30 | LAW OF THE LAND | | |
| 10.30 | EMTV NEWS REPLAY | | |
| 11.00 | SPIN CITY | | |
| 11.30 | BABY BLUE | | |
| 12.00 | NIGHTLINE | | |
| 12.30 | ***CLASSIFIEDS*** | | |

24/02/2003

- | | | | |
|-------|----------------------------------|--|--|
| 5.30 | JOYCE MEYER | | |
| | MINISTRY | | |
| 6.00 | NINE'S EARLY MORNING NEWS | | |
| 7.00 | TODAY SHOW | | |
| 9.00 | CREFFLO A. DOLLAR | | |
| 9.30 | ***CLASSIFIEDS*** | | |
| 10.20 | GRADE 7 SCIENCE PRIMARY | | |
| 11.10 | GRADE 7 SOCIAL SCIENCE PRIMARY | | |
| 11.50 | ***CLASSIFIEDS*** | | |
| 12.00 | GRADE 11 MATH A | | |
| 12.40 | GRADE 11 GEOGRAPHY | | |
| 1.30 | EMTV CLASSIFIEDS | | |
| 2.30 | SESAME STREET | | |
| 3.30 | BETLE JUICE | | |
| 4.00 | WONDER WORLD | | |
| 4.30 | DOWNLOAD | | |
| 4.57 | EMTV TOKSAVE | | |
| 5.00 | CATCH PHRASE | | |
| 5.29 | NEWS BREAK | | |
| 5.30 | HAPPY DAYS | | |
| 6.00 | NATIONAL EMTV NEWS | | |
| 6.30 | A CURRENT AFFAIR | | |
| 6.59 | NEWS UPDATE IN TOK PISIN | | |
| 7.00 | LOTTO DRAW | | |
| 7.01 | WORLD CUP: AUSTRALIA VS ZIMBABWE | | |
| 1.45 | ***CLASSIFIEDS*** | | |

21/02/2003

- | | | | |
|-------|----------------------------------|--|--|
| 5.30 | JOYCE MEYER | | |
| | MINISTRY | | |
| 6.00 | NINE'S EARLY MORNING NEWS | | |
| 7.00 | TODAY SHOW | | |
| 9.00 | CREFFLO A. DOLLAR | | |
| 9.30 | ***CLASSIFIEDS*** | | |
| 10.20 | 2003 CLASSROOM BROADCAST | | |
| 1.30 | ***CLASSIFIEDS*** | | |
| 2.30 | SESAME STREET | | |
| 3.30 | FLINTSTONES | | |
| 4.00 | WONDER WORLD | | |
| 4.30 | DOWNLOAD | | |
| 4.57 | EMTV TOKSAVE | | |
| 5.00 | CATCH PHRASE | | |
| 5.29 | NEWS BREAK | | |
| 5.30 | HAPPY DAYS | | |
| 6.00 | NATIONAL EMTV NEWS | | |
| 6.30 | A CURRENT AFFAIR | | |
| 6.59 | NEWS UPDATE IN TOK PISIN | | |
| 7.00 | LOTTO DRAW | | |
| 7.01 | WORLD CUP: AUSTRALIA VS ZIMBABWE | | |
| 1.45 | ***CLASSIFIEDS*** | | |

25/02/2003

- | | | | |
|-------|--------------------------------------|--|--|
| 5.30 | JOYCE MEYER | | |
| | MINISTRY | | |
| 6.00 | NINE'S MORNING NEWS | | |
| 7.00 | TODAY SHOW | | |
| 9.00 | CREFFLO A. DOLLAR | | |
| 9.30 | ***CLASSIFIEDS*** | | |
| 10.20 | GRADE 7 SCIENCE PRIMARY | | |
| 11.10 | GRADE 7 SOCIAL SCIENCE PRIMARY | | |
| 11.50 | ***CLASSIFIEDS*** | | |
| 12.00 | GRADE 11 MATH A | | |
| 12.40 | GRADE 11 GEOGRAPHY | | |
| 1.30 | EMTV CLASSIFIEDS | | |
| 2.30 | SESAME STREET | | |
| 3.30 | BETLE JUICE | | |
| 4.00 | GOODSPORTS | | |
| 4.30 | DOWN LOAD | | |
| 4.47 | EMTV TOKSAVE | | |
| 5.00 | CATCH PHRASE | | |
| 5.29 | NEWS BREAK | | |
| 5.30 | HAPPY DAYS | | |
| 6.00 | NATIONAL EMTV NEWS | | |
| 6.30 | A CURRENT AFFAIR | | |
| 6.58 | NEWS UPDATE | | |
| 6.59 | LOTTO DRAW | | |
| 7.00 | HAUS & HOME | | |
| 8.00 | AUSTRALIA'S FUNNIEST HOME VIDEO SHOW | | |
| 8.27 | EMTV TOKSAVE | | |
| 8.30 | YOUNG LIONS | | |
| 9.30 | STINGERS | | |
| 10.30 | EMTV NEWS REPLAY | | |
| 11.00 | FARSCAPE | | |
| 12.00 | NIGHTLINE | | |
| 12.30 | EMTV CLASSIFIEDS | | |

22/02/2003

- | | | | |
|-------|--|--|--|
| 7.30 | DON CLOWER'S MINISTER: "TODAY'S LIVING" | | |
| 8.00 | PLANET FANTA | | |
| 9.30 | PINKY & THE BRAIN | | |
| 10.00 | PIG'S BREAKFAST | | |
| 10.30 | CHALLENGER | | |
| 11.00 | GOODSPORTS | | |
| 11.30 | LOCATION LOCATION | | |
| 12.00 | THE EDGE | | |
| 12.30 | EARTH REPORT II SERIES | | |
| 1.00 | DOCUMENTARY: WILD INDONESIA: WHERE WORLD COLLIDE | | |
| 2.00 | JAPAN TV TOPIC | | |
| 2.30 | CONTACT | | |
| 3.00 | UK TODAY | | |
| 3.30 | BACKYARD BLITZ | | |
| 4.00 | BURKE'S BACKYARD | | |
| 5.00 | FISHING WILD AUSTRALIA | | |
| 5.30 | LEISURE WORLD | | |
| 6.00 | NATIONAL EMTV NEWS | | |
| 6.30 | CITY HALL | | |
| 7.00 | (TBA) | | |
| 8.00 | SOUTH PACIFIC MUSIC | | |
| 8.57 | EMTV TOKSAVE | | |
| 9.00 | ER | | |
| 10.00 | WORLD CUP CRICKET: ENGLAND VS PAKISTAN | | |
| 6.15 | TULAIT | | |

23/02/2003

- | | | | |
|-------|---|--|--|
| 6.15 | LOONEY TOONS | | |
| 6.22 | CHIT CHAT | | |
| 6.27 | EMTV TOKSAVE | | |
| 6.30 | TIM HALL MINISTRY | | |
| 7.00 | THE TECHING MINISTRY OF CHARLES STANLEY: IN TOUCH | | |
| 7.30 | IT IS WRITTEN | | |
| 8.00 | BUSINESS SUNDAY | | |
| 8.30 | SUNDAY | | |
| 11.00 | SIGNS OF THE TIMES | | |
| 12.00 | WORLD IMPACT | | |
| 12.30 | TOYOTA WORLD OF WILDLIFE | | |
| 1.00 | CRICKET: ING CUP FINAL | | |
| 4.30 | GOODSPORTS | | |
| 5.00 | 2002 MELBOURNE FLOWERS GARDEN SHOW | | |
| 6.00 | NATIONAL EMTV NEWS | | |
| 6.30 | SEVENTH HEAVEN | | |
| 5.30 | JOYCE MEYER | | |
| | MINISTRY | | |
| 6.00 | NINE'S EARLY MORNING NEWS | | |
| 7.00 | TODAY SHOW | | |
| 9.00 | CREFFLO DOLLAR | | |
| 9.30 | ***CLASSIFIEDS*** | | |
| 10.20 | GRADE 7 SCIENCE PRIMARY | | |
| 11.10 | GRADE 7 SOCIAL SCIENCE PRIMARY | | |
| 11.50 | ***CLASSIFIEDS*** | | |
| 12.00 | GRADE 11 MATH A | | |
| 12.40 | GRADE 11 MATH GEOGRAPHY | | |
| 1.30 | EMTV CLASSIFIEDS | | |
| 2.30 | SESAME STREET | | |
| 3.30 | FLINTSTONES | | |
| 4.00 | WONDER WORLD | | |
| 4.30 | DOWNLOAD | | |
| 4.47 | EMTV TOKSAVE | | |
| 5.00 | CATCH PHRASE | | |
| 5.29 | NEWS BREAK | | |
| 5.30 | HAPPY DAYS | | |
| 6.00 | NATIONAL EMTV NEWS | | |
| 6.30 | A CURRENT AFFAIR | | |
| 6.59 | NEWS UPDATE | | |
| 7.00 | LOTTO DRAW | | |
| 7.01 | SPECIAL PRESENTATION: A NIGHT WITH OLIVIA | | |
| 8.00 | WORLD OF WILDLIFE | | |
| 8.27 | EMTV TOKSAVE | | |
| 8.30 | WEDNESDAY NIGHT MOVIE: TBA | | |
| 10.30 | WORLD CUP | | |
| | Continues through to 6.15 Thursday morning | | |

BETDE GRITINGS

Hepi 5th BONDE na Valentine's Day gritings i go long

Ms VALENTINA TAITA MELDIA

long Lapwing Drive - Gordons.



Bonde gritings i kam long olgeta ol wanpisin na famili i stap long ples Malala, Madang, Bandi Road na ples Labu Tale, Ples Hisiu, CP na olgeta i stap long hia long Pom siti.


Na bikpela tru i kam long olgeta por long Lapwing Drive. Ol brata bilong yu tu i no lusim tingting long yu long dispela de, em Ishmail, Tobias na To'oro na paps na mama i tok "laikim yu tumas na God blesim yu".




• Eddie Wawaur bilong Brown Eagles i kam hom sef taim John Bualten bilong Kopex i traिम long autim em. Ol Kopex i win 6-3.



• Pilaia bilong Education Nikuma Moide i painim sapat pilaia bilong em long Pablik sevans netbal resis egensim NCDC. NCDC win 22-15.



• Spaika bilong IPA i paitim bal long gem bilong ol meri long Pablik Sevans volibal resis long Sarere las wiken. IPA i win 3-1.



• Pilaia bilong Pangtel Moses Tau i paitim bal egensim IPA long Pablik Sevans volibal resis long Sarere. IPA i win 3-2.



• Batsman bilong Kempa, Koupa Kila i stapim bal long kriket resis bilong ol egensim Shady Rest Coasters long Pot Mosbi kriket long las wik Sarere.



• Pilaia bilong Pangtel Donovan Kabewa (raithan) na birua bilong em Lauton Micah i pait long bal long gren fainel bilong Pablik sevans soka resis. Pangtel i win 1-0. Ol poto: JOE IVAHARIA.

Ol Spot Dro

PORT MORESBY MEN'S SOFTBALL DRAW

Sunday 123th February, 2003

Game 17 -
DIAMOND ONE
ELCOM A (Gate)

Time	Grade	Fixtures
09.00	B	Manalos vs Dolphins
10.30	B	Brown Eagles vs Karanas Kopex
12.00	A	North Hawks vs Gazelle
13.30	A	Brown Eagles vs AB Bears
15.00	A	Karanas Kopex vs Manalos

DIAMOND TWO

10.30	C	Elcom vs Manalos
12.00	B	AB Bears vs Manalos
13.30	B	Gazelle vs Admiralty
15.00	B	North Hawks vs Dolphins

DIAMOND THREE

12.00	C	Samurai vs Dolphins
-------	---	---------------------

bye: Karanas

PORT MORESBY WOMEN'S SOFBALL ASSOCIATION 2002-2003 SEASON DRAW

Saturday 22th February, 2003

Round 2 Week 14
DIAMOND THREE

1030	C	Kopex vs Norths
1200	A	Chebu vs Dolphins
1330	A	Norths vs SP
1500	A	Chebu vs All Stars

DIAMOND TWO

0900	C	Dolphins vs All Stars
1030	B	Admiralty vs Wantoks
1200	C	Gazelle vs Manalos
1330	A	AB Bears vs Admiralty
1500	A	Wantoks vs Gazelle

DIAMOND ONE

0900	B	AB Bears vs Chebu
1200	B	Manalos vs Royals

Bye: SP C grade

FILIPINO BASKETBALL ASSOCIATION

Sunday, February 16, 2003

DON BOSCO TECHNOLOGY INSTITUTE

1300	J&E Electrical vs PNG Masters
1400	Patrick's Transport vs CHM Super Sound
1500	Clean Master Pro Guard vs DT Construction CBL U-18

Bye: Interlec Megavolts

POINTS LADDER

J&E Electrical 16
CBL-U/18 12
CHM Super Sound 10
Interlec Megavolts 10
PNG Masters 6
Patrick's Transport 4

OKKAINHENS SPORTS ASSOCIATION

23th February, 2003

HOHOLA SPORTS OVA
B GRADE

0800	Yamaso Raiders vs BP Knights
0830	TK Maroons vs Kanage Spiders
0900	Usu United vs Negifi Bears
0930	GH Eagles vs Waribi Brothers

1000	Morata Hawks vs Hohola Magpies
1930	Linupa Panthers vs JV Bulldogs

A GRADE

1100	Yamaso Raiders vs BP Knights
1200	TK Maroons vs Kanage Spiders
1300	Usu United vs Negifi Bears
1400	GH Eagles vs Waribi Brothers
1500	Morata Hawks vs Hohola Magpies
1600	Linupa Panthers vs JV Bulldogs

HOHOLA BASKETBALL ASSOCIATION (OFF-SEASON)

February 23, 2003

HOHOLA SPORTS OVAL
PRELIMINARY FINALS

1000	Figgy vs Beech Roller (w2)
1130	Paradise vs Cedar vs Figgy (m2)
1200	Paradise vs Darks (w1)
1300	Erima vs Darks (m1)

Bye: Erima (m1), Kama (m1) Bay Watch (m2), Bay Watch (w2)

PORT MORESBY RUGBY LEAGUE SEVENS

SUNDAY 23 February, 2003

ROUND FOUR

1000	Brothers vs D/Warriors
------	------------------------

bye Post Puma

1030	Brothers vs Tarangau
------	----------------------

bye Waliya

1100	Kone Tigers vs Royals
1130	Souths vs Magani

ROUND FIVE

1200	Post Puma vs Royals
------	---------------------

bye Defence

1230	Waliya vs Magani
------	------------------

bye Brothers

1300	D/Warriors vs Kone Tigers
1330	Tarangau vs Souths

SEMI FINALS
Cup Division

1400	Pool A 1st vs Pool B 2nd
1430	Pool A 2nd vs Pool B 1st

SEMI FINALS
Plate Division

1500	Pool A 3rd vs Pool B 4th
1530	Pool A 4th vs Pool B 3rd

GRAND FINAL
Bowl Division

1600	Pool A 5th vs Pool B 5th
------	--------------------------

GRAND Final
Plate Division

1630	Winner G 23 vs Winner G 24
------	----------------------------

GRAND FINAL
CUP

1700	Winner 21 vs Winner 22
------	------------------------

GORDON TOUCH RUGBY

Saturday, January 18, 2003

Time	Fixtures	Referee
C GRADE		
0800	KB Eels vs Moskitos	Knights
0830	Knights vs Sharks	Moskitos
0900	Brothers vs Eagles	Sharks
0930	Rabbitohs vs Rangers	Eagles

Toksava

Salim ol dro, risalts na poin lada i kam long Wantok Niuspepa
long Tunde olgeta wik.Salim long Spots Edita: Fax: 325 2579
o ringim em long telepon no: 325 2500

B GRADE

1000	Tribes vs Roosters	Rabbitohs
1040	Brothers vs Eagles	Roosters
1140	Panthers vs Warriors	Eagles
1240	KB Eels vs Moskitoes	Panthers
1340	Magpies vs Steamrollers	KB Eels
1440	Steelers vs Hanua	Warriors
1540	Bala vs Tigers	Steelers

A GRADE

1640	Brothers vs Eagles	Bala
1740	Tribes vs Roosters	Hanua

Sunday, January 19, 2003

C GRADE

0800	Magpies vs Steamrollers	KB Eels
0830	Rabbitohs vs Rangers	Tribes
0900	Roosters vs Tribes	Rangers
0930	Tigers vs Bala	Steamrollers

B GRADE

1000	Sharks vs Knights	Magpies
------	-------------------	---------

A GRADE

1040	Steelers vs Hanua	Knights
1140	Panthers vs Warriors	Bala
1240	Steamrollers vs Magpies	Warriors
1340	KB Eels vs Moskitos	Sharks
1440	Rabbitohs vs Rangers	Tribes
1540	Tigers vs Bala	KB Eels
1640	Sharks vs Knights	Hanua

MONDAY January 6, 2003

1530	C Grade	Steelers vs Hanua
1630	C Grade	Panthers vs Warriors

LAE PUBLIC SERVANTS SOCCER COMPETITION

Saturday, February 1st, 2003

Competition Draw - Round Seven
GROUND ONE

0900	GST Gov/Office vs OC Lands (w)
1030	Treasury vs Police (1) (w)
1145	CIS vs Justice (w)
1300	GST Gov/Office vs OC Lands (m)
1420	IRC vs Huon (1) (m)
1530	Treasury vs Police (1) (m)

GROUND TWO

0900	Huon (2) vs Pangtel (m)
1030	IRC vs Huon 1 (w)
1145	Morobe PHQ vs GCH Firec Kundu FM (w)
1300	Morobe PHQ vs GCH Firec Kundu FM (m)
1420	Police (1) vs Houn (1) - Replay Round One (w)

Sunday, February 2nd, 2003


GROUND ONE

0900	Diwai vs NARI (w)
1030	Telikom vs Unitech (w)
1145	Morobe PHQ vs GST Gov/Office (R1) (w)
1300	Diwai vs NARI (m)
1420	Telikom vs Unitech (m)
1530	Police *2) vs Water Board (m)



GROUND TWO

0900	PNG Power vs Works (w)
1030	Police 2 vs Water Board (w)
1145	IRC vs Pangtel (Round 1) (w)
1300	PNG Power vs Works (m)
1420	Morobe PHQ vs GST Gov/Office (Round One) (m)
1530	IRC vs Pangtel (Round One) (m)


Bye: LCC (m/w) Health (m/w)



• Menesing Dairekta bilong Man Power Management Geraldine Tam na presiden bilong PNG Snooker/Billiard Bernard Fong i soim bikipela kap long resis.



Pangtel i winim bek NCDPSSA taitel



• Kepten bilong Pangtel Chris Lus husat i kamapim gutpela gem egensim Praim Minista long NCDPSSA . Ol Pangtel i winim gren fainel las wiken 1-0.

HENRY MORABANG i raitim.

DIFENDING sempion, Pangtel, i soim tru pawa bilong em olsem namba wan tim insait long NCD Pablik Sevans soka resis long winim bek taitel. Ol i autim nupela tim, Praim Minista/NEC 1-0 long gren finel bilong ol man.

Na long ol meri, Lands/Physical Planning i soim tru olsem ol i sempion taim ol i autim ol yangpela bilong Edukesen 1-0.

Gem bilong Pangtel na Praim Minista i wanpela gutpela gem tru. Olgeta lain sapota i kamap i amamas tru long lukim pilai tasol ol i no amamas long Pangtel i

winim gem long penalti. Tasol em i pasin bilong soka. Wanpela tim i mas win - em i mas win long penalti o long gol tru.

Pangtel i kamapim gutpela pilai tru. Ol midfil pilaia bilong em olsem tupela intanesenel olsem Paul Komboi na Nasa Wangu i lukautim gut gem. Ol i kisim gutpela sapot i kam long yangpela Donovan Kabewa na lapun yet na kosa Eric Petrus.

Long fran lain, Mathew Luke husat i go olsem riserv i mekim difens bilong Praim Minista i ges olgeta taim em i holim bal.

Praim Minista i no pilai gut tumas. Midfil bilong ol i no strong tumas olsem sait bilong Pangtel. I nogat wanpela lida long midfil i

ken givim toktok bikos olgeta man i laik skorim gol ya.

Olpela PNG kepten Joe Aisa tu i no kisim gutpela sapot. Tasol bikpela astingting tru long dispela fainel em, ol bikman long Pablik Sevans i mas amamas long pilai soka.

Tupela bikman Ken Kaiiah (Gavman Printa) na Gerald Dogimba (Praim Minista) i go pas long ol yangpela bilong ol.

Ol i tokim *Wantok Nius* bihain long gem olsem ol i amamas tru long pilai soka. Tupela wantaim i bin pilai las gren fainel bilong samting olsem 18 yia i go pinis taim ol i yangpela.

Na ol i amamas gem long soim pes long gren fainel.

Tupela tim i pilai i go na long 29 minit, referi Job Minan i givim penalti taim fulbek bilong Praim Minista Reuben Philip i takolim Chris Mullul insait long penalti boks.

Orait Mullul yet i kisim dispela kik na skorim dispela gol.

Bihain long dispela gol nau, tupela tim i senis i go long seken gia. Ol i strongim sait bilong ol.

Ol pilaia bilong Praim Minista olsem Timothy Yiprukaman na Robin Sino i stat long pilai rap liklik long traime pretime ol Pangtel tasol ol boi Pangtel i stap isi tasol na mekim samting stret.

Tupela tim wantaim i strong na skoa i stap 1-0 long hap taim.

Na long namba tu hap, Praim Minista i singautim ol riserv pilaia olsem Jackson Ngahan na David Kaepapa tasol tupela i no strong tumas.

Ol Pangtel i tu gut na strongim kona bilong ol. Sampela ol supa but pilaia olsem Alfred "Pukpuk" Maru na Eugene i kam insait na soim tru kala bilong ol.

Maru em i tromoi lek olsem pukpuk long kalap antap long arapela pilaia tasol referi i no mekim wanpela disisen. Olsem na wanpela taim long pilai, klostu Kaepapa i kros wantaim referi.

Ol pilaia bilong Pangtel i kisim bikpela tok amamas long ol i pilai strong na lukautim gut gem ya.

Reggie i skorim namba wan gol long fes gem

STRAIKA bilong PNG husat nau pilai long North Shore United soka klab long Auckland, Nu Silan i kamap rekot long skorim wanpela gol insait long namba wan gem bilong em long profesenel futbol.

Tim bilong Reggie, North Shore United i bagarapim tru sindaun bilong Napier City Rovers 7-2. Reginald Davani i skorim wanpela gol long helpim klab bilong em i win.

Napier City Rovers em i sempion tim bipo i kam pilai long Pot Mosbi long 2001 Oceania Klab sempionsip.

Stephen Cain husat i lukautim Reggie i tok em i amamas tru olsem boi PNG i skorim gol long namba wan gem. Dispela nau bai givim em strong long em i ken pilai gut wantaim ol

klab long Nu Silan. Cain i tokim *Wantok* olsem Reggie i kam long las wik Fonde tasol nem bilong em i stap pinis long staling 11. Olsem na em i go pilai inap long 65 minit na bihain ol i senisim em.

Em i tok i wetim tasol Desmond Sow husat bai joinim klab bilong em sampela taim neks wik.

Wantok Nius i painim aut olsem klab long Nu Silan nau i askim Desmond Sow long baim balus tiket na go daun. Tasol dispela askim na tingting i no gutpela tumas long boi Amele ya.

Em i tok em i gat strongpela bilip olsem samting lain bai helpim em long baim tiket na go long Auckland.



• Reginald Davani i soim stail i helpim em long winim kontrak long Nu Silan.

Stetim toktok bilong Sir Ignatius Kilage stadium

PAPUA Niugini Futbol Asosiesen (PNGFA) i toktok strong olsem em i no kisim wanpela gutpela askim i kam long PNG Spots Komisn long kamap papa bilong Sir Ignatius Kilage stadium long Lae.

Presiden bilong PNGFA Madiu Andrew i mekim dispela toktok taim em i bekim toktok bilong olpela Jeneral Sekretari bilong PNGFA Ivan Ngahan.

"I nogat wanpela askim i kam long eksekutyut long PNG Spots Komisn. Arapela samting tu, em i bai i no stret long kos bilong lukautim stadium, na tu lisim o baim dispela stadium.

"Mi save olsem olpela jenerel sekretari i mekim planti toktok pinis. Tasol mi laik tok stret olsem aninit long FIFA Gol Projek, mani

ol i givim em long baim o wokim stadium o wokim soka akademi," Madiu i tok.

Na disisen bilong PNGFA eksekutyut em long baim hap graun na wokim Soka Akademi na bihain long em, ol i ken kirapim soka stadium.

Ol eksekutyut i no laik baim stadium olsem na tingting bilong ol i strong tru long yut soka. Dispela i ken kamap long skol soka.

Madiu i tok sapos dispela Sir Ignatius Kilage stadium i fri, ating longtaim yet ol spot bai kisim. Soka tu bai putim yet han antap long traime kisim stadium.

Em i tok eksekutyut bilong em i save olsem dispela Sir Ignatius stadium em ol i laik salim o lisim long soka. Tasol dispela em i nesenel propeti na i no gutpela long soka i kisim.

PNGFA i tok klialong FIFA mani

PRESIDEN bilong PNG Futbol Asosiesen Madiu Andrew i laik stretim sampela toktok i sut long mani bilong FIFA.

PNG i save kisim sampela helpim mani i kam long wol soka bodi long developim soka long kantri.

Andrew i tok FIFA i save givim tupela kain helpim. Namba wan helpim em Fainensel Asistens Program (FAP). Dispela mak bilong mani em US\$250,000 long wanwan yia i kam long kantri.

Dispela mani em ol bai givim tasol ol i save lukluk beks sapos PNG i yusim gut mani o nogat. Sapos PNGFA i no yusim gut mani, em FIFA bai stapim

dispela kain helpim. Bihain long 4-pela yia i pinis, FIFA bai mekim rivi sapos em bai givim helpim yet o nogat.

Presiden i tok as bilong dispela mani em long strongim sekretariat/administresen bilong soka insait long kantri.

Namba tu helpim em FIFA Gol Projek. Dispela helpim mani em i no save kamap olgeta taim.

Andrew i tok dispela Gol Projek mani em long helpim ol memba kantri long kamapim soka akademi o stadium. Ol wanwan kantri yet bai gat plen bilong ol.

PNGFA i yusim dispela mani long wokim soka akademi. Astingting bilong

dispela akademi em long skulim ol yangpela long gutpela rot na pasin bilong pilai soka. Bihain yu gat planti ol gutpela pilaia nau, yu ken tingting long wokim soka stadium we ol mani i ken kapsait long lukim top kwaliti futbol.

Presiden i tok namba wan tingting bilong PNGFA i wankain olsem bilong FIFA em long wokim akademi. PNGFA yet i papa bilong dispela akademi na noken hatwok long lisim long ol arapela lain.

Dispela FIFA Gol projek em bilong olgeta memba kantri long wol. na mak bilong mani em US\$400,000 na i no US\$1.3 milien. Dispela mak bilong \$1.3 milien i kam long wanem hap tru.

AB Bears bagarapim tru SP

AB BEARS i bin kamapim gupela na strongpela gem egensim ol birua tim long las wik Sarere long Pot Mosbi wimens sofbal kompetisen.

AB Bears i pilai tupela gem. Long namba wan gem, ol i mekim save stret long ol SP 12-0 na apinun, ol i pait hat na rausim win bilong Norths 4-3. Na long Sarere bipo, ol i wilwilim stret Gazelle.

Win bilong Bears egensim Norths i no kam isi. Ol i laki bikos ol pilai bilong Norths i no holim gut ol bal na ol Bears i yusim dispela long skorim ol poin.

Bihain long tripela inining, nogat wanpela skoa i bin kamap. Tupela tim wantaim i stap 0-0.

Tupela kosa Rupen Patia (Bears) na Alois Puipui (Norths) i bin mekim gupela wok tru. Ol i no sindaun na ol i laik narapela tim i mas lus ya.

Bears na Norths i gat ol gupela pilai. Bears i laki long wanem ol i gat sampeal intanesenel pilai olsem Maggie Joseph, Antonia Tatai, Terry Akorare, Delin Bais na Nathalie Bart.

Norths tu i wankain. Ol i gat ol gupela pilai olsem Elly Marsipal, wanpela top beta Pala Manet, Nancy Tapo na Rose Mohe.

Norths i bet pas. Tasol ol Bears i

was gut long ol kona na stapim ol long rekotim skoa.

Pitsa bilong Bears Joseph i no soim marimari liklik. Em i givim ol strongpela pitsing stret long Norths na ol i painim hat long paitim bal.

Wankain tu, Norths i no isi. Ol i bekim dinau na i no givim sans long ol Bears long mekim wanpela ran bilong ol. Olsem na bihain long tupela inining, skoa bilong tupela i stap yet long 0-0.

Tasol long namba tri inining, Bears i mekim tripela ran i kam long Dianne Gideon, Tatai na Joseph. Oraut ol lain Norths tu i mekim wankain long rekotim tripela ran tasol ol Bears i strong na Tatai i mekim wining ran long winim dispela gem 4-3.

Ol ran bilong Norths i kam long Marsipal, Manet na Tapo. Tupela tim i skorim poin taim ol birua bilong ol i abrusim mak na ran.

Long ol narapela pilai Admiralty i rausim tiket bilong All Stars, Gazelle i stapim win bilong Dolphins 15-7 na Chebu i tok nogat long Wantok 2-1.

Bihain long ol dispela pilai, Pot Mosbi seleksen komiti bai makim 17 memba tim long makim Pot Mosbi long pilai long nesanel sempiosip long Lae we bai kamap long Ista wiken.

Hohola basketbal holim fainel

TUPELA biknem tim, Erima na Paradise, bai winim gem bilong ol long Hohola Op-sisen basketbal kompetisen long dispela wiken.

Maina primia Erima i kisim solap long han bilong ol lain Kama 43-41 long mesa semi fainel. Nau ol bai bungim strongpela salens tru i kam long Black Out, Darks husat i bagarapim tru Louka 66-41 las wiken.

Na long wimen's divisien, Paradise i kisim strongpela salens i kam long Louka tasol i strong na

winim dispela gem 33-28. Dispela wik, Paradise bai bungim Darks husat i lus long ol yangpela Erima 41-34.

Kama (man) na Erima (meri) i winim pinis namba wan spes bilong gren fainel long dispela ya.

Louka em i aut long 2003 resis na wetim tasol nupela ya.

Ol yangpela long Erima i mas was gut long ol pilai bilong Darks. Ol dispela lain i save kamapim gupela gem tru.

Erima i gat ol pilai olsem Peter Lio, Jimmy Lamond, Rorry Sitapai, Raymond Lamond, Kelly Yarado na Moru Moru husat i save kamapim strongpela pilai.

Ol lain long Darks i gat ol pilai olsem Peter Eka, Sado Maha, Solo Kwagariwai, Abraham Malara na Donsie Kosi. Ol lain pilai i save pretim ol strongpela tim ya.

Na long wimen's divisien wan, Helen Lawrence, Tati Ori,

Wendy Memafu, Lavo Horope, Julie Joe and lofty Veronica Laumaea bai kamapim planti hevi long ol oposisen bilong ol ya.

Darks i wankain olsem man bilong ol. Nuksie Maru, Lilly Eka, Theresa Bekas, Annie Andrew na Stella Eka bai strong long difens long traim winim ol long kisim poin na surik i go long fainel.

Na long divisien tu (mens), Paradise i mas tingting gut na lukaut long Cedar. Ol boi nogut ya.

PNGRFL saspendingim AGM

PAPUA Niugini Ragbi Futbal Lig (PNGRFL) i saspendingim Anuel Jenerel Miting bilong bihain long planti memba asosiesen i no baim afiliesen bilong ol.

Dispela miting ya em planti man i ting bai kamapim sampela senis bihain long planti tok pait i bin kamap namel long ol sapota long mekim senis long eskekyutiv bilong PNGRFL.

Bihain Section 4 bilong (afiliesen) long PNGRFL konstitusen,

• Ol lig i laik afiliet i mas tokaut severi de bipo long PNGRFL AGM long wanwan ya. Planti ol senta i no afiliet long taim.

• Ol senta i laik aplai long membasip i mas putim

- aplikesen bilong afiliesen

- aplikesen fi

- mini bilong lokel asosiesen (AGM)

- presiden ripot

- afiliesen fom bilong ol klab

- kontek namba bilong ol opisel

- kopi bilong sponsasip agrimen

- ol senis long konstitusen

Planti ol memba asosiesen i no bungim dispela kain ol askim olsem na presiden bilong PNGRFL Jim Robins i saspendingim AGM na tokaut olsem miting nau bai kamap long pinis bilong mun Mas 31.

Jenerel menesa bilong PNGRFL Kevin Murphy i tokaut olsem dispela miting bai kamap long pinis bilong mun ya.

Okkaihens i rausim wanpela klab

... rausim poin bilong 5-pela klab

WANPELA bikpela op-sisen ragbi lig kompetisen long Nesanel Kapital Distrik, Okkaihens i rausim pinis wanpela klab long kompetisen bilong em na tu rausim poin bilong 5-pela arapela tim.

Presiden bilong Okkaihens Gary Yagafa i tok olsem eksekutyut bilong em i rausim Kay Heros long ol i no baim afiliesen fi bilong ol. Afiliesen fi em K500.

Na long sem taim tu, ol eksekutyut bilong Okkaihens i rausim tupela poin bilong tripela klab long ol i no baim afiliesen fi long taim. Ol klab i kisim taim em BP Knights, Usu United na TK Maroons.

Ol TK Maroons i kisim solap gen long taim ol eksekutyut i rausim arapela tupela poin long ol i no pinisim

afiliesen fi bilong ol.

Hohola Magpies i lusim tu poin bihain long Yamaso Raiders i apil. Judiseri komiti dispela apil na givim i go long Raiders.

Yagafa i tok bai i gat split raun long narapela 6-pela wik na priliminari fainels bai kamap long mun Mas.

Bihain long pinis bilong namba wan raun, Yamaso Raiders i go pas long poin lata wantaim 10 poin, GH Eagles 17, Knights 16, Bears 16, Magpies 14, Waribi Brothers 14, Usu United 14, TK Maroons 13, Linupa Panthers 12, Morata Hawks 12, JV Bulldogs 8, Kanage Spiders 8 na Kaiyo Storms 8.

Poin lata bilong ol B gret em sanap olsem Magpies 21, Raiders 17, Panthers 17, Knights 14, Bulldogs

14, Eagles 14, Bears 13, Spiders 11, Hawks 10, Brothers 9, Storms 8 na Maroons 2.

Mista Yagafa i tok i gat 5-pela gem i stap yet na resis bilong top 8 bai kamap. Long Sande, Raiders by salensim Knights. Ol boi long Burns Peak mauten i gat bikpela tingting long winim ol difending primia.


Maroons bai kamapim gupela salens wantaim Spiders, United bai winim Bears.

Eagles na Brothers bai kamapim wanpela gupela gem tru. Eagles tu i wok long flai antap tru long kompetisen na ol Brothers i mas was aut.

Magpies bai autim Hawks, Panthers winim Bulldogs na Storm bai malolo long dispela wiken.

PAINIM BAL RESIS NAMBA 1

WINIM
K250



RUL BILONG PILAI:

1. Makim X long boks long poto yu ting bal i stap
2. Makim X long pen tasol
3. Katim poto long sisos na salim long: PAINIM BAL RESIS NAMBA 1 Wantok Niuspepa, P.O. Box 1982, Boroko, NCD.
4. Namba wan entri i makim stretpela hap bal i stap, em bai win.
5. Las de bilong kisim ol entri em pinis bilong olgeta mun.
6. Long Wantok bilong Januari 30, bai gat nupela K250 prais mani resis. Bai gat resis bilong olgeta mun i go inap mun Desemba, 2003.
7. Disisen bilong komiti i makim wanpela wina em i fainel.
8. Wina bai kisim sek mani, na i no long kes.
9. Sapos nogat wina bai skruim win moni i go antap long narapela resis.
10. Yu ken salim moa long wanpela entri, tasol noken yusim poto kepi.
11. Ol wokman meri na pikinini bilong Wantok niuspepa i no inap stap long dispela resisi.

Raitim nem na adres bilong yu:

Nem.....

Address..... Krismas

WANTOK SPOTS

Ol yangpela Raiders helpim tim long win

IAMUTU KERE i raitim

BALA Raiders na Warriors i rausim Rabbitohs na Knights long resis bilong primiasip long Gordons Tas insait long mesa semi fainel.

Tupela tim nau bai salensim Erima Magpies na Steelers long lukim husat bai pilai long 2002/2003 gren fainel.

Warriors i givim hat taim stret long main prima, Knights. Na tupela wantok tim, Bala na Warrior i pilai strong tru na ol i go long ekstra taim long painim aut husat tru i winim gem.

Bihain long gutpela win egensim maina prima, Knights, ol Raiders i redi tasol long win. Tasol ol i painim hat long wanem Rabbitohs i wok long givim hat wok liklik long ol ya.

Namba wan asua i kamap taim seken rowa bilong ol Paul Dai i lusim bal na Joe Morris bilong Rabbitohs i kisim na go putim trai.

Ol i wok long pilai yet, kepten bilong Rabbitohs Martin Mabua kikim wanpela fil go long surikim skoa i go long 5-0.

Bala i strong gen long salim winga bilong ol Henry Rupa na Kilroy Raka long go putim trai tasol referi David Mune i tok dispela traime i kamap long fowat pas.

Klostu long hap taim nau, Joe Sarufa i kikim wanpela ful gol long daunim skoa long 5-1 na dispela i go inap hap taim.

Insait long namba tu hap, ol fowat bilong Rabbitohs i strong moa. Willie Steven, Ao Tom, Karo Mabua na braks bilogn em Tauna Mabua i go pas long brukim difens bilong ol Bala Raiders.

Kepten Martin Mabua i kikim wanpela penalti na bringim skoa i go long 7-1.

Ol Raiders i painim hat nau. Tasol ol yangpela pilaia olsem Kapani Tony, Gabriel Hearo, Paul Dai, Hui Lahari na Robert Tony i kirapim paia gen na ol i stat long pilai strong tru ya.

Dai i kisim wanpela gutpela bal na ran long lain na bihain setim Kapani Tony long skorim trai. Dispela nau i daunim skoa bilong ol i go long 7-5.

Hapbek bilong Bala Murray Peto na Cliver Werner i strong tru na givim hat taim long Rabbitohs i kisim bal. Olsem na Hongy Mea i kikim wanpela penalti gol long levelim skoa 7-7.

Karo Mabua i mekim ol sapota bilong Rabbitohs i singaut taim em i kikim wanpela fil gol long bringim skoa 8-7 tasol Dai i bekim bek na skoa i stap gen 8-8. Dispela nau i mekim ol pilai strong long ekstra taim.

32 meri bai salens long Wimens snuka sempionsip

NAMBA wan nesanel wimens snuka sempionsip i pulim 32 meri olgeta long pilai.

Dispela sempionsip bai kamap long Pot Mosbi long Februari 28.

Presiden bilong PNG Snuka na Biliard Asosiesen Bernard Fong i tokaut olsem tonamen bai kamap long Aviat klab na Saut Pasifik Motos klab.

Mista Fong i tok olsem em i namba wan taim wimen sempionsip i kamap.

Namba tu presiden Belden Sevua i tok tripela meri bai kam long Rabaul na tupela bai kamap long Alotau na olgeta arapela meri em bilong Pot Mosbi.

Dispela wik, Man

Power Management i givim wanpela Perpetual Cup we ol meri bai resis long em.

Menesing Dairekta bilong Man Power Management Geraldine Tam i tok kampani bilong em i amamas tru long sapotim Women in Sport ektiviti. Em i namba wan taim kampani i givim bek samting long komyuniti long sait bilong spot.

Misis Tam i tok kampani bilong em i go long sait bilong bisnis long stretim paspot na visa.

Sevua i tok ol arapela lain i givim sapot long dispela wimen tonamen em Kellogg's, the Prime Minister, POSF, MVIL, Niugini Glass & Aluminium and the PNG Sports Commission.

Gavana lpatas i laik lukim senis long PNGRFL eksekyutiv

JAMES KILA i raitim

NAMBA wan sapota bilong ragbi lig na Gavana bilong Enga Peter lpatas i singaut long senis i mas kamap long menesmen bilong PNG Ragbi Futbal Lig.

Mista lpatas i mekim dispela singaut long wanpela miting bilong ol presiden bilong Hailens Ragbi Lig long Goroka las Sarere. Na long Sande, olgeta presiden i go sindaun long PNGRFL AGM.

Em i tok ol eksekyutiv bilong PNGRFL nau i as bilong ragbi lig i pundaun long kantri na em i taim bilong senis.

"Sampela mipela i bihainim gut ragbi lig na i laikim senis, olsem na olgeta lig i mas bung wantaim na lukim dispela senis i mas kamap"

"Olsem wanpela lida husat i makim ol pipel husat i gat bikpela laik na sapot long ragbi lig, mipela i laik lukim dispela ol lain eksekyutiv i mas go," Mista lpatas i tok.

Gavana i tok bilas long kosa bilong Kumul Bob Bennett olsem em i yusim

tasol gutnem bilong brata bilong em na kosa bilong Brisbane Broncos Wayne Bennett. Em i wanpela bilong ol dispela lain i kilim ragbi lig.

Planti ol arapela ragbi lig senta husat i sindaun long miting i amamas long toktok bilong lpatas. Ol i tok planti ol yangpela pilaia long kantri i no kisim gutpela sans long go pilai long Kumul.

Olgeta taim bilong Kumul i laik pilaia, PNGRFL eksekyutiv na nesanel kosa Bennett i save go ovasis long kisim ol pilaia husat i pilai long ol liklik ragbi lig senta i nogat nem na makim long Kumul.

Gavana lpatas i givim ful sapot bilong em long Hailens Ragbi Lig na i laik ol i mas makim ol gutpela lain long lukautim spot long Hailens.

"Mi bai i no inap sapotim ol rurel lig olsem Porgera na Laiagam taim ol wankain man i stap yet long PNGRFL Bot. Gavana i tok.

"Mi redi long toktok wantaim ol lida bilong Palamen long sapotim ragbi lig tasol mi laik lukim senis i kamap long Bot," Gavana i tok.

Ol arapela senta husat i stap long miting i givim ful sapot long Hailens Ragbi Lig na siaman bilong ol Pat Siwi.

Planti opisel husat i stap long miting i tok olsem dispela samting ol Hailens Ragbi Lig i mekim em i gutpela long ragbi lig. Ol opisel i stap long miting em Lae, Rabaul, Kimbe, Pot Mosbi na Kimbe.

Vais presiden bilong Pot Mosbi John Kume i tok olsem em i taim nau ol liklik senta i sanap na mekim samting long laik bilong ol yet.

"Planti i save pinis olsem POM ragbi lig i save gat planti kros pait wantaim PNGRFL. Mipela i bruk lusim PNGRFL taim NRL na Super Lig woa i stap na POM Ragbi Lig i resis long Kwinslen kompetisen.

"Mi sapotim yupela long gutpela bilong ragbi lig insait long kantri." Mista Kume.

Presiden bilong Lae Ragbi Lig Alex Dawa i sapotim ol presiden bilong Hailens bikos dispela bai sevim planti mani. Nau ol ragbi lig senta Lae, Madang, Ramu na Wau-Bulolo insait long Noten Jon i ken stap insit long resis.



• Desmond Sow i hatim trening na wetim sampela gut pren bilong soka long helpim em. Em i nidim balus tiket long go long Nu Silan. Foto: HENRY MORABANG

Singaut long helpim Desmond Sow

MIDFILA bilong PNG nesanel soka tim Desmond Sow i painim hevi nau long go long Auckland long joinim nupela klab, North Shore United, bihain long klab i askim em long painim balus tiket bilong em.

Sow, hap Amele long Madang na Sepik i tokim *Wantok Nius* olsem klab bilong em i askim em long baim balus tiket na em i ken go pilai.

Man i go pas long stretim kontrak bilong em, Stephen Cain i bilip olsem klab i laik lukim ol pilaia pastaim bipo ol i ken helpim. Tasol dispela i no bikpela samting long wanem, Reginald Davani i soim pinis, olsem ol pilaia long PNG i ken pilai soka long ovasis.

Davani i skorim wanpela gol long helpim tim bilong em, North Shore United long wilwilm Napier City Rovers 7-2.

Wantok Nius i mekim wanpela spesel apil long ol lain soka pren, bisnisan o sponso husat i laik helpim Desmond Sow i ken ringim Henry Morabang long 325 2500 o email: word@global.net.pg o nesanel kosa John Davani 323 5700 sapos yu laik helpim.

Desmond em i wanpela strongpela pilaia husat i ken karim nem bilong kantri long pilai soka. Em i nidim helpim long baim balus tiket (return tiket) long go pilai wan-ya profesenel futbal long Auckland, Nu Silan.

Wantok Nius i save olsem Cosmos soka klab bilong Pot Mosbi we Desmond i save pilai i mekim olgeta samting long traime helpim em.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.